



4  
M  
2

m  
016

Ex Bibliotheca  
majori Coll. Rom.  
Societ. Jesu

44.6.22.

44

A

22













ABSOLUTISSIMA

DE

DE

DE

DE

DE

DE

DE

DE

DE

DE

DE

DE

DE

DE

DE

DE

DE

DE

DE

DE

DE

DE

ABSOLVTISSIMA  
DISPV TATIO  
DE PRAEDESTINATIONE,  
ET REPROBATIONE  
D. MARCI ANTONII MAZZARONI  
A MONTE RVBIANO.

*Celeberrimi Collegij Perusini Sacra Theo-  
logia Doctoris.*

*Bibl. Sect.*

*Coll. Rom.*

*loc.*

*Testu*



PERVSIÆ, Apud Petrum Iacobum Petrutium. M D LXXIX.  
CVM LICENTIA SUPERIORVM.

MISSISSIPPI

THE STATE OF

DOUGLASS

IN THE

OF THE

OF THE

OF THE



ILLVSTRISSIMO  
ET REVERENDISSIMO

DOMINO DFELICI PERETTO

S. R. E. CARDINALI AMPLISSIMO

DE MONTE ALTO.



MARCVS ANTONIVS MAZZARONVS.



*T* si Mortalibus uniuersis à Natura insitum est, ut scire omnes maxime cupiant: cuius rationem arbitror, ipsorum cum anima à Deo, qui vera Sapientia fons est, originem ducant. Illis tamen præ cæteris tributum est, qui sordibus inuolutum non habent ingenium; at hominis qua magis sunt, præstare nituntur. Quod, simul ac primum sapere cepi, in me ipse agnoui, quem nulla calamitas, non rerum inopia, nec inuidorum numerus ab optimarum artium intuitu valuerunt eripere. Medicam ad artem, Iuris prudentiam, inspecta egestate, ut ad lucri

maioris facultates non defuerunt hortantes; & eò me fortè traxissent, in corde si radicata Religio non obstitisset acerrimè. Probè satis non fecissem; si Redemptoris ministerio addictus vana sectatus, cœlestem hunc veritatis radium subterfugissem; unde per agenda non solū, at alijs ostendenda vberimè quoque colliguntur. Hac non, ut alia, deterruit ab initio, allexit quinimo, Gemmas, quibus fulget, ostendens. Hac enim amplissimis eminens Prædijs, conscientia thesauros secretis penetrabilibus mentis nobis parit, fructus æterna dilectionis acquirit. Hac est sol, per quem cordis oculus in tenebris clarescit. Hac terrenum in cœlestem, hominem tandem in Deum mirificè conuertit. Quid ergo iucundius ei contingere potest? quàm ab hac Sapientia, ubi Christus promiscat, doceri, ad imaginem se Dei conditum, è Cœlis elapsum, ac eò reuersurum, ubi perenni vitæ, bares Beatitudinis, omni cū gaudio, & securitate fruetur. Hoc in amenò, florentique agro vires meas dum exercebam, inter manum, & pomum qui parietem struere vellent, adhuc extiterant; ad idq; frequenter me duxerūt, ut à veritate in æspera, & erronea vix non irruerim. Quot me me Sophistarum argutjs circūuenerunt? ac om-



nes (quod miratus sum) eodem spiritu ducti hac  
mecum solum difficillima de re loqui volebant;  
forte iuuenis intellectum ambagibus ut dolose ca-  
ptarent. Angebat precipue, responsionibus in spi-  
cere meis, ut par erat, eos minimè sedari. His ex-  
citatus, ut ab iniuria simul, & molestia dicendi  
semper ad idem, eximerer; omniumque sub ocu-  
lis ponere in somnia, veraue potius referre; nec  
non ut pro viribus rem ipsam illustrarem; huic  
me labori accinxi, saniori Doctissimorum virorum  
præadmoto consilio, præsertim M. Nicolai Aleßij  
Perusini; nec ab incepto retraxit. At quibus  
sub auspicijs; unum optatis meis obesse hoc pote-  
rat; ubi Aurea hac atas, teque uno, Illustrissime,  
ac Reuerendiß. Princeps, felix FELICE Regio  
nostra opportunè subuenerunt. Horrido Marti:  
Periculoso negotio Dux fortissimus, & Cognitor  
prudentissimus præesse debet. Quis autem stre-  
nuior te, consilijue maior hodie viuit? quæ Orbis  
literarum Dominum celebrat, ac permagnus  
quilibet rem suam Diuino iudicio tuo lubentissi-  
mè crederet. Detractores ne carperent amplius,  
Vir eos amplitudine sua qui silere iuberet, inue-  
niendus erat. Ecquis te amplitudine præstat,  
quem Purpureus cætus magni facit, & venera-  
tur

tur? Maximum fuisset argumentum insania,  
ab alio si studuissem exorare, ad proprios quod  
penetres tam benignè Cælum obtulit. Hac, Emi-  
nentissime Domine, impulerunt me; iugiter post-  
modum traxerunt ingens humanitas, quam om-  
nes de te concinunt, & Observantia, qua tibi cor  
meum à pueritia dicauit; claraque iam esset, si  
nebula, qua nostri obsidentur, denudati forent  
animi: ut Libellum hunc alarum tuarum sub um-  
bra conspiciendum dimissem. Suadere mihi  
non possum, ut alienigenas qua quotidie suscipit,  
fouetque; illamet benignitas eodem me ferè sub  
Cælo natum leni nutu inspectura non sit. Rogo  
igitur, Humanissime Pater, has meas lucubra-  
tiones, in vestigium inita seruitutis, primò susci-  
pere velis; susceptas deinde, uti tuas protegere,  
atque tueri digneris. Pro quo ipse, ut vota tua se-  
cundet, obnixè Deum rogabo.

INDEX QVAESTIONVM, ET  
Articulorum, de quibus hic.

QVAESTIO PRIMA.



<i>Articulus Primus. Quid sit Praedestinatio?</i>	pag. 1
<i>Art. Secundus. De causa agente Praedestinationis</i>	20
<i>Art. Tertius. Qui sit finis Praedestinationis?</i>	25
<i>Art. Quartus. An meritum nostrorum praesentia Praedestinationis sit causa?</i>	31
<i>Art. Quintus. An bonus usus liberi arbitrii praesentis a Deo sit causa Praedestinationis?</i>	60
<i>Art. Sextus. An Praedestinatio necessitatem imponat praedestinationis?</i>	81
<i>Art. Septimus. An soli homines, &amp; an omnes praedestinati sint?</i>	103
<i>Art. Octauus. An certus, praedestinatus sit praedestinatorum numerus, ita ut nequeat augeri?</i>	111
<i>Art. Nonus. An Praedestinatorum certa sit salus?</i>	120
<i>Art. Decimus. Qui finis, vel terminus existat Praedestinati?</i>	137
<i>Art. Undecimus. Qui sint effectus praedestinationis, &amp; quae signa praedestinati?</i>	143

QVAESTIO SECVNDA.

<i>Articulus Primus. Quid Reprobatio sit? Et cur ipsa dicatur simpliciter Praescientia a Theologis, quomodo: non dicitur Praedestinatio?</i>	147
<i>Art.</i>	

# I N D E X

*Art. Secundus. Ad quem species reprobare, & quomodo: Deus  
ad reprobationem concurrat?*

154

*Art. Tertius. An deus ex parte nostra causa demeritoria Repro-  
bationis?*

175

## F I N I S.



# Q V A E S T I O I.

## ART. PRIMVS

*Quid sit prædestinatio.*



ON vnica, uerum plures, variazq; traduntur à bonis auctoribus Prædestinationis definitiones: quarum ad enumerationem, ac explanationem priusquã deueniam; recēdere conabor penes quos usurpatum sit hoc nomen, Prædestinatio, & quam recipiat interpretationem.

Inuisum plerisq; est nomen hoc, Prædestinatio, vnde præuertentes eius loco dicunt, Declarationem, & Prædefinitionē. At legant quæso Paul. Rom. 1. Qui prædestinatus est filius Dei. Rom. 8. Quos præsciuit, & prædestinauit conformes fieri imaginis filij sui. Prima Corint. 2. Sapientiam loquimur inter perfectos; sapientiam inquam non huius seculi, sed sapientiam Dei in misterio, quæ abscondita est, quam prædestinauit Deus ante secula in gloriam nostram. Ephes. 1. Benedictus

A Deus,

Deus, qui benedixit nos, elegit, & prædestinavit in adoptionem filiorum. Legant patres omnes, Aug. præcipue, cuius innumera possent afferri testimonia. Insuper Scolasticos cum Mag. p. s. dist. 40. Concil. Trident. sess. 6. Immeritò propterea agunt huius dictionis usum præuertentes; cum à doctoribus, Conciliis, atq; scriptura sit usurpata.

Quid autem nomen hoc, Prædestinatio, denotet, absolute respondendo dicere possumus significare idem, quod antea destinatio; intimius tamen aspiciendo, clarius à partium significatione assumendum est: videlicet ex verbo, Destinare, & ex præpositione, præ, Destinare igitur penes latinos multas recipit expositiones. Primò namque mittere significat, vt Iuuenalis Sat. 4. Destinatus hoc monstrum Cimbæ, linquere Magister Pontifici summo, & c. Nonnumquam deliberare denotat, ac animo constituere, ordinare, sicuti apud Suetonium de Cæsare legitur; quòd de amplificando Imperio plura, maioraquè in dies destinabat. Hunc in eundem sensum legitur de Elezero Machab. 2. cap. 6. qui destinavit in corde suo non admittere illicita propter vitæ amorem. Extat quoque illud Paul ad Corint. 9. Vnusquisque, prout in corde suo destinavit; nō ex necessitate, aut tristitia, & c. Sapientia 6. Tamquam sagitta emissa ad locum destinatum. Tertiò de-

deputare, seu adiudicare significat. Enead. 2. Et me destinat aræ.

Omnes hæ significationes negotio huic aptari queunt; Deus enim dicitur quoque hominem aliquò destinare; idest in beatitudinem mittere. Similiter de homine destinare; hoc est de eo beatificando decernere. Quomodo sumpsit Aug. Ench. 99. cum dixit, Deus aliquos benignè prædestinauit ad gratiam. Vltimò destinare hominem alicui rei dicitur, scilicet Beatitudini capefendæ. Et ad hoc propositum legitur illud Sapientia 6. Tamquam sagitta emissa ad locum destinatum. Vbi considerandum est per diuinam prouidentiam singulas res in fines suos aptari, in quo præcipuè prouidentia ratio seruatur: quæ etiam sub ratione res singulae à Deo suos in fines destinari dicuntur. Quæ de re, Destinatio, genericū nomen est competens inanimatis rebus, irrationabilibus animatis, sicuti & animantibus rationalibus. Huius est deinde quædam determinata species rationalem creaturam solummodò respiciens, quæ Prædestinatio, nuncupatur. Est ergo, Destinare, ad propositum nostrum; rationalem, siue intellectualem creaturam in finem supernaturalem dirigere. Est præcipuè D. Thom. p. p. q. 32. & q. 6. de veritate. Aliam si cupis differentiam, Origenem petas in Epist. ad Rom. p. vbi dicit, De-



stinare est respectu rei, quæ adhuc est; Prædestinare verò respectu rei, quæ nondum est.

Uterius; illa dictio, præ, de sui natura ordinē prioritatis significat: prius autē aliud altero multipliciter dicitur; hoc tamen in loco temporis ordinē, uel dignitatis significat: sunt enim qui vno, & qui altero modo accipiant. D. Thom. & Scholastici ferè omnes Augustinum in hac parte sectantes ad priorem sensum declinant. Vnde Deus, secundum illos, aliquem dicitur prædestinare, cum ante omne tempus constituerit quid in tempore illi collaturus esset; gratiam scilicet in præsentī, & gloriam in futuro.

Alij dicunt per illam dictionē dignitatis prioritatem designari: qui etiam bipartiti sunt. Quidam enim hanc differentiam discernunt inter speciem humanam, & alias species; ita, vt velint prouidentiam, qua cætera in suos fines aptantur, Destinationem simpliciter dici, vt iam dictum est: hominis verò prouidentiam, cum specialis, & dignior sit, utpote finem supernaturalem inspiciēs; describi per hanc particulam, præ; vt homo dicatur prædestinari, id est præcæteris creaturis ad beatitudinem destinari. Alij dicunt hanc differentiam inter hominem, & hominem attendi. Omnes inquit homines ad beatitudinem creati sunt; aliqui tamen efficacius alijs: quare dicuntur



tur ad vitam prædestinati, idest præ aliis hominibus destinati.

Hæc expositio probabilis non est, cum sacris literis minimè consonet; veluti exponendo loca superius adducta faciliè apparet. Quare contra eam breuiter sic opponitur. Si illa particula, præ, inter saluandos dignitatem designat; qua ratione dictum est à Paulo, quos præsciuit, & prædestinauit; ita quoque dicendum illi fuisset, hos & præuocauit, præmagnificauit, & præiustificauit. Vti enim electi præ alijs destinantur, ita præ aliis vocantur illustrius, & iustificantur: quod nihilominus quantum consonet scripturis quilibet videre potest.

Priorem igitur expositionem cum communi amplector, utpote sacris literis magis congruentem. Vbicunque enim de prædestinatione loquuntur, singularem hanc Dei gratiam erga suos electos ex hoc præcipuè comendant, quòd illos ab æterno destinauerit hæredes vitæ æternæ. Ephes. p. Benedictus Deus, qui nos elegit in ipso; in Christo scilicet, ante mundi constitutionem. Matth. 24. Venite benedicti patris mei, percipite regnum, quod vobis paratum est à constitutione mundi. Et ad Corint. loco iam citato, sapientiam loquimur, quam prædestinauit Deus ante secula in gloriam nostram. Sed maximè aduertendum

dum est, quòd vbi dicitur prædestinationem æternam esse, vel Deum ab æterno prædestinasse; nō est sensus, quòd Deus ab æterno solum prædestinauerit, et modo non; & tamen quòd maneat in eodem proposito. Hic enim sensus falsus est. Patet primò; quādocunque enim signum indiuisibile est in aliquo peryodo, oportet quòd omnis duratio sequens sit finita ex parte ante, & per consequens non æterna. Si ergo esset aliquod instans, in quo Deus prædestinasset tunc, & postea non: prædestinatio non esset æterna. Insuper, quando aliqua sunt impossibilia in ordine durationis, si vnum est æternum, aliud non est æternum; sed prædestinare, & permanere in eodem proposito prædestinandi sunt impossibilia; ergo si prædestinare est æternum, permanens in proposito prædestinandi non est æterna. Sensus ergo est, quòd Deus ab æterno prædestinauit, ita vt nunc & iam prædestinet, & in futurum prædestinabit; ita tamen vt semper sit eadē numero prædestinatio; sicut creatio dicitur permanere eadem numero, & non fluens, qua Deus creare dicitur quamlibet creaturam.

Contra hanc tamen communem illius dictionis, præ, acceptionem argumentatur Ambros. Cathar: ita dicens. si particula, præ, significat ordinem æternitatis ad ea, quæ fiunt in tempore; vt  
inde

inde quis dicatur prædestinatus, cum sit ante secula destinatus; eadem particula iungenda esset omnibus verbis significantibus diuinas actiones circa electos. Quare dicendū esset eos esse præuocatos, præiustificatos: immo voluntas Dei dicenda esset præuoluntas; & creatio præcreatio, & cætera id genus. Probat ipse consequentiā, quia quicquid sit à Deo in tempore circa electos, iam olim ab æterno constitutum fuit. Quòd autem verba illa, vocare, & iustificare, aliquid æternum significant, & non temporaneum; probat Augustinus de correp. & grat. cap. 9, nam alioquin inueniretur falsa Pauli sententiā dicentis, quos præsciuit, & prædestinauit; quos autem vocauit, hos iustificauit; cum multi sint prædestinati, qui nondum sunt nati; nedum vocati, aut iustificati. Quare aut verbo futuri temporis debuisset uti Paulus, si verba hæc temporaneum quid significant: aut erat illis adiungenda particula, præ, si æternitatis differentiam.

Respondetur nihilominus aliud esse loqui de rebus absolutè, & aliud de rebus, ut per tales voces exprimuntur: quare aliud est dictu Vocatio, & Iustificatio, qua modo Petrus ex infideli fit fidelis, habuerunt in Deo æternas rationes; & aliud, verbum, vocari, aut iustificari, significant æternam aliquam Dei rationem. Nulli dubium est;  
quin

quin Deus ab æterno constituerit illum vocare, quem modò vocat; & iustificare quem iustificat; Sed non ideo sequitur ex his verbis significari aliquid æternum; sicut per hoc verbum, destinari. Nam, cum verba sint in duplici differentia: quædam, quæ significant actionem immanentem intra ipsum agens, vt videre, intelligere, &c. quædam verò, quæ significant actionem transeuntē in exteriorē materiā, vt creare, calefacere, & similia. Quæ prioris sunt generis actionem Dei, quæ æterna est, significare censentur; & ideo illis particulam, præ, assignare decet: non autem cæteris; cum creaturæ, in quibus tales actiones recipiuntur, non sint, neque fuerint ab æterno. Cum ergo obiicitur dicendum Paulo, hos præuocauit, & præiustificauit; negatur consequentia, quia hæc verba significant eam actionem diuinam, quæ ex tempore in creatura recipitur. Ad probationem ex Augustino desumptā dicitur, quòd Paulus vtitur verbo præsentis temporis, & non futuri ad exprimendam certitudinem vocationis, & iustificationis prædestinatorum; quòd videlicet in dubiè vocabuntur, & iustificabuntur; perinde ac si iam vocati, ac iustificati fuissent. Voluit ibi etiā Apof. magis exprimere æternitatis Dei ambitum, qui vocat ea, quæ non sunt, tamquam ea quæ sunt; vt quisquis ad vitam æternam vocandus perinde sit, ac

ac si iam apud eum vocatus esset. Ratio autem, quare voluntas Dei non dicatur prauoluntas, ea est; quia nomen voluntatis potentiam significat, non autem actum, siue habitum, qui sit actus primus immediatus. Nam siquidem tale quid significaret; absurdum minimè esset illi quandoque talem præpositionem addere, vt additur his nominibus, scientia, & videntia: cum dicimus Deum præscire, & præuidere. Itidem præscientiam, prævidentiam, & præfinitionem. Cur autem non dicatur præcreatio, fuit iam reddita ratio; creare enim actionem significat nõ immanentē in Deo; sed in creaturam transeuntem.

His visis, ad principale, vt deueniatur, aduertendum est, quòd sicuti tres sunt significationes verbi, Destinare, superius expositæ; ita prædestinationem trifariam definire contingit. Quatenus igitur, Destinare, idem significat, quòd animo deliberare; Prædestinatio sic describitur, Est diuinum propositum, de homine per Christum beatificando; cui diffinitioni consonant omnia, quæ de prædestinatione dicta fuerunt à Paulo ad Rom. 8. Si verò, Destinare, significat deputare; tunc prædestinatio erit æternum Dei iudicium, quo deputatur homini per Christū gratia in præsentia, & gloria in futuro. Conuenit cum hac illa, quæ ab Aug. traditur in lib. de prædest. sanct.

Praedestinatio est preparatio gratiae, & ad illam electio. Iterū, Praedestinatio est preparatio beneficiorum Dei. Hanc sequutus est deinde Mag. & scolasticorum nonnulli; praesertim Egidius de Roma super Epist. ad Rom. 1. Postremò si, Destinare, mittere significat; tunc locum habet definitio D. Thom. dicentis, eam esse rationem, qua Deus transmittit creaturam rationalem in finem, qui est vita aeterna. Eandem ponit idem Egid. loco cit. Praeterea D. Thom. 3. 1. q. 24. artic. 1. sic definit, Est quaedā praedeterminatio Dei ab aeterno de his, quae per gratiam fienda sunt in tēpore; cui consonant pleraq; à D. Paulo de hac re dicta. Tripliciter ulterius contingit definire praedestinationem, prout ipsa tria respicit attributa diuina. Nam si respicit bonitatem; sic eam describit Aug. in de praedest. sanc. Est propositū miserendi. Si aspicit scientiam disponentem; sic declaratur ab eodem in de bono per seu. Est praescientia beneficiorum Dei. Tandem, ut aspicit potentiam exequentem; sic ipsam diffinit in lib. de fide ad Petrum. Est gratuita donationis praeparatio. Omnes hae tamen definitiones quid nominis tantum praedestinationis ostendunt; & à posteriori, ab effectibusq; desumptae, ac traditae sunt. Ut quid ergo rei cognoscamus; ac essentialem definitionem habeamus; nonnulla sunt praenotanda,

ex quorū cognitione talis est colligenda diffinitio. Primò igitur videndum est quid sit scientia, praescientia, & prouidentia Dei. Pro quo sciendum est quòd haec dictio, scientia, analogicè praedicatur de nostra, ac Dei scientia. Non vniuocè; cum rationes, secundū quas habitus noster scientia dicitur, diuinæ non conueniant. Nec scientiae nostrae diffinitiones Diuinæ conueniunt. Acquiuocè nec itidem praedicatur; vtraque enim cognitio tum Dei, tum nostra ab ipsa certitudine, scientia nuncupatur. Et quoniam huiusmodi certitudo in Deo, ac eius scientia per prius est, quàm in nostra; ideo scientia analogicè praedicatur de illa Dei, ac nostra; immo nostra dependet ab illa; quæ altera conditio est ipsius analogi. Aduertendum tamen est in ordine ad perfectionem, quam dicit, per prius de scientia Dei praedicari, quàm de nostra. Omnis enim perfectio immensè prius in Deo est, quàm in creatura. In ordine autem ad nostrum intelligendi modum, ac termini significationem à creaturae cognitione desumptam per prius de nostra scientia dicitur; quoniam certam esse cognitionem prius de creatura nouit homo, quàm de scientia Dei. Magna est praeterea differentia inter nostram, ac Dei scientiā; nostra enim à rebus dependet: quare scibili corrupto scientia quoque corrumpitur iuxta illud scibile, per Phi-



los. in praedicamentis cap. de Relat. At scientia Dei nullatenus à rebus dependet; quinimo ratio est, qua volùtate adiecta res cunctas ad extra producat. Nec obstat Origenis dictũ super Epist. ad Rom. 8. Scilicet, quia futurũ aliquod est, ideo Deus scit illud. Orig. namque necessariae consecutionis ibi ordinem indicat. Hæc est necessaria consequutio: hoc futurũ est, ergo Deus cognoscit illud esse futurũ. Distat vltcrius nostra à Dei sciẽtia, quoniam nostra habitus est per demonstrationem acquisitus, vt est Philos. & est accidens, cum in prædicamento qualitatis reponatur, Dei verò scientia talis habitus non est, quoniam maximam in Deo poneret imperfectionem, cum discursus sit à noto ad ignotum; Deo autem nihil est ignotum. Poneret insuper compositionem ex actu, & potentia; nam discurrens quodammodo est in actu respectu cogniti, est tamen in potentia respectu ignoti, quod deinde cognoscit. Poneret etiã compositionem ex causa, & causato; quoniam in discursu res prius cognita est aliquo modo causa cognitionis, quæ acquiritur postea: quæ omnia de Deo asserere absurdissimum est. Nec præterea scientia Dei, vti nostra, accidens dici debet, cum idem prorsus cum ipso Deo sit, cuncta enim in Deo idemificantur ipsi Deo. Vltcrius, Dei scientia non suscipit magis, neque minus; cum

nec



nec perfectiori modo scire cōtingat ea, quae scit;  
nec etiam in sensu composito verum est asserere  
quòd Deus possit scire plura, quàm scit; vt opti-  
mè theologi decernunt, præcipuè Petrus Tarta-  
retus 8. phys. t. c. 16. dub. 3. nostra verò scien-  
tia suscipit magis, & minus; nedum extensiuè, ve-  
rum etiam intensiuè. Insuper Dei scientia non  
debet dici scientia quia est, nec scientia quid est,  
siue propter quid est; quomodo respectu nostrae  
loquitur Arist. 6. metaph. & 1. post. Nam huius-  
modi scientiae supponunt esse acquisitum, vel ex  
causis, vel ex effectibus; quorum scientiae Dei  
nihil conuenit, cū nihil praesupponat à quo fiat,  
vel mediante quo fiat; tum, quia non est discursu  
comparata, vt dixi; tum etiā quia scientia Dei,  
est ipsemet Deus; cum ipse compositionem non  
admittat: Deus autem à nullo dependet, nec me-  
diante alio est; quare nec eius scientia. Tandem  
scientia Dei certa, & infallibilis est, cū omnis per-  
fectio eminentissimè sit in ipso; & cum à se falli  
non possit, neque ab alio extra se; cum omnia ip-  
se in agendo dirigat. Est ipsa praeterea causa re-  
rum, etiam per Auer. 12. metaph. com. 51. cum  
ergo à rebus non dependeat; & effectus primam  
causam immutare non valeat, remanet quòd im-  
mutabilis, ac infallibilis sit. E conuersò scientia  
nostra fallibilis, & incerta est; cum à rebus, & sensi-  
bus

bus dependeat per Philos. multis in locis, à quibus multoties decipimur. Est ergo scientia Dei certa, clara, atque euidens cognitio intellectiua; qua ab aeterno sicut nunc, & nunc sicut ab aeterno cognoscit, & cognouit omnia praesentia, praeterita, & futura; vt omnes theologi vno ore affirmant. Quare propositiones istae, Deus scit praeterita, vel futura; sunt falsae de virtute sermonis, quia respectu scientiae Dei non est praeteritum, nec futurum: sunt tamen verae, quatenus postea illud praeteritum, vel futurum inspicitur in ordine ad creaturam; quae vel facta fuit, vel fiet in tempore. Multa mihi dicenda forent de instanti, quod est apud Deum, & de eo, quod est propè nos; cum tamen paucis multa complecti non possint, omitto. Huic postea diuinæ scientiae addunt aliquando theologi praepositionem, pra; vt inde praescientia dicatur: quae secundum D. Ansel. in lib. de concor. praescient. & lib. arb. & Ricc. de Mediauil. 1. sent. dist. 38. quaest. 2. nihil aliud dicit ultra scientiam Dei, quam antecessorem scientiae respectu rei scitae. Vnde secundum hos idem est praescientia, quod scientia futurorum; quare dicit Ansel. loco cit. Non est aliud praescire, quam scire futurum. Marsilius lib. 1. quaest. 40. art. 1. dicit quod praescire, iuxta nominis interpretationem, est scire rem antequam fiat, & eam esse futuram suo tempore.

pore. In duas postea secatur partes præscientia Dei; nam si bona respicit, approbatio dicitur: si verò mala, reprobatio nuncupatur. Facit ad hoc quod legitur Matth. 25. Nescio vos; id est facta vestra non approbo. Est in Deo, præter hæc, prouidentia, quæ est præcognitio rerum ordinabiliũ in finem, tam naturalem, quàm supernaturalem; estquæ de rebus faciendis, & gubernandis: ordinem conseruans, remouensq; omnem deordinationem. Hæc includit scientiam, & præscientiã; addens illis tantummodò ordinem quendam, & præparationem ad finem. Eam nonnulli antiquorum philosophorum, præsertim Epicurei, destruerē voluerunt; vt nostri referunt 1. sent. dist. 39. Asserebant enim à casu omnia fieri; ac omnes utilitates, quæ in rebus apparent, secundũ quòd vna iuuat aliam; vel soli necessitati materiæ, vel materiæ, & agentis simul tribuebant. Hos tamen egregie confutat Arist. Phys. 2. t. 48. Lucretius in 1. lib. de natura. Plutarchus in lib. de vita iucunda. Et clarius Plato 10. lib. de legibus. Boetius lib. 5. de consolat. Extant pro hoc præterea Psal. 103. & 139. & illud Iob. Super cardines cœli æmbulat. Nonnulli etiam dixerunt idem esse prouidentiam, quod fatum. Et hi quoque errarunt; nam si fatum concedendum est, secundum Theologos est connexio secundarum causarum ad aliquem.

quem producendum effectum simul concurrentiū: cui tamen connexioni cuncta non sunt subiecta; vt creatio, & glorificatio hominum, atque angelorum; quæ immediatè sunt à Deo, nulloq; pacto dependent à causis secundis: at prouidentia Dei sunt omnia subiecta, vt omnes fatentur, etiam qui de fide malè senserūt; & qui lumine supernaturali caruerūt, vt videre est Arist. pluribus in locis; præcipuè 1. 2. metaph. prope finē; quamuis contra veritatē singularia videatur excludere.

Est secundò considerandū, Prædestinationem, Destinationem, ac ordinationem idem esse realiter: itidem Prædestinare, destinare, & ordinare. Prædestinationem vltèrius partem esse prouidentia scientiam, præscientiam, ac prouidentiam includentem; & modum quendam specialem prouidentia superaddentem: quoniam prouidentia respicit omnes creaturas, prædestinatio verò intellectualem tantummodo.

His prænotatis, ponitur essentialis prædestinationis diffinitio. Est præconceptio, & præordinatio intellectus diuini de conferendo quibusdam id, vel media, quibus, vel per quod infallibiliter assequantur vitam æternam. Hanc ponit ad verbum Herue. 1. sent. dist. 40. quæst. 1. art. 1. & ante ipsum visus est quodāmodo ponere D. Thom. 1. p. q. 23. art. 2.

Nec

Nec paruum tangit difficultatem allata diffinitio; fuit enim ibi dictum Prædestinationem esse præconceptionem intellectus Diuini, ac ordinationem; ideo videndum est an sit actus intellectus, vel potius voluntatis; an vtriusque. Scotus 1. sent. dist. 40. quæst. vnica, asserit potissimè esse actum voluntatis, secundario verò intellectus. Quare, dicit ipse, prædestinatio est æterna electio saluandorum; licet in intellectu supponatur cognitio, & ordinatio istorum in vltimū finem supernaturalem, & beatificum. Sanct. Thom. de verit. quæst. 6. art. 1. & 1. sent. dist. 40. quæst. 1. artic. 2. Duran. ead. dist. quæst. 1. & dist. 41. quæst. 1. asserunt prædestinationem potissimum esse actum intellectus, minus autem principaliter voluntatis. Non defuerunt qui actum mixtum esse voluerunt; ita, vt ex æquo intellectus, & voluntatis actum respiciat; Conuenit inter omnes prædestinationem ad vtrūque pertinere, vt patet. Probatum etiam; prædestinatio est pars prouidentiae, quæ pertinet ad intellectum, & voluntatem; ergo & prædestinatio. Secundò, prædestinatio pertinet ad intellectum practicum, qui supponit voluntatem; ergo pertinet ad vtrumque. Tertiò, homines liberè prædestinantur à Deo; ergo prædestinatio non est absque voluntate. Tandem per prædestinationem hæc est vera, Petrus saluabitur: sed cum sit de fu-

turo contingenti, non potest esse vera sine determinatione voluntatis diuinæ; prædestinatio ergo non est sine voluntate. Si scripturam inspicimus, aliquando de prædestinatione per actum voluntatis ipsa loquitur, vt Rom. 8. Scimus quoniam diligentibus Deum omnia cooperantur in bonum; idest his, qui secundum propositum vocati sunt sancti. Et 9. Cum nondum nati fuissent; vel quid boni, aut mali fecissent; vt secundum electionem propositum Dei maneret. Ephes. 1. Elegit nos in ipso ante mundi, constitutionem, vt essemus sancti. Aliquando etiam per actum intellectus, Rom. 11. Non repulit Deus plebem suam, quam præsciuit: idest prædestinavit. 2. Tim. 1. Cognouit Deus qui sunt eius: idest quos prædestinavit. Et hinc ortum habuit quod Patres aliquando per actum voluntatis prædestinationem describunt; aliquando verò per actum intellectus. Quare Aug. de prædest. Sanct. 10. & de bono perseuer. 14. vtrumque docet; dicit enim prædestinationem esse præscientiam, & præparationem gratiæ, & gloriæ: idest firmam voluntatem conferendi gratiam in hoc seculo, & gloriam in futuro.

Eorū opinio, qui dicunt prædestinationem vtrumque ex æquo respicere; probabilis non est.

Vt ergo veritas magis cluceat; sciendum est,  
quod

quòd sicut in nobis iudicium præcedit electionē,  
& post electionem sequitur imperium, siue decre-  
tum; vt docet D. Thom. 1. 2. ita, vt more nostro  
loquamur; Deus prius excogitauit, qui nam ex ho-  
minibus, quos in sua præscientia habebat præsen-  
tes: essent saluandi. Postea liberè elegit hos, &  
non alios diuina voluntas. Tertiò post electio-  
nem statuit in mente sua æterna, hi sunt saluandi,  
alijs refutatis; quod decretum est velut imperiū,  
seu lex diuini intellectus. Dicamus ergo cum  
D. Thom. Ricc. & Duran. locis citat. prædesti-  
nationem essentialiter esse actum intellectus; re-  
quirere tamen actum voluntatis. Probatur, quia  
est pars prouidentia. Secundò, quia est in intelle-  
ctu practico. Tertiò sic, Prædestinatio est efficax  
ordinatio nonnullorū in vltimum finem; sed or-  
dinatio est ipsius intellectus essentialiter; ergo  
prædestinatio pertinet ad intellectum essentiali-  
ter. Legitur pro hac parte actorum 13. Paulo  
prædicante; Et crediderunt quotquot præordina-  
ti erant à Deo in vitam æternam. Quòd autem  
voluntatis actum requirat, iisdem rationibus pro-  
bari potest. Supponit ergo prædestinatio actum  
voluntatis; electionem scilicet, ac dilectionem  
eorū, quos decreuit saluare; vt optimè D. Thom.  
vbi sup. art. 4. Inter quem, & Scotum hæc versatur  
differentia, quòd Scotus vult prædestinationem



electionem eorum esse, quos diuinus intellectus ordinat in æternam beatitudinem. Sanct. Thom. verò asserit prædestinationem esse non electionem, sed ordinem; non illum excogitatum priorem electione, sed ordinem statutum per diuinā electionem: quæ sententiæ aduersantur adinuicem potius circa vocabula, quàm circa res; cum hæc omnia requirantur ad prædestinationē, quare vtramque probabilem duco.

## ART. SECVNDVS.

*De causa agente prædestinationis.*



**Q**UONIAM de re aliqua non potest haberi simpliciter perfecta scientia; nisi causarum omnium vsque ad vltimas, atque supremas habeatur cognitio, Auer. 1. Phys. com. 1. & 2. com. 27. motus ex dictis Arist. 1. Phys. t. 1. Non ergo sufficiunt quæ de prædestinatione superius dicta sunt; sed plura, & sanè difficiliora circa eius causas inuestiganda sunt, vt inde clarior fiat nobis ipsius cognitio. Cum autem principalis, potissimaque causa hoc in negotio sit Deus Benedictus; ipse namque origo est, medium, & finis totius salutis nostræ: de ipso multa prius dicam;



& post modum ad cætera descendam.

Communis est conclusio, solum Deum Benedictū causam esse agentem prædestinationis nostræ: estque adeò permanens, atque clara nedum penes catholicos, sed propè eos quoque, qui malè de hac re senserunt aliquando; vt probatione nullatenus egeat. Tamen pro euidentiori doctrina auctoritatibus quibusdam, efficacibusque rationibus illam firmare conabor; hoc vno prænotato, dupliciter posse sumi prædestinationem, actiue scilicet, atq; passiuè. Vel vt dicit Bonauēt. 1. sent. dist. 40. quæst. 1. duo reperiuntur in prædestinatione, videlicet connotatum, & principale significatū. Significatum principale, vtque alij dicunt, suppositum, seu materiale significatū, est diuina essentia, scilicet res, pro qua supponit iste terminus, prædestinatio. Connotatum verò, siue formale significatum, vt Marsi. dicit lib. 1. quæst. 41. art. 1. est creatura, vt gratia, gloria, & persona saluanda. Si sumatur ergo prædestinatio actiue, siue pro principali significato; tunc prædestinationis causam non est assignare, cum diuinæ essentiæ causa nulla sit. Si tamē passiuè sumatur, idest pro connotato, tunc plures prædestinationis causæ possunt assignari: Agens, vt Deus Benedictus. Materialis, vt intellectualis creatura. Finalis, vt beatitudo; seu gloria. Ac etiam formalis, de qua  
multa

multa dicta sunt, vbi de ipsius diffinitione actum est. In conclusionis confirmationem adduci possunt in primis omnes auctoritates D. Pauli superius allatae, ac multae etiam praeter illas, vbi de praedestinatione loquens Apost. ac de illius effectibus; omnia refert in Deum, tamquam in auctorem, & propitiatorem. Legatur in super Iacob. 1. apud quem patet expresse; immo cuncta bona, quibus creatura potitur, Dei munificentiae adscribit. Inter Patres Bernard. super Cantic. serm. 23. prope finem; vbi vocat praedestinationem generationem coelestem, quae à Deo est; & qua Deus, vt ipse dicit, electos suos dilexit, & gratificauit in dilecto filio suo. Idem tract. de grat. & lib. arb. saepe affirmat. Clarius Orig. in Epist. ad Rom. 1. Chrysost. in Act. Apost. 45. dicit quod sola gratia saluat; gratia autem à solo Deo est, per Apost. multis in locis; estque praedestinationis effectus, secundum omnes; & nos infra probabimus; ergo praedestinatio à solo Deo est. Augustini, cum innumera sint, testimonia non referam. Inter Concilia tandem, Aragusican. sub Leone primo cap. 6. 14. & 25. Trident. Sess. 6. cap. 3. & 4. Sed ex rationibus illa egregia est, quam ponit Briton ex Illustri praedicatorum familia non obscurus 1. sent. dist. 40. art. 1. Not. 4. Ad prouisorem totius Vniuersi pertinet conferre aliquibus media, quibus assequan-  
tur

tur optimum finem, qui est in Vniuerso; sed optimus finis, qui potest esse in Vniuerso, est vita æterna; ergo ad Deum, qui etiam secundum philosophos, est Vniuersi prouisor; pertinet conferre media aliquibus ad assequendam vitam æternam: cum Deus autem sit agens per intellectum, nihil confert, nisi quod prius præconcepit conferre; sic autem præconcipere est prædestinare, ergo ad Deum pertinet prædestinare. Eadem ratio colligi potest ex dictis D. Thom. 1. p. quæst. 23. art. 1. Omnesq; ferè Scolaſtici in hoc deueniunt. Colligitur secūda ratio à Bonauent. cit. loco. quæst. 1. Quod est æternum à Deo est; Prædestinatio est æterna; ergo à Deo. Min. est Pauli Ephes. 1. Elegit nos ante mundi constitutionē, & alibi. Maior est euident, quoniam effectus æternus est à causa æterna: præter Deum autem nihil est simpliciter æternum; quare nihil potest æternaliter dependere ab alio, præterquam à Deo; qui de se solus æternus est, omnisq; æternitatis causa. Si dicatur, potest prædestinari quod non est prædestinatum, ergo prædestinatio est noua; & sic non est æterna. Dicendum est quòd potest prædestinari quod nō est prædestinatum in sensu diuiso, non tamen in sensu composito. Sicut de ista; Album potest esse nigrum: quæ in sensu diuiso est vera, quia significat, id, quod est subiectum albedinis, potest esse nigrum,

nigrum, & verum est. In sensu verò composito est falsa; de hoc autem infra clarius. Tertia ratio sic à nobis formari potest. Illius tantum est prædestinare, cuius est gratiam conferre; Soli tamen Deo conuenit gratiam largiri, ergo solius Dei est prædestinare. Euentissima ratio est; nā prædestinare, si effectum inspicias, est gratiam conferre ad vitam æternam. Nec hæreticus præterea assereret aliunde gratiam deuenire, præterquam ab ipso Deo, iuxta illud; gratiam, & gloriam dabit dominus. Alias possem asserre rationes, quas uti superfluas omitto: nam, etiam re vera, cui pauca non sufficiūt, plura non proderunt. Concil. Aragusican. de quo sup. cap. 25. Hoc vnum nō prætermittam, quòd prædestinatio aliquando trāsmissio dicitur à Theologis, hac de causa. Nam sicuti sagittā dicitur transmitti, quia mittitur in signum, siue scopum, quem virtute sua numquam attingere valeret; attingit autem, quia transmittitur à sagittante: ita quoque, cum numquam prædestinatus de se peruenire posset in finē sibi propositum, qui est vita æterna, cum illa vires humanas excedat; at cum ope diuina consequatur, ideo transmitti dicitur, idest præter naturæ suæ limites mitti; & prædestinatio transmissio dicitur; transmittens autem Deus omnipotens. Nam cum finis creaturæ vires excedat, necesse est transmittentem

tentem supra omnem creaturā esse, & omnia sub se continere. An autem solus ipse sit causa præcisa, siue totalis prædestinationis, ita vt totalis prædestinationis effectus per meram volūtatē diuinā non concurrente alia causa ex parte nostra, ponatur in esse? in quarto, & quinto art. videbitur.

## ART. TERTIVS.

### *Quis sit finis Prædestinationis.*



AM demonstratū est quæ sit efficiens causa prædestinationis: modò qui sit eius finis inuestigandum est; agēs namq; propter finem agit, ex Arist. Phyl. 2. t. 29. & quamuis hoc sit potius admirandum, quàm inuestigandum, per Aug. in de spiritu, & lit. cum multæ possint esse rationes in mente Diuina, propter quas aliquid faciat; quæ humanum ingenium maximè latent: tamen non desunt aliqua loca scripturæ, vnde humana fragilitas aliqua colligere valeat. Idem tamen est quaerere, qui sit finis prædestinationis absolutè; & quaerere qua motus ratione Deus, qui maximè intelligens est, homines prædestinauerit? Hac autē de re variè varijs in locis loquutus est Apost.

D Ephes.

Ephes. 1. asserit nos Deum prædestinasse in laudem gloriæ suæ. Prima autem ad Corint. 2. ob gloriam nostram affirmat. Ad Rom. denique 8. ideo nos Deū prædestinasse prædicat, vt imaginis filij sui conformes efficiamur. Inde Doctores etiam dixerunt aliquando prædestinationis finem esse gloriam Dei; nonnunquam verò beatitudinem ipsi homini destinatam.

Pro declaratione igitur huius rei non ignorandum est, prædestinationem referri posse ad prædestinantem, & prædestinatū; est enim relatio, vt præcipuè determinauit Franc. de Mayronis. i. sent. dist. 40. q. 1. art. 1. Est inquam relatio formalis, non fundamentalis; est enim in Deo contingenter, cum Deus contingenter prædestinet. Est præterea relatio rationis, non realis: nam Deus refertur ab creaturam non realiter, sed secundū rationem; tum etiam, quia omne, quod est in Deo realiter, est necessariò; prædestinatio verò est contingens, ideo relatio realis esse non potest. Vltèrius, Prædestinatio, vt prædestinatum respicit, dicitur respectus vt futuri; non vt simul existentis, quoniam est dispositio dandi gratiam in futuro; & ideo non oportet existentē prædestinatione, existere prædestinatum; sed sufficit fore. Similiter duplex potest assignari finis prædestinationis; alius enim est finis, ob quem Deus prædestinat; & alius



alius est finis, idest terminus, in quem ordinatur, seu mittitur praeordinatus. Vt euenit in cursu, quo itur ad brauiū, vbi duplex finis tradi potest; alius enim est currentiū, vt acceptio brauij: alius vero Principis, qui cursores destinat ad cursum, proponens illis brauium in victoriæ præmium. Habet namque pro fine exaltationem gloriæ suæ vnā cum delectatione populi. De fine prædestinati, cum de materia prædestinationis agam, tractabo; de ipso namque intelligitur dictū Pauli 1. Corint. 2. De fine verò prædestinantis hic solum verba faciam; qui diuiditur in finem propinquum, siue immediatum; & finem remotum, siue mediatum; finis remotus, siue vltimatus dicitur etiam principalis; quia principaliter intenditur ab agente: finis verò propinquus dicitur minus principalis, & mediatas; quia ordinatur ad alium, & eo medio itur in illum. Finis ergo principalis Dei prædestinantis est magnificatio gloriæ, & exaltatio nominis sui; quomodo exponitur Paulus Ephes. 1. dum loquitur de hac re. Finis autem minus principalis, qui ordinatur ad hunc, iterum subdiuiditur; nam vel est extrinsecus, vel intrinsecus. Extrinsecus est perfectio Vniuersi, intrinsecus verò est manifestatio Sapientiæ, Potentiæ, ac bonitatis suæ. His ita dispositis, ne quid inexplicatū remaneat; circa hanc vltimam distinctio-



nem sunt aliqua præcipuè aperienda. Sciendum ergò est quòd sicuti in magna domo sunt diuersa loca, & habitationes iuxta diuersitatem habitantium, ac ipsorum qualitates; quorum vnique datur locus ad habitandum secundum gradum, & propriam conditionem, vt decet; cum ibi sint homines diuersarum conditionum. Sunt ibi quoque per Apost. 2. Tim. 2. diuersa vasa, quorum aliqua sunt ad honorem, aliqua verò ad contumeliam. Ita quoque factum est in Vniuerso, vt ad eius pulchritudinem, & decorem sint ibi res distinctæ, nedum penes generis, ac speciei naturam, verum etiam secundum diuersum gradum, conditionem, & qualitates ipsarum. Nisi enim esset ordo in Vniuerso, cum magna sit ibi copia rerum, maxima quoque esset confusio; multitudo namque sine ordine confusionem parit. Talis autem ordo præcipuè attendendus est ad rationalem creaturam, cuius præcipua cura est ipsi Deo; immo tam peculiarem de ea curam habet, vt cæteras creaturas ferè despicere videatur; iuxta illud Pauli, Numquid Deo cura est de bobus? Ordo tamen, & Vniuersi perfectio ex hominum prædestinatione resultans non solum penes vnus salutem, alteriusque perditionem attendendus est, vt multi voluerunt: sed maximè penes conformitatem corporis Ecclesiæ cum Christo capite. Et sic intelligendus

gendus est Paulus Rom. 8. In hoc enim consistit  
conformitas inter nos, & imaginem filij Dei, in-  
quantum homo; vt ipse sit caput totius Ecclesiæ;  
& nos membra illius: quod est maxime cordi ipsi  
Deo. Legatur David Psal. i. vbi Christus de se  
loquitur. Ego autem constitutus sum Rex ab eo,  
scilicet Deo, super Syon montem sanctum eius;  
idest super omnem Ecclesiam, & rationalem crea-  
turam: prædicans præceptum eius, quod est, vt  
ipsum tamquam Regem, & Principem adoremus.  
Paul. Ephes. i. Et ipsum dedit caput supra omnē  
Ecclesiam, quæ est corpus ipsius. Coloss. i. Et  
ipse est caput corporis Ecclesiæ. Altera autem  
ratio; ob quam Deus prædestinare dicitur (quod  
est secundum membrum vltimæ distinctionis) te-  
net se ex parte diuinæ prouidentiae, quæ manife-  
statur primò per se ipsam quotidie gubernando  
totum Vniuersum, & ea, quæ in eo sunt: Secun-  
dò per potentiam, qua cuncta ex nihilo creauit.  
Tertiò per bonitatem; & hoc bifariam, vel enim  
per misericordiam aliquos saluando; vel per ius-  
titiam alios puniendo. Ex quibus omnibus po-  
stremò resultat gloria, & magnificatio Dei; qui est  
principalis finis, vt dictum est. Alia verò omnia  
sunt veluti media ad talem finē. Licet enim bea-  
tudo, & beatorū gloria; in quam, tamquā in sco-  
pum, ac terminum prædestinati diriguntur, in  
ordine

ordine ad ipsos terminus, & finis dicatur; ad Deū tamen si referatur, medium dici debet. Nec ob id conturbari debemus, vt iam plerique conturbati sunt; numquam intelligere valentes amorem, quo Deus diligit creaturam; non obstante quòd eam ex nihilo creauerit, quotidie gubernet, ad beatitudinemque destinauerit: cum omne tamen fecerit in gloriæ suæ manifestationem; dici debere amorem amicitiae; immo clementiae, & charitatis ardentissimæ: sed potius concupiscentiae amorem, & auaritiæ nuncupare voluerunt; cum ad commodum suum omnia disposuerit. Nescio prauitatis potius, an ignorantiae tales damnem? Prauitatis profectò, si pertinaciter asseuerent; ignorantiae verò, si non intelligant inter Creatorem, & creaturam nullum concupiscentiae amorem intercedere posse. Quid est enim amor concupiscentiae; nisi desiderium alieno vel in vsum, vel ad proprietatem fruendi? Quid est in nobis præterea, quod à Deo non sit; & quod ipsi, vt creditori maximo non debeatur? Audiant Apost. dicentem, Quid habes, quod non accepisti? Si accepisti, quid gloriaris, quasi non acceperis? Quid denique est, quod nobis eripere concupiscat? ac si bonorum nostrorum egeret; Et passionibus, veluti nos, obnoxius esset. His certe spoliare nos voluit, morte, & perditione æterna; ob quod filio suo

fuo non pepercit. Erubescant igitur talia opinātes; exultent immo, maximasq; Deo gratias habeant, qui dignatus est per nos potius ostendere gloriam suam; cum idem, si libuisset, per alias creaturas præstare valuisset.

## ART. QVARTVS.

*An meritum nostrorum præscientia  
Prædestinationis sit causa?*



**D**E finali, & efficienti causa prædestinationis ex superioribus cōstat: difficilior occurrit iam dūbitatio, An aliquid ponatur ex parte nostra, quod prædestinationis causa dici valeat? puta opera bona præuisa à Deo. Duobus articulis hanc rem absolvam, vt lucidior fiat. Et ne per exteras regiones incedamus, articuli titulū explanabo. Vbi ergo quæritur, an meritū præscientia sit nostræ prædestinationis causa, non est sumenda prædestinatio pro actū Dei prædestinātis; fieri enim non potest, nec rationi congruit, æterni vt aliquod temporaneum causa sit. Illud enim est infinitum, hoc finitum: illud primum ens, hoc dependens ab illo. Nulla igitur potest esse ratio, cur Deus ab æterno decreuerit se collaturum

turum in tempore electis suis media ad consequendam felicitatem supremam, & cur illos eligere voluerit; nisi voluntatis ipsius suam met bonitatem causam esse dicas, sicut etiam respecta creationis dici solet. In hoc omnes conveniunt, præcipue D. Thom. 1. p. q. 23. art. 5. Henr. quodl. 4. q. 19. quem refert Scotus 1. sent. dist. 40. quæst. vnica. Duran. 1. sent. dist. 41. quæst. 2. & Heru. eadem dist. quæst. 1. In proposito igitur art. sumi debet prædestinatio pro obiecto, circa quod est talis actus, id est pro congerie omnium effectuum, quos Deus ex tempore confert electis; & prædestinatis; ita quod vnus effectus alterius causa dicatur; & sensus sit, An Deus præordinauerit se daturum alicui effectum aliquem prædestinationis ob aliquam meritam? Præterea sciendum est huiusmodi causam dupliciter attendi posse, vel vt finalem, vel vt meritoriam, quæ ad agentem quodammodo redigitur. Si de prima sit sermo, quæstio intelligitur, an totius prædestinationis effectus sit in nobis aliqua causa finalis? Vbi est opinio Durandi loco iam cit. qui vult prædestinationem duobus modis capi posse: proprie, vti est solummodo mediorum, minimè autem finis. Secundò improprie, seu large; quomodo nedum media omnia, verum & vltimum finem complectitur. Hoc supposito, est eius Conclusio. Si sumatur prædestinatio

tio primo modo, totius effectus prædestinationis potest dari causa ex parte nostra; non ineditoria; sed finalis. Probat deinde, quia prædestinatio non est finis, sed mediorum tantum; ergo beatitudo nostra non est effectus prædestinationis; sed potius totius effectus, idest omnium mediorum; finis. Si sumatur autem secundo modo, tunc totius effectus, nulla potest dari finalis causa in nobis ex parte nostra. Et ex eo probat, quia hoc modo prædestinatio nedum media, sed vltimū quoque finem includit; igitur vltimus finis est prædestinationis effectus. Quare hac ex parte non potest dari causa finalis.

Hæc tamen opinio recedit à communi; iuxta quam prædestinatio supponit voluntatem efficacem ipsius finis; ergo propriissimè tum media, tum finem includit; ita vt non media solum, sed vltimus quoque finis sit prædestinationis effectus. Est igitur opposita Conclusio, Totius effectus prædestinationis non datur in nobis ex parte nostra causa finalis. Ex eo clara est, cum noster vltimus finis beatitudo sit, quæ prædestinationis est effectus, cuius ex parte nostra finalis causa nulla extat.

Si autem de tali causa, vt de ineditoria loquamur, Gabriel occurrit i. sent. dist. 41. quæst. vnica, dub. 1. Vbi prædestinationem ait, si de

E

ipsa



ipsa propriè loquamur, respectu totius effectus causam habere meritoriam. Quòd postea probat. Prædestinatio, propriè loquendo, solum est finis, non autem mediorum; beatitudo ergo, quæ finis est ultimus, erit solummodò prædestinationis effectus: sed huius datur in nobis causa meritoria, ergo ex parte effectus datur causa meritoria: Quòd si, deinde dicit, impropriè loquamur; quatenus prædestinatio cum mediis finem amplectitur: tunc respectu totius effectus non habet causam simpliciter meritoriam; habet tamen aliquo modo: ut meritum aliquod antecedens, non simpliciter, sed secundum quid. Et hæc à communi etiam recedit. Nam prædestinatio, si propriè loquamur, non solum finem includit, sed omnia etiam media, quibus in finem itur; ita ut media omnia, quæ valent excogitari, sint prædestinationis effectus. Suadetur hoc modo, Prædestinatio pars est providentiæ, cuius est munus omnia media statuere, quibus finem assequamur. Itidem ergo prædestinationis est omnia statuere media ad finem. Colligitur etiam ex Aug. de prædest. Sanct. cap. 10. Prædestinatio est præscientia; & præparatio beneficiorum Dei, ergo est præparatio mediorum, & finis; ergo effectiva est mediorum, & finis. Vtèrius ex Paulo ad Rom. 8. Diligentibus Deum omnia cooperantur in bonum; sed



sed qui secundum propositum vocati sunt sancti. Vbi vocationem, & sanctitatem, quæ per fidem, & charitatem acquiritur, tribuit Apost. æterno Dei proposito, & prædestinationi. Eod. quoque cap. Quos præsciuit, & prædestinauit, & c. quos autem prædestinauit, hos & vocauit, iustificauit, & glorificauit. Vocatio ergo, iustificatio, atque glorificatio sunt prædestinationis effectus: atque prædest. non solum finem, sed etiam media complectitur. Vanè igitur hac ex parte totius effectus prædestinationis causam vllam dari affirmat.

Accipiamus nos ergo communi cū doctorū sententia prædestinationem vt media singula cū fine complectitur; inde quæstio sit, An detur in nobis aliqua causa huius prædestinationis? Vel (quod redit in idem) an primi prædestinationis effectus detur in nobis aliqua causa, seu meritum aliquod: an potius in solam Dei voluntatem totum referatur?

Pro parte affirmatiua possumus argumentari; primò scripturæ testimoniis. Paul. ad Rom. 8. Quos præsciuit, & prædestinauit conformes fieri, & c. Cuius videtur esse sensus, quos Deus præsciuit gratia, & libero arb. benè vsuros, hos prædestinauit. Quare bonus vsus præuisus causa prædestinationis est. Secundum testimonium est Malach. 1. quem citat Apost. Rom. 9. Iacob dilexi,

Esau autem odio habui: unde argumentum colligo, Obiectum amoris est ipsum bonum, odii autem ipsum malum; sed obiecta sunt actibus priora; ergo cur Deus quosdam diligat, quosdam verò odio habeat, causa est, quia Deus hos praevidit bonos, illos verò malos fore: igitur ex parte nostra datur causa praedestinationis, & reprobationis. Tertium colligitur ex Matth. 25. Deus dicitur se habere cum hominibus, ut homo, qui vocatis servis primo dedit quinque talenta, alteri duo, postremo verò vnum; cuilibet secundum propriam virtutem. Hæc autem talentorum distributio, secundum sanctos, bonorum spiritualium distributionem designat, ergo Deus unicuique gratiam, & gloriam distribuit iuxta propriam virtutem; ergo secundum priora merita: ergo ex parte nostra ratio praedestinationis est. Quarta auctoritas est Pauli 2. Tim. 1. In magna domo non solum sunt vasa aurea, & argentea; sed etiam fictilia, lignea, & c. Si ergo quis mundaverit se ab istis (dicit Apost.) erit vas in honorem sanctificatum; ergo bonus usus videtur esse ratio, causae sanctificationis. Sunt, præter hæc, alia non pauca scripturae testimonia, quæ possent afferri in huius partis probationem: cuncta nihilominus non referam. Opiniones gravissimorum doctorum, quæ ad idem adiunguntur, quò melius intelligantur, non debet

debet esse occultum; dubium non verti, an totius effectus prædestinationis in communi opera nostra causa dici possint? Expresse namque patet huiusmodi causam solam Dei bonitatem esse, quæ per modum misericordiæ nonnullis ostenditur; aliquibus verò per modum punitiæ iustitiæ, ut iam dictum est. Habetur præcipue Rom. 9. Volens Deus ostendere iram; idest vindictam iustitiæ, & notam facere potentiam suam, substituit; idest permisit in multa paciëntia vasa iræ apta in interitum: ut ostenderet diuitias gloriæ suæ in vasa misericordiæ, quæ præparauit in gloriam. Est August. 22. de Ciuit. Dei. Si remanerent omnes in pœna, dicit ipse, non appareret gratia redimentis, & si omnes transferrentur de tenebris ad lucem, in nullo appareret seueritas ultionis. Est D. Thom. loco. cit. art. 5. ad tert. Est tandem Doctoris deuoti 1. sent. dist. 41. quæst. 2. Et Guiler. Vorrillo. ead. dist. quæst. 1. art. 2. concl. 2. Rationes autem Henr. in oppositum, quodl. 4. quæst. 14. & quodl. 5. quæst. 5. Aureoli quoque 4. dist. 41. quæst. 1. non conuincunt. Vnde illis optime satisfacit Caiet. 1. p. quæst. 23. art. 5. Vnū ipse dicere non omittā; non mediocre perfectionem in Vniuerso, si Deus prouidentia sua omnia ibi suauiter disponat, nullā inferens vim, sed omnia suis viribus relinquens arbitrii

bitrii libertatē nullo pacto impediens, quod maximē est de ratione prouisoris Vniuersi, quomodo idem Caiet. notat, eadē quæst. art. 4. Inde postea defectus eueniunt, quia vires arbitrii sibi ipsis relictæ defectibiles sunt. Concedo ergo, cum defectus de se, & formaliter turpitudinem dicant; ad Vniuersi perfectionē non esse: vt inde tamen infertur suavis Vniuersi dispositio, & causæ libertas, non paruum denotant perfectionem: quam libertatem, & si Deus non cogit, nec hortatur ad malum; sed pro suauis solum Vniuersi dispositione quandam habet tolerantiam: numquam tamen deserit ad bonū suauiter inspirando, per scripturas, atque Prophetas vocando: per præmia alliciendo: atque per leges deterrendo. Non vult cogere; ne hanc suauem deturpet dispositionem. Supposito deinde peccato; vide quam suauiter se gerat Deus, semper misericordiam suam faciens super abundare, vt diu sustineat, ac malos ad penitentiam expectet. At si iustitia quoque in impatientes vtatur, mirū minimē videri debet; cum inde, per oppositionē, magis reluceat misericordia. Deus enim sustinet malos, non solū vt bonos per eos purget in hoc seculo; sed vt ostendat diuitias gloriæ suæ in futuro, faciendo apparere ad cōparationem malorū bonos esse amplius gloriosos. Adest etiam, quod si iustitia non vteretur, praeter

praeter id, quod non ita pulchrum esset vniuersum; multa sequerentur incōmoda, quae optimē inspicienti pendenda relinquo. Legant ipsi praeterea Aug. super Psal. 54. Ne putetis, dicit, gratis malos esse in hoc mundo; & nihil boni de illis Deū agere. Omnis enim malus, aut ideo viuit, vt corrigatur: aut per illum vt bonus exerceatur.

Quando autem dicunt melius esse quemlibet potius saluari, quàm damnari; si loquantur respectu vnius, & eiusdem personae, verum dicunt; si autē respectu vniuersi, verum non est. Sicut enim quilibet color de se perfectior est, si sit albus, quàm quilibet alius: respectu tamen figuræ, si tota fieret ex albo; diceret imperfectionē. Item, si quodlibet membrū corporis esset oculus, utique de se esset nobilius, & perfectius: si verò totum corpus esset oculus, ibi maxima esset imperfectio; cū non audiret, nec gustaret: sic in proposito. Vnde dicebat Aug. in Ench. cap. 10. Malum benè ordinatum, & suo loco positū eminentius comendat bona; vt magis placeant, & laudabiliora sint. Ratio ergo dubii, quod maximē sciri optatur (vt ad nostra reuertar) in hac parte sistit: quia tam praedest. quàm reprob. ab aeterno fuerunt. Et secundum Matth. ab aeterno Deus quibusdam Paradisum, quibusdam verò infernū parauit; cum iam omnes homines in meritis, atq; demeritis aequa-

les

les erant: nihilominus, cū Deus gloriam æternā præparauerit Petro, Iudæ autem poenam æternā: quaeritur, numquid in Petro tunc aliquid esset, propter quod Deus talem illi gloriam parauerit? Similiter, an in Iudæ quid reperiretur, ob quod in æternam poenam damnaretur? Scolastici sic proponunt quaestionem. An effectus totalis prædestinationis in particulari; idest respectu particularis personae, vllam habeat ex parte nostra causam?

Prima opinio pro parte affirmatiua est Orig. super Epist. ad Rom. 9. & in Periarchon asserentis propter bona opera, vel mala in præterita vita ab animabus peracta priusquam corporibus infunderentur, aliquos electos fuisse, nonnullos verò reprobatos. Falsam Platonis opinionē hic sequutus fuit, qui voluit cunctas rationales animas separatas à suis corporibus fuisse creatas, & multò antea. Postmodum, quoniam ipsarum aliquæ grauitèr peccarunt, ob id in vilissima corpora deiectas fuisse: alias verò ob merita, bonasquæ actiones nobilissimis corporibus addicatas. Præter ea, quæ huic opinioni dicentur inferius, hîc dicere non prætermittam, illius opinionem Aristoteli maximè repugnare. Voluit enim 12. met. t. 16. nullam formam esse ante compositū. Anima igitur, cum per eundē 2. de Anima t. 5. sit corporis

ris forma; nullo pacto erit ante ipsum corpus.

Est secunda opinio Ioan. Chrysost. ead. Epist. eodemque cap. illud explicantis, Cum nondum nati fuissent, &c. Vbi seipsum interrogat, cur ex nondum natis vnum præ alio elegit? Et respondens ait causam esse, quia Deus non expectat, quemadmodum homo, vt ex rerum exitu iudicet bonum, vel malum: sed antequam quicquam generetur, nouit quòd hic bonus, ille verò malus sit.

Eiusdem opinionis fuisse videtur D. Hierony. 1. super Malach. c. 1. sic dicens; Dilectio, & odium Dei vel ex præscientia nascitur futurorū, vel ex operibus. Et super Abacuch. c. 1. ait, In prædestinatione non esse acceptationem personarum; quia prædestinatus per fidem fuit causa suæ vitæ; infidelis autem per infidelitatem causa suæ mortis. Vlt. super Epist. ad Gal. c. 1. ait Deū diligere quos præscit esse futuros iustos, eos verò odio habere, quos præscit peccaturos.

Eandem hanc sententiam tenuit Aug. lib. 83. quæst. 68. Tom. 4. vbi dicit quòd voluntas in Deo, qua vnum eligit, venit de occultissimis meritis.

Tertia sententia est Ambrosii in Epist. cit. cap. 9. tenentis; vt multi cum illo tenent: Deum neminem damnare antequam peccet; nullumque coronare priusquam vincat: omnia tamen ipsum

F inferni



infernī finem, & gloriæ denotant. Quare voluit Ambros. præuia merita causam esse prædestinationis, & demerita reprobationis. Cumquē ab æterno omnia Deo fuerint præsentia; hinc quodammodo apparet, opera meritoria, ac demeritoria fuisse Deo præsentia; & secundum illa ipsum prædestinasse, ac reprobasse.

Quarta assertio est Ambros. Cathar. qui nouā rem imaginatus est, tres hominum gradus constituens. Ait enim Deum aliquos ab æterno elegisse simpliciter quodam speciali dono ad vitā æternam: aliquos sub conditione, vt si benè fecerint in finem vsque: nonnullos verò infallibiliter reprobasse.

Non est probabilis hæc sententiā, & mihi nunquam placuit; immo imaginaria potius, quàm vllō firmata robore videtur. Dimittatur ergo tanquàm singularis; nec satis tuta.

Vltima opinio est, quam tenuit aliquādo Beatus Aug. in Epist. ad Rom. 6. multisquē aliis in locis, vbi videtur asserere non opera Deum elegisse, sed fidem. Elegit enim, dicit ipse, quos præsciuit credituros esse.

His tamen non obstantibus, pro negatiua parte, quæ sola simpliciter vera est; plures, & expressæ sunt Apost. auctoritates, vbi ex professo partē destruit affirmatiuam. Præcipua illa est Rom. 9:

Cum

Cum nondum nati fuissent, & c. Quem locum explicans Aug. ad Simplic. quæst. 2. tria notat. Primum, consultò dixisse Apost. Isach ex vno concubitu vtrumque genuisse; vt suspicio tolleretur referendi prædestinationem, vel reprobationē ad merita, vel demerita parentum; si essent in gratia in vnius conceptu, & in peccato in conceptu alterius. Vtquē occasionem destrueret horum inæquales sortes ad astra referendi. Secundum; ideo sic Paulum loquutum fuisse, Cum nondum nati fuissent, aut aliquid boni, vel mali fecissent: vt merita omnia præcedentia perimeret. Tertium, hac de causa adieciisse; Non ex operibus, sed ex vocante: vt rationem, ac omnium operum suspensionē, etiam subsequentium auferret. Inquit denique Aug. dum omnia refert Paulus in Dei voluntatē, inquiēs, Miserebor cuius misertus sum, & c. Rom. 9. Iterum, Non est volentis, neque currentis, & c. Vltcrius, Non nē habet potestatem figulus luti? Sole clarius ostēdit nullam dari prædestinationis causam ex parte nostrā.

His ita dispositis, pro huius art. determinatione duas ponam conclusiones ad dubium respondentes, hoc vno prænotato, quòd de prædestinationis effectu dupliciter loqui valemus; vel de totali, vel de particulari. Totalis omnes sunt simul collecti: particularis, vel finis est solus, vel ad

finem mediorum aliquod.

Sit prima conclusio. Effectus praedestinationis particularis datur ex parte nostra aliqua causa. Ut intelligatur aduertendum est, inter particulares praedestinationis effectus hunc ordinem seruari, ut vnus alterius in diuerso genere dicatur causa. Gratia enim causa efficiens operis meritorii dici potest: at opus meritorium causa finalis ipsius gratiae. Gratia similiter causa est meritoria, & efficiens quodammodo gloriae, ut Rom. 6. Gratia Dei vita aeterna: gloria tamen finalis causa gratiae. Vbicumque igitur homo primam gratiam receperit, aliquid est in ipso, quod alicuius particularis effectus praedestinationis causa dici valeat; vel enim operis meritorii, vel gloriae. Sed primi effectus, ut vocationis efficacis, de qua sermo est; cum generali multi sint vocati, pauci vero electi Matth. 10. nulla inuenitur causa ex parte nostra; sed solum gratis, & secundum Dei propositum euenit. Clarissime habetur Rom. 9. & in Glosa illud exponente, Quos vocauit, & c. & apud Aug. super Ioan. tract. 16. cum dicit, Cur Deus hunc trahat, id est efficaciter vocet, noli iudicare, si non vis errare; quasi dicat, quia causam non habet ex parte nostra: secus enim initium fidei, & conuersionis esset ex nobis & non à Deo solum, quod esset cum Pelagio sentire. Secundus  
præ-

prædestinationis effectus, & maximus quidem, est gratia gratum faciens; quæ alio nomine dicitur gratia prima, fortè ratione perfectionis, seu excellentiæ respectu præcedentis. Quomodo homo, seu prædestinatus ad hanc concurrat, non est facile indagare. Ideo prius dicendū est, gratiam bifariam considerari, vel vt donum gratis concessum, quomodo gratiam nemo valet mereri. Rom. 2. Si gratia ex operibus, iā non est gratia. & Rom. 4. Vel consideratur vt est donum cōferens hominibus esse diuinum, & supernaturale; gratos Deo ipsos reddens. Et circa hanc æceptionem vertitur difficultas, an homo possit sibi promereri talē gratiam? Est communis opinio; vt Alex. Thom. Scoti, Bonau. Riccardi, Durandi, & omnium Parisiensium, qui primò diuidant meritum in meritum congrui, & in meritum condigni. Meritum condigni est opus, cui ex rigore iustitiæ, vel saltem ex pacto, & diuina promissione debetur merces. Quo pacto dicunt, & benè, neminem posse sibi, vel aliis primam gratiam mereri: Meritum de congruo, dicunt ipsi, est operatio, cui ex rigore iustitiæ, vel ex promissione nihil est debitum: decet tamen liberalem retributorem eam aliquo præmio decorare. Quare dicunt omnes, hominē in peccato mortali existētem; legitimè tamen suis naturalibus operibus vtentem promereri apud Deum

Deum non ex iustitia, non ex pacto, vel conditio-  
ne; neque ex natura operis, sed ex mera Dei libe-  
ralitate congruum est aliquo spirituali præmio il-  
lum decorari.

Recessit ab hac communi præcipue Dom. Soto  
in lib. de natura, & gratia cap. nolens, audire no-  
men meriti de congruo. Mouetur his rationibus;  
Primò, Vbi meritum est, ibi ratio debiti; sed gra-  
tia numquam est debita operibus factis in peccà-  
to mortali; ergo numquam potest aliquis mereri  
gratiam primam. Secundò, quia Aug. & alii pa-  
tres contra Pelagium contendentes de hac distin-  
ctione numquam mentionem fecerunt, perpetuò  
contententes gratiam non dari ex meritis; ergo  
nullum est meritum congrui ad gratiam primam.  
Tertiò, quia hoc concessio, initium salutis, & iusti-  
ficationis esset ex nobis, & nō ex Dei gratia; quod  
est Pelagianum.

Re vera opinio Soti magis mihi placet, nil tamē  
cōmuni detrahēdo. Ingratū est enim piis auribus  
nomen huius meriti respectu primæ gratiæ, quia  
quātum vis extenuatū sit, semper sapit naturā de-  
biti. Et si Patres aliquādo de eo meminerunt; nū-  
quam intellexerunt respectu primæ gratiæ. Ita  
videntur attestari Driedon cap. de Concor. &  
Ruardus Tapper in exposit. art. fid. art. 5. de libe-  
ro arb. qui versatissimi sunt in Patrum lectione.

Habetur expresse ab Aug. inde correp. & grat. cap. 3. & 16. vbi dicit, quod saluatis indebita gratia confertur. Laurentius Optimus Bononiensis grauiissimus Scruitarum Doctor 2. sent. dist. 25. quæst. 5. in prima collateralis fortissimo vtitur medio pro hac parte. Et oppositum asserere, dicit esse contra Aug. vel Hierony. in Epist. ad Paulinum, vbi dicitur quod de ratione gratiæ est, vt præcisè gratis detur. Fundamentum verò communis opinionis non est difficile, nec inconueniens moderare. Concedimus enim homini facienti quod in se est decenter tradi à Deo ex mera sua liberalitate gratiam primā; negamus tamen aliquo merito hominem ad illam concurrere. Vnde alius est, sermo, homini decenter largitur prima gratia; & alius, homo meritorie recipit illam. Primus nec à Soto confutaretur; sed omnis illa decentia, seu congruitas tenet se ex parte munificentiae Dei, vt etiā ipsi concedere videntur operatio verò hominis solum est dicenda ratio, sine qua non, vt clarius infra, & hoc ne derogetur sapientiæ Diuinæ, vt est Bonau. 1. sent. dist. 41. quæst. 2. ad obiecc. Rationes etiam Soti possunt moderari; sed hoc contrariam partem sustinenti relinquo, quia iam exponendum est quæ sit operatio hominis ad primam gratiam; hoc præmissis, quod gratia duplex est, operans, & cooperans. Nā quādoque



doque voluntas nostra mota est à Deo, & non mouet se; vt cum Deus animū hominis per peccatū auersū mouet illuminando, tunc tēporis dicitur operari per gratiam operantē. Sed cum voluntas mota illa prima Dei motione acquiescit; nec solū à Deo mouetur, sed seipsam mouet per auxilium gratiæ diuinæ: hæc gratia cooperans appellatur. Potest etiam accipi gratia pro dono gratū faciente, cum primus effectus gratiæ sit efficere hominē Deo gratū; ratione cuius etiā gratia operans dicitur. Sed si inspiciamus vt reddit opera nostra meritoria vitæ æternæ, cooperans erit. Iterū, cū Deus nostram prius mouet voluntatem, vt benè velimus, dicitur gratia præueniens: at cum iam benè volumus, vel operamur, vel in virtute persistimus; cū per gratiam Dei hæc omnia consequamur; gratia subsequens appellatur. Dicimus modò supposito speciali Dei auxilio, hominem ad primā gratiam concurrere, non merè passiuè, vt nouissimè decretum fuit à Spiritu sancto in sacra Synodo Trident. Sess. 6. cap. 4. & 9. Sed dispositiuè, assentiendo, & gratia Dei cooperante se actiuè determinando. Sicut enim homo præparat materiā ad animam rationalem, quæ à solo Deo est; ita voluntas animā præparat ad gratiam à solo Deo donandā. Cum enim gratia sit quædam forma supernaturalis; & nulla forma, vt forma,



ma introducatur, nisi in subiecto ad ipsam bene disposito; requiritur vt homo ad illā se optimē disponat. Hinc Ezech. 18. habetur, Proiicite à vobis iniquitates vestras, quas impiē gessistis in me: facite vobis cor nouum, & spiritum nouum: conuertimini, & agite poenitentiā, & ego dabo vobis cor nouum. Hanc dispositionē vocant Theologi conatum, qui consistit in faciendo totū, quod in se est. At facere quod in se est, ex D. Thom. 4. dist. 17. quæst. 1. art. 7. in duobus præcipuē cōsistit. Primò in mouendo se ad Deū propter amorem. Secundò in habendo veram contriptionē de peccatis. Vbi non ignorandum est, aliud esse dictū, facere quod in se est; & aliud, facere quantum quis valet ex his, quæ habet. Hoc enim postremo modo solum habet homo, vt peccare possit: quod non intellexit Martinus Luther art. 36. suarū assertionū. De verit. 28. dicit etiā D. Tho. neminē facere quod in se est, nisi affectu, & desiderio conuertatur ad Deum spe, & amore, & peccatum detestetur. Caiet. quæst. 109. art. 6. dicit, Homo faciendo quod in se est, disponit se ad gratiam; & intelligitur, dicit ipse, de dispositione, & præparatione nō simpliciter, sed quantum est ex parte sua. Et rursus de dispositione simpliciter loquendo, intelligitur vt faciat quod in se est motus specialiter à Deo, obsequendo diuinæ motioni.

D. Bonau. 2. sent. dist. 28. quæst. 1. art. 2. asserit, facere quod in se est, dupliciter sumitur; vel positivè, vt quando facit homo aliquid ordinatū ad gratiam; & tantum, quantum potest, quæ est dispositio ad gratiam. Vel priuatiuè, vt homo dicatur facere quod in se est, quia facit quod potest, quamuis illud non sit ordinatum ad gratiæ susceptionem; quomodo ad gratiam sufficienter non disponit. Hoc dicit in solut. argum. Alex. de Hales quæst. 99. art. 3. ad 6. de hac re optimè loquitur, scripturæ quamplures asserens auctoritates. Concurrit etiam homo gratiæ Dei cooperante, actiue sponte assentiendo, nullatenus vocationi diuinæ reluctando: posset enim si vellet, vt Concil. Trid. loco cit. secus non maneret arbitrii libertas. Et ideo dixit Aug. qui fecit te sine te, non saluabit te, sine te. Tota hæc operatio hominis respectu primæ gratiæ, fortè etiam dici poterit causa sine qua non, quæ ad effectum necessariò concurrir, licet ipsum, vt agens, non attingat. Exemplum est de aperitione fenestræ respectu illuminationis domus; Sol enim per se, solus, & efficienter potest, & paratus est illuminare domum; expectat nihilominus aperitionem fenestræ, quæ minus principaliter, in quantum remouet prohibēs; & aditum relinquit radiis solaribus, ad talem illustrationem concurrir. Vnum hoc indubitabile sit

fit, nō posse hominem talia præstare sine Spiritus Sancti adiutorio. Est eiusdem Concil. loco cit. can. 3. habetur etiam Ioan. 10. Nemo venit ad me; nisi pater meus, qui misit me, traxerit eum. & Hieron. 51. Conuerte me domine ad te, & conuer-  
tar, quia tu es dominus meus. Ex quibus omnibus patet hunc etiam secundum prædestinationis effectum à Deo potissimè dependere; ipse namque solus est, qui gratiam creat, & infundit efficienter: ipse est, qui dat homini, ut possit se disponere, & præparare ad primam gratiam; totum igitur ipsi, absolutè loquendo, tribuendum est. Sed iam ponatur secunda conclusio.

Sola Dei voluntas est causa per se sufficiens, quare totalis prædestinationis effectus huic detur, & non illi; & nihil est ex parte nostra, propter quod hic potius, quàm ille sit prædestinatus. Est D. Thom. loco cit. & 1. quæst. 41. art. 3. & de verit. quæst. 6. art. 2. & in quodl. ac multis aliis in locis. Scoti 1. sent. dist. 41. quæst. vnic. post recitatas aliorum opiniones. Franc. de Mairo. cod. loco Guilel. de Rubione. Egidii, Greg. de Arim. Ioan. de Bassolis, Scotarelli. Siluestri de Prierio in 1. Confl. & aliorum, quos ob breuitatem omitto numerare. Est tandè Caiet. super Matth. cap. 11. & Heru. loco cit. Probari potest, primò singulis auctoritatibus Pauli pro negatiua parte iam alla-

tis. Præterea Matth. 25. Venite benedicti Patris mei, possidete paratū vobis regnum à constitutione mundi. Quo tempore omnes eramus æquales in meritis, atque demeritis; nihilominus huic gloriam, illi verò pœnam parauit. Psal. 97. Omnia quæcumque voluit fecit in cœlo, & in terra; idest ad libitū suum. Aug. super Ioan. dicit, Quare Deus hunc trahat, & illū non trahat, noli iudicare, si non vis errare; ac si diceret, de facili erratur, si diuinæ voluntatis causa quærat, cum non sit nostrū de hoc iudicare. Ideo Paul. Rom. 11. exclamat, O altitudo diuitiarū sapientiæ, & scientiæ Dei; quàm incomprehensibilia sunt iudicia eius, & inuestigabiles viæ eius. Quis enim cognouit sensum domini? aut quis consiliarius eius fuit?

Iam reliquum est, vt argumenta in contrariū soluantur, seu potius interpretentur. Ad primū testimonium Pauli dicunt aliqui, Apost. ibi loqui de simplici scientia in communi; & tunc sensus erit: Quos Deus præsciuit, & prædestinavit; idest quos Deus non solum cognouit scientia communi; sed etiam prædestinavit, & c. Caiet. hunc in modum exponit; quòd licet in scriptura primo loco ponatur præscientia, quàm prædestinatio; tamen secundum veritatem prior est prædestinatio, respectu prædestinatorum, quàm præscientia; non  
secun-

secundum rem; sed secundum rationem. Prius enim est Deum res velle fore, quàm præscire illas fore: & tunc est sensus. Quos præsciuit, & prædestinavit; idest prædestinavit priusquam præsciret; hos vocavit, & iustificavit: vt præpositio, præ, non solû ad prædestinatos referatur, sed etiam ad præscientiam: dispari tamen ratione: refertur enim ad prædestinatos ordine temporis, ad præscientiam verò ordine quodam causalitatis. Vnde clarum est, quòd præscientia bonorum operum non est causa prædestinationis; cum præscientia, potius sequatur prædestinationem. Stante hac interpretatione Caiet. facile est intelligere D. Hierony. super Hierem. 26. Vbi ait non ex eo, quòd Deus scit aliquid futurum, idcirco id erit; sed quia futurum est, ideo Deus nouit: quasi præscius futurorum. Tertiò, & fortè melius, dicere possumus, Paulum ibi loqui non de scientia in communi; sed de scientia approbationis, vt idem Caiet. adnotauit: seu de scientia iudicatiua, quod redit in idem per Dom. Sor. eod. loco. Deus enim neminem prædestinat, neque de re aliqua disponit; nisi præiudicio, puta, quòd bonum id fieri sit, & tunc sensus erit. Quos præsciuit, idest quos apud se iudicauit bonum esse beare, hos, & non alios prædestinavit. Si quis autem diceret, Bonum esse

esse hos beare supponit voluntatem Dei, per quam est omne, quod est bonum; ergo prius est hos prædestinare ad beatitudinem, quam sit bonum eos beare. Ad hoc dicitur vnum esse causam alterius, & e conuerso; diuerso tamen in genere. Nam in genere efficientis prior natura est prædestinatio; quam verum sit à parte rei hos beare: at in genere causæ obiecti, & quasi finalis, prius secundum modum intelligendi, Deus iudicat bonum hos beare; quam illos in beatitudinem eligat. Ad secundum respondetur secus rem se habere in dilectione nostra, ac in dilectione Dei; vt notat D. Thom. art. 4. in hac materia: nam dilectio in nobis est posterior eo, quod diligitur; in Deo verò oppositum contingit; dilectio enim prior est, quam sit bonum, quod diligitur ab eo: loquendo scilicet de dilectione erga creaturas. Si quis opponat obiectum præcedere actum; tunc dicerem verum esse, quando obiectum est causa actus: at vbi actus est causa obiecti, oppositum contingit: vt cum aliquis igne calefacit aquam; calor est obiectum calefactionis, tamen calor non præcedit calefactionem; sed sequitur potius, quia non est illius causa; sed terminus, & effectus. Quare argumentum hoc potius construit, quam destruat opinionem nostram: diuina enim dilectio non supponit, sed efficit effectum prædestinationis;

nis; ergo ex parte nostra primi effectus prædeterminationis non potest intelligi aliqua causa. Dicitur ad tertium, si nomine talentorum gratiam iustificationis intelligamus; per primam virtutem debemus intelligere dispositionem ad gratiam; & quò maior est, ad maiorem gratiam disponit: sed hæc cum à Deo sit, & effectus ipsius gratiæ, vt dictum est, non potest esse causa totius effectus prædeterminationis. Si verò nomine talentorum, vt magis literæ congruit, gratias alias intelligamus, & onera in Ecclesiæ vtilitatem iniuncta; vt officia, & beneficia Ecclesiastica; quomodo legitur Ephes. 4. Et ipse dedit alios quidem Apost. alios autem Prophetas; facilius est solutio. Deus enim in talium onerum distributione, non solum respicit virtutem supernaturalem; sed ingenium, conditionem, & vires naturales: vt sic iniungat secundum vires, curam, & onus. Ad quartum respondetur hominem adultum posse per liberum arb. se mundare; non tamen sine Dei gratia, vt pluribus in locis clarissime statuit Apost. præsertim Galath. 2. & est plurimum Concil. at hic etiã actus necessario sub prædeterminationis effectu continetur. Et si quis diceret liberum arb. posse liberè assentiri, vel non assentiri: uti gratia Dei, & non uti; ergo vsus hic præuisus potest esse causa prædeterminationis. Huic respondetur, liberum arb. posse quidem per seipsum



sum solum cadere, vel non assentiri; at quòd assentiatur, vel quòd cooperetur, siue vtatur gratia Dei; non est à solo libero arb. sed à libero arbitrio gratia informato, & illustrato. Sicut effectus causæ secundæ, non solum est à causa secunda; sed à causa secunda ordinata ad primam. Quare omnis assensus, omnisquè cooperatio liberi arb. conducens ad beatitudinem, est etiã effectus ipsius gratiæ, et per consequens prædestinationis.

Ad sanctorum testimonia quidam dicunt, Sanctos illos antiquos eius fuisse sententiæ; quod ego vix credere possum. Potius igitur interpretandi sunt, quàm in illam sententiam deducantur. Tribus autem modis exponi possunt. Primò, quòd loquuti sint de finali causa. Sic enim; vti opera præuisa sunt finalis causa iustificationis; adhuc quippe Deus aliquem iustificat, vt mereatur, vt cooperetur; vtq; possit fructus exhibere dignos vitæ æternæ: ita etiam opera præterita sunt finalis causa prædestinationis, scilicet ex parte primi effectus. Quare, cum sancti dicunt, Deum prædestinare aliquos propter opera præuisa; non in genere causæ efficientis intelligendi sunt, sed in genere causæ finalis. Confirmatur, quia sicut scientia Dei non causatur à scitis, sed è contra; vt aliàs dixi, ita voluntas: quare sicut res sunt futuræ quia Deus

Deus scit illas; ita, ideo nos sumus facturi bona opera, quia proposuit dare gratiam. Secundò possunt interpretari, vt loquantur de prædeterminatione, & reprobatione respectu vltimi effectus: quomodo verum est Deum aliquos elegisse ab æterno ad gloriam propter opera præcuisa, alios autē reprobasse propter demerita præcuisa. Quæ expositio magis mihi placet: quoniam sancti in hac materia de prædest. & reprob. loquentes, semper vltimos effectus respicere videntur. Et ista expositio concordat primæ conclusioni responsiuæ. Iuxta hunc sensum est etiam exponendus Aug. lib. 83. quæst. q. 68. à quo tamē dicto se retractauit; vt vult Magist. Sed esto quòd se non retractauerit, ita intelligendus est. Interpretantur tertio illa dicta sanctorum de bono vsu liberi arb. qui antecedit illam gratiam in puncto iustificationis; vt sit sensus quòd Deus ab æterno solos illos prædestinauit (de adultis loquendo) quos præcuidit benè vsuros libero arb. & cooperaturos: non quòd assensus liberi arb. sit prior simpliciter, sed solum in genere causae materialis: Et hæc optima est explicatio. Si quis dicat, ergo datur ex parte nostra aliqua causa. Dico quòd datur causa materialis, & secundum quid; non autē simpliciter, & meritoria, vt multi voluerūt; tum quia dispositio hæc in genere causae efficientis est po-

sterior gratia; tum etiam, quia, ut gratiam antecedit, non potest esse vltima dispositio sine auxilio Dei supernaturali. Ad Aug. dicitur, ipsum eius fuisse aliquando sententiae, ut cum Pelagio crederet initium fidei non à Deo esse; sed posse hominem praedicato Euangelio per liberū arb. vel credere, vel resistere. Vnde inferebat, eos Deū elegisse, quos praecuidit esse credituros: eos autē reprobasse, quos infideles fore praecuidit. Retractavit se tandem ab hac opinione in lib. de praedest. Sanct. c. 2. & lib. 1. retract. cap. 23. inquit, Dixeram Deum non opera, sed fidem elegisse; quod profectò non dicerem, si iam scirem ipsam etiam fidem inter Dei munera reperiri, quae donatur in Spiritu sancto. Neque difficile est praeterea sententiam hanc reicere; nam ipsa fides donum Dei est, ergo est effectus praedestinationis, & gratiae: ergo non potest esse causa totius effectus praedestinationis. Antecedens probatur à Diuo Aug. locis cit. priorem sententiam reprobando apertissimis testimoniis scripturae. Sed sufficiat nobis auctoritas Pauli 2. Corint. cap. 3. Non quòd sufficientes simus cogitare aliquid à nobis, quasi ex nobis; sed sufficientia nostra ex Deo est. Ex quo sumit Aug. argumentum dicens, Prius est cogitare, quàm credere: sed non possumus sine gratia Dei cogitare quicquam conducens ad vitam

tam æternam, ergo neque credere. Idem habet Chrysoft. Homil. 44. super Ioan. Et Christus iam dixerat, Nemo potest venire ad me, idest in me credere, nisi fuerit illi datum à patre meo; idest sine gratia; quamuis etiam liberum arb. maxime concurrat. Tandem, siue fides sit donum Dei, vti re vera est; & habetur Concil. Trident. Sess. 6. can. 3. siue non: causa prædestinationis esse non potest, ergo vanum est, quantum ad hoc, ad ipsam confugere. Probatur antecedens, primò motus fidei non est causa meritoria gratiæ; ergo neque prædestinationis. Secundò, multi fideles reprobatùr, ergo fides præuisa nō potest esse causa prædestinationis. Orig. opinio adeo prauitate, & hæresi pessundatur, vt digna non sit responsione; lectoribus tamen vt satisfaciam, perpauca dicam. Tria ergo præcipuè asserebat Orig. quantum ad hanc rem. Primum vnà cum Platone animas creari ante corpus, & hoc in lib. qui Periarchon inscribitur; sed hoc superius confutatum fuit. Secundum, quòd animæ vi, & inuitæ detinentur in corporibus, tamquam in carceribus; quod nihilominus Philosophis omnibus, atq; Theologis æqualiter repugnat; & hæc vna ratio sufficiat in contrarium, quòd anima habet inclinationem ad corpus, quòdque dissolutio animæ à corpore formidabilis est omnibus, veluti terribilium vltimū;

quod utique non esset, si staret eius opinio; immo omnibus esset mors appetibilis. Asserebat tertio animas, priusquam corporibus infunderentur, peccasse, vel benefecisse; ob idque Prædestinatas, reprobatae fuisse: in cuius dicti prima parte Theologus non est; nemo enim assereret animas, præterquam in corporibus, mereri, demereri. In secunda Paulo repugnat loquenti ad Rom. 9. de Iacob, & Esau; Cum non dum nati essent; aut aliquid boni, vel mali egissent; non ex operibus; sed ex vocante dictum est, Iacob dilexi, Esau autem odio habui. Non igitur propter opera facta in altera vita alter electus, alter vero reprobatus est.

## A R T. Q V I N T V S.

*An bonus usus liberi arb. praeiudicet à Deo  
sit causa praedestinationis.*



**D**IFFICILLIMA res est, de qua agitur: & plures in ea insudarunt, multique submersi sunt; mirum igitur nemini videatur, si duobus articulis illam inuoluo. Commodi etiam gratia

tia factum est; ne lectionis prolixitas laborem cum molestia lectori afferret. Non sufficiunt ea, quæ in præcedenti fuerunt dicta, ob nonnul-  
lorum proteruam opinionem; qui numquam in-  
telligere voluerunt solam Dei voluntatem præ-  
cisam, ac totalem esse causam nostræ prædesti-  
nationis; quare semper conati sunt aliquid ex  
parte nostra constituere, quare totalis prædesti-  
nationis effectus tradatur nobis. Et cum aliò  
nequissent, ad bonum vsum liberi arb. confu-  
gerunt, concausam prædestinationis ipsum præ-  
dicantes. Quam ego rem sub proposito art.  
tractabo: In primis tamen ignorandum non  
est, quòd de vso liberi arb. tripliciter loqui  
possumus; Et de triplici erit quaestio. Præ-  
vsum liberi arb. est ille, qui dicitur naturalis, 1  
quem potest quis habere sine gratia, & auxi-  
lio Dei supernaturali; vt cum dat elemosinam  
motus tantum pietate naturali. Secundus vsum 2  
est, qui antecedit gratiam, licet sit ex auxilio  
Dei, & dono supernaturali; vt motus fidei,  
& spei informis; vel etiam peccatorum dolor  
imperfectus, quem potest quis concipere ex  
timore vel mortis, vel inferni. Is enim, licet  
sit ex auxilio Dei supernaturali; potest nihilo-  
minus esse absque gratia Dei iustificante. Ter-  
tius vsum ille dicitur, qui ex gratia iustificante  
3  
est;

est; siue ille sit, qui concurrit in puncto iustificationis; vt perfecta contritio, vel dilectio. Dei super omnia: siue alius, qui postea temporis successu gratiam subsequitur, vt sunt omnia opera meritoria, quibus mereri possumus gratiae augmentum, & tandem gloriam.

His ita positis, Prima opinio in hac materia fuit Pelagii docentis bonum usum naturalem liberi arb. initium esse iustificationis nostrae; qui consequenter assereret etiam, esse causam nostrae praedestinationis. Contra quem sit ista conclusio. Bonus usus naturalis liberi arb. non potest esse causa nostrae praedestinationis. Probatur, eadem est iustificationis ratio, atque praedestinationis; talis autem usus non potest esse causa iustificationis; ergo neque praedestinationis. Est praeterea de fide; quamuis enim Concilia, summique Pontifices de praedestinatione non meminerint, euidentissimè tamen primum errorem Pelagii confutantes, hunc etiam secundum confutarunt.

Secunda opinio quorūdam est Catholicorum asserentium posse praedestinationem referri, tamquam in causam, in hunc usum naturalem liberi arb. non vt in meritum simpliciter, & de condigno: sed vt in meritum secundum quid, atque de congruo. Huius opinionis fuerunt, Thom. quidam de Argentina 4. sent. dist. 1. quaest. vnica:

Gabriel



Gabriel ead. dist. quæst. vnica dub. 1. Antonius Andre. 1. sent. dist. 41. quæst. 1. in secunda consideratione idem quodammodo sentire videtur. Et Ricchard. de Mediau. Et Bacco. Carmel. Omnes tamen concedentes meritum de congruo primam gratiam antecedere; inde debent etiam concedere merita hæc præuisa illo modo fuisse causam nostræ prædestinationis; non simpliciter, sed de congruo. Quia tamen apud Sanctos de hoc merito, respectu prædestinationis, nulla est facta mentio: & quia apud pias aures malè audit nomē meriti de congruo respectu primæ gratiæ, vt alibi dictum est; ideo sit secunda conclusio. Nostræ prædestinationis non potest dari causa, quæ sit meritum de congruo. Quia meritū, quantumcumque extendetur, semper aliquam habet rationem debiti; vt habetur ex Paulo ad Rom. 4. Ei autē, qui operatur, merces non imputatur secundum gratiam; sed secundum debitum. Si homo igitur aliquo modo potest gratiam primam mereri, aliquo etiam modo ei debetur; vnde maxima fieret iniuria primæ gratiæ, quæ omnimode debet esse gratis, & ex mera liberalitate donantis. Secundò, meritum dicit respectum ad præmium; sed actus liberi arb. naturaliter bonus nullum dicit respectum ad finem supernaturalem; ergo non potest habere rationem meriti. Datur ergo gratia,

tia, tanquam principium bonorum operũ; idest vt faciamus bona opera. Quòd prædestinatio deinde, non possit referri in talem vsum naturalem liberi arb. vt in causam, probatur. Deus aliquando vocat ad fidem homines facinorosos, & pessimos; alios autem mediocriter institutos non vocat: non est ergo asserendum bonum vsum naturalem esse vllo modo prædestinationis causam.

Tertia opinio est, quam tenuit nonnumquam D. Aug. scilicet bonum vsum liberi arb. qui est ex auxilio Dei supernaturali, præcedentem gratiam posse causam esse prædestinationis. Putauit enim non opera, sed motum fidei sufficientem esse causam iustificationis, prædestinationisue. Adiecit quoque, Pelagio consentiens, initium fidei ex nobis esse. At in melius postea mutauit sententiam, vt infra videbitur. Et iam ponatur conclusio. Bonus vsus liberi arb. gratiam antecedens, quamuis sit ex auxilio Dei supernaturali; non potest esse causa prædestinationis; vti est motus fidei, vel spei informis. Quia per huiusmodi motus informes gratiam antecedentes non possumus mereri nostram iustificationem; ergo neque prædestinationem. Secundò, huiusmodi motus informes gratiam antecedentes sunt prædestinationis effectus; ergo non possunt esse causa totius effectus. Conseq. tenet. & antecedens dupliciter probatur.

Primò,

Primò, Omnia media, quæ conferunt ad consequendum vltimum finem, sunt effectus prædestinationis: sed motus antecedentes gratiam huiusmodi sunt; ergo. Secundò, Huiusmodi motus sunt effectus gratiæ, cum ex auxilio Dei supernaturali proueniant; ergo sunt effectus prædestinationis.

Quarta opinio eorum est asserentium bonum vsum liberi arb. præuisum, concurrentem in puncto iustificationis, esse causam prædestinationis; quatenus præcedit iustificationem, seu gratiam ipsam; saltem secundum naturam. Vel clarius, dicunt contritionem, ac dilectionem Dei super omnia; vt natura præcedit iustificationem in præscientia Dei, esse causam prædestinationis. Habent hoc speciale argumentum, Deus neminem iustificat (de adultis loquendo) nisi quem viderit dispositum, ergo dispositio hæc præuisa; saltem in adultis, erit causa prædestinationis. In contrarium tamen est concl. Neque hic motus, siue sit contritionis, siue dilectionis, concurrens in puncto iustificationis; quatenus natura præcedit gratiam, potest esse causa prædestinationis. Primò sic demonstratur, Talis motus, quatenus natura præcedit gratiam, nullam habet rationem meriti; ergo neque rationem causæ. Item Actus ille, quatenus gratiam præcedit secundum natu-

ram, non est iustificationis causa, igitur neque prædestinationis: antecedens patet, si enim esset; gratia caderet sub merito, quod est hæreticum. Iterum, Actus ille, ut natura gratiam præcedit, est vltima dispositio ad gratiam, ergo pendet ex auxilio Dei supernaturali, ut optimè notat D. Tho. 1. p. q. 23. art. 5. ergo est prædestinationis effectus; ergo non potest esse causa illius. Vltimò, Illa postrema dispositio, licet sit prior gratia in genere causæ materialis; simpliciter tamen, ac in genere causæ efficientis ipsam consequitur gratiam, ut alibi docet Sanct. Thom. absolutè igitur loquendo non potest esse causa iustificationis, neque prædestinationis, nisi secundum quid, & cum additamento; puta, causa dispositiua, & causa materialis: & ita tollitur argumentum factum ab initio pro contraria opinione. Concèdo enim nullum aduultum Deum iustificare, nisi quem viderit dispositum; hæc tamen dispositio non est causa simpliciter, sed solum secundum quid, ac veluti conditio sine qua non.

Maior tandem insurgit difficultas, An bonus vsus liberi arb. gratiam subsequens, siue sit ille, qui concurrit in puncto iustificationis, siue alius; sit ratio, causæve prædestinationis? Ad quam ponitur negatiua conclusio, quæ nonnullis antiquorum aduersatur, ut patet ex Epist. D. Prosperi, &

Hila-

Hilarii ad D. Aug. Immo & ipsi visi sunt affirmati-  
uam tenere. Opponitur etiam Camerario Be-  
neuent. Verrato, nonnullisq; aliis recentioribus.  
Nostra tamen conclusio, quæ catholica est, pro-  
batur in primis per Apost. Rom. 9. vbi omnia ope-  
ra tam antecedentia, quàm subsequētia: tam  
præterita, quàm futura euidentissimè excludit.  
Quare dicit D. Ansel. si opera futura præuisa es-  
sent electionis causa; non ex vocante, sed ex ope-  
ribus futuris dixisset Paul. quia maior seruiet mi-  
nori. Secundò, si opera hæc præuisa causa essent  
prædestinationis; facilè erat ipsi Paulo soluere  
quæst. arduam excitatam eodem cap. Numquid  
iniquitas est apud Deum? Poterat enim respon-  
dere, minimè: si hunc propter sua merita elegit,  
illum verò propter sua demerita reprobauit. At  
numquam operibus talia adscribit; immo semper  
ad voluntatem Dei confugit. Tertiò probatur,  
Elegit nos Deus, non quia eramus Sancti; sed vt  
essemus sancti. Ephes. 1. ergo opera hæc præuisa  
non sunt causa prædestinationis. Vnde hunc lo-  
cum Pauli exponens Aug. in lib. de prædest. Sanc.  
cap. 19. inquit. Non elegit nos Deus, quia futu-  
ros esse tales præsciuit; sed vt essemus tales per ele-  
ctionem suæ gratiæ. Confirmatur; Si Deus ho-  
mines elegit propter præuisa opera; ergo propter  
ipsorum fidem, ac dilectionem præuisam; ergo

nos elegit, quia nos illum eramus dilecturi; quod expresse contra id est, quod legitur. 1. Ioan. 4. Non quasi nos dileximus illum, sed quia ipse prius dilexit nos. Et Ioan. 15. dicit Dominus, Non vos me elegistis, sed ego elegi vos; ut eatis, & fructum adferatis. Non autem dixit; quia vidi vos fructus allaturos. Quartò, Hic bonus gratiae usus effectus est praedestinationis; ergo illius causa esse non potest: consequentia tenet, antecedens autem est Pauli Ephes. 2. Ipsius enim sumus factura, creati in Christo Iesu in operibus bonis, quae praeparauit Deus, ut in illis ambulemus; id est quae destinauit, ut in illis ambulemus. Vbi opera gratiam subsequenter (de his enim loquitur Apost.) praedestinationi tribuit. Quintò sic, opera haec praeuisa sunt effectus gratiae; quo nam pacto igitur possunt esse causa iustificationis? Sextò, Si bonus usus liberi arb. gratiam consequens, esset ratio conferendi gratiam homini praedestinato, sequeretur gratiam reprobis collatam veriore esse gratiam ea, quae traditur electis: consequentia probatur, quia illis datur omnino gratis nullo ad ipsos habito respectu: quod tamen impium est asserere. Tandem fortissimo probatur argumento, quo D. utitur Aug. in Epist. ad Sixt. Presbyt. 105. & de Praedest. Sanct. 12. Moritur paruulus ante omnem rationis usum, cuius non extat opus aliquod



aliquod meritorium; vt clare patet: nihilominus per Baptismum, & Christi merita saluatur, ergo prædestinatus est; non propter bona opera præuisa, quæ fieri deberent ab eo, sed sola Dei miseratione, & in sanguine Christi. Eadem ratio est etiam de adultis, sicut ibi enim nullum adest impedimentum, ita neque hîc. Si quis autem pertinaciter assereret talem puerum esse prædestinatum Propter bonum vsum, quem habuisset, si iam superuixisset. Ad Paulum illum dimitto 2. Corint. cap. 5: Omnes nos, inquit, manifestari oportet ante Tribunal Christi; vt referat vnusquisque, prout gessit in corpore: siue bonum, siue malum. Non ergo pro eo, quod gesturus est, verum pro eo, quod gessit. Secundò memorarem illi, impiũ esse asserere Deum remunerare, vel punire opera, quæ non fecit aliquis, erat autem facturus. Tertiò, & clarius dicerem, quòd constat Deum multos ex prædestinatis de medio subtulisse, prauine fierent; vt Sapient. 4: Placens Deo factus dilectus, & viuens inter peccatores; raptus est, ne malitia mutaret intellectum eius, & ne fictio deciperet animum eius: ergo Deus in prædestinatione, & reprobatione non intuetur opera, quæ facturus iam aliquis erat, si plures annos superuixisset.

Aduersatur, præterea, nostræ verissimæ Conclusioni



clufioni grauiffimus inter Scolafticos Henricus de Gand. quodl. 4. art. 19. & quodl. 5. art. 5. Qui fubftiner, bonum vſum gratiæ cauſam eſſe prædeſtinationis. Aſſerit tamen poſtea, & à priori ſententia declinare videtur; hunc vſum, qui gratiā ſubſequitur, dupliciter attendi poſſe. Vno modo, vt à gratia eſt; quomodo nō poſeſt eſſe cauſa prædeſtinationis. ſed illius effectus. Altero verò modo, vt egreditur à libero arb. & ſic eſt cauſa prædeſtinationis. Ideo enim Deus, dicit ipſe, hos prædeſtinauit; non autem illos; quoniā præuidit hos eſſe cooperaturos, aſſenſurosque, & non illos... Cum verò obiicitur argumentum Sancti Thomæ. Scilicet, idem vſus numero eſt, qui prouenit à gratia, & libero arb. ergo ſi vſus gratiæ, vt eſt à gratia, eſt effectus prædeſtinationis; etiam, vt vſus liberi arb. erit prædeſtinationis effectus. Reſpondet ille negando conſequentiam: licet enim idem vſus ſecundum rem ſit à gratia, & libero arb. at ſecundum rationem aliquo modo eſt à gratia, quomodo non eſt à libero arb. & e conuerſo; & ſic talis vſus poſeſt eſſe cauſa prædeſtinationis. Nititur hic doctor firmare ſuam ſententiā his præcipuis argumentis. Prædeſtinatio ſupponit electionē, ſed electio ſupponit diſparitatem, & inæqualitatē inter eligendos, & reprobandos, ergo ſupponit cauſam: ſed ex parte noſtra nulla alia excogitari poſeſt,

potest, nisi bonus, vel malus vsus liberi arb. præui-  
sus, ergo hic erit causa prædestinationis. Secundò,  
In omnibus operibus Dei reperitur iustitia, & mi-  
sericordia: Et habetur Psal. 24. Vniuersæ viæ Do-  
mini Misericordiā, & Veritas: sed in opere præde-  
stinationis reperitur misericordia, ergo, & iusti-  
tia; ergo ex parte nostra est causa, cur Deus hunc  
eligat, illum verò reprobet: & cur potius hunc,  
quàm illum eligat. Tertiò, Eadem est ratio re-  
probationis, & prædestinationis; sed abusus præ-  
uius liberi arb. est causa reprobationis, ergo bo-  
nus vsus præuius erit causa prædestinationis. Vlti-  
mò, Si Deus sine vlla causa ex parte nostra; sed  
pro suo beneplacito solum hunc potius, quàm il-  
lum eligeret; esset profecto acceptator persona-  
rum, quod est absurdum.

Eisdem tamen reiiicitur rationibus hæc senten-  
tia, quibus superior reiecta fuit; & his vltèrius.  
Licet enim concedatur bonum vsus subsequen-  
tem gratiam secundum intellectum aliquo modo  
esse à libero arb. quomodo non est à gratia: at se-  
cundum rem quicquid habet à libero arb. habet  
etiam à gratia; sed totum, quod est à gratia, est ef-  
fectus prædestinationis, ergo & quod erit à libero  
arbit. erit effectus prædestinationis. Secundò,  
Media, quibus currimus ad vltimum finem, sunt  
prædestinationis effectus, sed hic bonus vsus est  
medium,

medium, quō tendimus in vltimum finem; siue consideretur, vt est à gratia, siue vt est à libero arb. ergo vtroque modo est effectus prædestinationis; ergo neutro modo potest esse causa: Tertiò, Hic bonus vsus gratiam subsequens tripliciter potest considerari; Primò, vt est à gratia solū: secundo vt est à gratia, & libero arb. simul: tertiò, vt est à libero arb. tantum. Si ergo est causa prædestinationis; vel hoc erit primo, vel secundo, vel tertio modo; non primo, vt ipse fatetur: neque secundo, cum sic etiam sit effectus prædestinationis. Neque tertio, vt probatur. Nam bonus hic vsus, vt à libero arb. fluat, est actus naturaliter bonus, ergo non potest esse causa prædestinationis. Hoc argumentum penitus hanc destruit opinionem, quod adhuc confirmatur, Bonus vsus antecedens gratiam non potest esse causa prædestinationis, quia solum est à libero arb. ergo neque bonus vsus gratiam subsequens, vt à solo libero arb. est. Vltimò, Si talis vsus esset causa prædestinationis; tunc electio Dei non solum esset ex vocante, sed ex operibus quoque; quod Paulo repugnat. Quare sententiā hæc nedum falsa; cæterum erronea quoque, Scripturæq; cōtraria plerisque à sapientibus est iudicata. Commode igitur affirmari potest cum Donyf. Cisterciensi, & multis cum aliis, quod Deus nullū prædestinet propter bonum

bōnum vsum liberi arb. vt patet in paruulis in Baptismate decedentibus.

Est præterea certissima, & principalis cōclusio, Prædestinatio ex parte primi effectus, siue totalis effectus nullam habet causam ex parte nostra, neque subsequentem, neque antecedentem meritoriam, licet non repugnet quod habeat finalem, vt iam dictum est. Est D. Aug. multis in locis, præcipuè in Epist. cit. ad Sixt. In lib. de prædest. & grat. In lib. de prædest. Sanct. Et in lib. de bono perseuer. Est D. Ansel. super Epist. ad Rom. 9. Magistri in citata distinct. Et Sanct. Thom. vbi cumque de hac re loquitur. Est præterea Scoti, Durandi, Gabrielis, Greg. & omnium ferè Scola- sticorum, qui habent ineluctabile argumentum, Iustificationis nulla potest excogitari causa ex parte nostra, neque antecedens, neque subsequens; sed tantum refertur in Dei voluntatem, ergo neque prædestinationis. Legendus est vltèrius Dominicus Soto super Epist. ad Rom. 9. nec est relinquendus Ioan. Driedon in lib. de concor. liberi arb. & diuinæ prædestinationis, qui hanc difficultatem egregie tractant.

Ad argumenta Henrici Respondetur, Ad primum negando consequentiam vltimam; & ratio est, quia electio supponit dilectionem, ex qua est disparitas inter eligendos, & reprobandos:

K. sed

sed hæc continetur sub effectu prædestinationis. Ad secundum respondeo idem esse iudicium de primis effectibus gratiæ, & de primis effectibus naturæ: quare vt in his reperitur iustitia, non in ordine ad creaturam; sed in ordine ad Dei bonitatem, & sapientiam; ita etiam in illis. Ad tertium nego consequentiam: nam, vt infra dicetur, in reprobatione inuenitur culpa, quæ à Deo non est; sed à nobis, & ab illo, cui iuste debetur pœna: in prædestinatione autem nihil est, quod non sit à Deo. Ad vltimum similiter respondeo per negationem consequentiæ; nam personarum acceptio, vt optimè notat Sanct. Thom. locum non habet in gratuitis: quare cum effectus prædestinationis nemini debeat; nemini facit iniuriam, si eo relicto, alium eligat. Hæc solutio est D. Augustini ad Simplic. q. 2. Potest etiam retorqueri argumentum in eum hoc modo. Si enim Deus hos elegit potiusquàm illos propter merita, & opera præuisa; quæro modò, cur Deus vult potius hos habere hæc merita, quàm illos? Item, cur Deus efficaciter potius opitulatur his, quàm illis? Re vera non potest responderi, nisi quia Deus nemini quicquam debet; & ita sicut illi liberant Deum ab iniustitia, & iniquitate; & nos ita quoque.

Quoniam omne meritum ex parte nostra visus sum reiicere, quod nostræ prædestinationis causa

causa sit; ne quis conturbatus recedat; clamans, ergo nostra bona opera frustra sunt, cum nihil mereantur; & absque illis nos Deus prædestinauerit, & saluabimur? Aduertat quæso hic, aliud dictu esse nostra bona opera aliquid mereri in prædestinatione, aliud esse causam totalis effectus, & aliud denique illa esse necessaria ad salutem. De primis duobus adeò multa dicta sunt, vt plura non requirantur. Ad postremum dicitur, bona opera facta in mandatorum Dei obsequium, ad salutem in adultis simpliciter esse necessaria. Matth. 18. & 20. Si vis ad vitam ingredi, serua mandata. Rom. 2. Non auditores tantam, sed factores legis iustificabuntur. Concil. Trident. Sess. 6. can. 20. Vnde Paulus, supposita diuina prædestinatione, adhuc orabat pro aliorum salute procuranda; immo exigit ipse à saluandis corde credere, lingua orare, & confiteri nomen Domini. Nec, præterea, Christus misisset Apostolos prædicare Euangelium omni creaturæ, si ex sola prædestinatione traderetur gloria; vt optimè explicat Augustinus ad Petilianum. Et super Psalm. qui fecit te sine te, non saluabit te sine te. Immo non solum mandata Dei, sed Prælatorum quoque Ecclesiæ Dei custodire oportet. Matth. 23. Omnia ergo, quæcunque dixerint vobis; seruate, & facite: & Concil. iam cit. eod. loco. Et ratio est, quo-



niam prædestinatus Christi, & Ecclesiæ membrū efficitur; membra autem tum caput, tum Vicarios, ac ipsorum præcepta in conformitatem obseruare debent. Quæ tamē præcepta numquā poterit, nec potuit homo meritorie seruare sine gratia prima, quam nobis Deus elargitur. Vnde, licet Gentiles seruent præcepta Decalogi, quia tamen sunt extra gratiam; nihil merentur. Noli igitur ambigere piissime lector, nec perturberis circa dicta superius in hac materia. Non enim fuerunt exclusa bona opera tamquam inania; sed dictum fuit illa mereri vltimum effectum prædestinationis, scilicet gloriam, & beatitudinem: immo sub hac conditione est nobis promissa; vt si bene vtamur gratia, & perseueremus in finem bene agendo, & omnia propter Deum, vt sint meritoria nostra opera; seruantes præcepta, vt supra dictum est. Hinc in scripturis hic vltimus effectus huiusmodi nominibus vocatur, Corona iustitiæ, Merces, Genes. 12. Esai. 40. & Matth. 5. Dicitur etiam Denarius diurnus, Brauium, Palmā certaminis, & retributio: quæ omnia solent tradi ob bene gesta. Et si copiosius habere illa cupis, non solum quæ de præcepto: sed quæ de consilio sunt, etiam seruare conaberis: præcepta enim seruantur ex debito, Luc. 17. consilia vero ex amore, & amicitia: hoc enim pacto, faciem serenam videbis



bis Domini tui; sicut euenit seruo, qui præter iussu à Domino, alia multa præstare conatur. Solum dictum fuit (quod neque tibi durum videri debet) totalem effectum prædestinationis; vt vocationē, primam gratiam, beatitudinem simul cum cæteris mediis, effectibusque nullam habere causam ex parte nostra; sed ex mera prædestinantis liberalitate largiri. Si mihi fidem adhibere non vis, Paulo præsta Ephes. 1. Qui adoptauit nos in filios per Iesum Christum secundum suum propositum in laudem suæ gratiæ. Et 2. Tim. 1. Qui nos liberauit non secundum opera nostra, sed secundum gratiam. Psal. 17. (si plura testimonia quaeris) Saluum me fecit, quoniam voluit me: & 55. Pro nihilo saluos facies illos. Vltimò, sequentia mortuorum decantat; Rex tremendæ Maiestatis, qui saluando saluas gratis; salua me fons pietatis. Pro clariore huius rei notitia, quoniam communis Theologorū opinio docet, opera nostra facta in gratia esse meritoria vitæ æternæ; quod nec ego inficiatus sum, vt patet; quamuis Durandus à nobis recedat quodammodo; notandum est primò duplex esse meritum; alterum propriè, & perfectè, vt est opus, cui ex ipsius natura, & rigore iustitiæ nulla accedente gratia merces est debita, vt fuerunt opera Christi. Quod enim Christus offerebat, tanti valoris erat, quantum pro illo sibi red-

reddebatur. Alterum est non adeò perfectè; verum supposita gratia, ac Dei ordinatione, inter opera nostra, & beatitudinem promissam reperitur ratio iustitiæ, & æqualitatis. Æqualitas tamē duplex est, vel absoluta, quæ observatur in contractibus emptionis, venditionis, & mutui. Vbi ea desideratur æqualitas, vt quantum quis accepit, tantum reddat; & è conuersò. Secunda est proportionis, in qua non optatur vt aliquis tantumdem reddat, quantum accepit, sed solum quantum potest, vt inter parentes, & filios. Nam quamuis filius numquam possit parentibus æquiualens reddere; tamen dicimus æquum, & iustum esse filium à patre educari, & in hæreditatem succedere. Sic inter nos, & Deum non est optanda prior ratio æqualitatis, sed secunda. Semel enim per gratiã & fidem renati, ac Dei filii effecti ipsius legem observantes, iustum est vt hæredes etiam efficiamur, & nostris operibus tamquam merces reddatur vita æternã. Quod affirmat Apost. Rom. 8. Accepimus spiritum adoptionis, in quo clamamus, Abba pater. Ipse enim spiritus testimonium reddit spiritui nostro; quo sumus filii Dei secundum adoptionem. Si igitur filii sumus Deo obtemperantes, iuste possumus promereri apud ipsum. Secundò notandum est cum D. Thom. Ricc. & aliis 2. sent. dist. 26. opus nostrum variis modis confide-

siderari; primò, vt ortum habet à libero arb. quomodo nullam habet dignitatem, vt illi conferatur vita aeterna. Secundò, vt motum est à Spiritu Sanct. vti aliquam habet dignitatem ad vitā aeternam promerendam. Tertiò quatenus ortum habet à gratia, per quam accepimus esse diuinum, & supernaturale, & adoptamur in filios Dei, & ex consequenti ius habemus in hæreditatem patris. Durandus 2. sent. dist. 26. quaest. 2. contrariam partem defendit; nempe opera facta in gratia de condigno non esse proprie meritoria vitæ aeternæ. Pro qua tria potissimè argumenta proponit. Primum, Vbi æqualitas non est inter merentem, mercedem, quam meretur, & cum, apud quem meretur; non reperitur proprie meritum de condigno: sed inter Deum, vitam aeternam, & nos non potest esse æqualitas iustitiae; ergo, & c. Hoc argumentum non conuincit; quoniam, vt opera nostra de condigno sint vitæ aeternae meritoria, nõ requiritur æqualitas absoluta inter opera nostra, & vitam aeternam: sed sufficit æqualitas, vt inter patrem, & filium, quam ius paternum Arist. vocat; vbi sat est filium ea praestare patri obsequia, quae potest; cum aequiualens reddere nequeat. Secundò dicit, nihil posse nos Deo reddere, quod possit aequari aeternae vitae; ergo. Subiungit tertio, quòd vbi reperitur meritū de condigno proprie,

priè, si ille, apud quem homo meretur, præmium non reddat, iniustus erit. At si Deus opera nostra non præmiaret, non esset iniustus; ergo: Dicitur ad hæc, quòd si nobis Deus beatitudinem non cōcederet in mercedem bonorum operum, sibi ipsi debitor esset. Quamuis enim non possimus operibus nostris Deum debitorem reddere; tamen ipse pollicendo, seipsum debitorem constituit. Sux enim promissioni debitor est, quam irritam non faciet. Fidelis enim est, vt affirmat Apòst. ad Tim. ult. & ideo argumenta non conuincunt. Grauius errarunt in hac materia Lutherani, sed non est hic locus contra eos differendi. Memorare tamen nō deero optimo Christi cultori doctrinam eius Matth. 19. vbi pollicetur Petro, & aliis mandata seruantibus, & vendentibus bona sua, vt largiantur pauperibus; nō solum bona accidentalia emanantia ab essentiali beatitudine; verum etiam ipsam vitam æternam. Et quamuis fatendum sit beatitudinem debitam esse promissione: verum promissa fuit laborantibus, & exercentibus opera liberi arb. cooperante Dei gratia. Ecclesiast. 16. & ad Hebræos 13. Et quamuis etiam per gratiā primam filii, & hæredes Dei efficiamur, & ius ad regnum cœleste acquiramus; nihil tamen prohibet, quin etiam per opera gratiam subsequenter mereamur vitam æternam; tum etiam augmentum  
ip sius

ipſius gratiæ. Vnde dicebat Aug. gratia mere-  
tur augeri, vt aucta mereatur perfici. Ideo Eccle-  
ſia obnixè Deum rogat pro augmento gratiæ, &  
aliarum virtutum; & Apoſt. petierunt à Chriſto  
augmentum fidei dicentes, Domine adauge no-  
bis fidem. Iterũ cum dicit Regius Proph. Coro-  
nat te in miſericordia; non ideo excludit bona  
opera. Quare dicendũ eſt cum Aug. de correct.  
& grat. cap. 3. Miſericordiã nobis largitur Deus,  
cum nos ad bene operandum mouet, tũ etiam  
cum nobiſcũ cooperatur perfeuerantiã tribuens.  
Et poſtremò, cum operibus noſtris tam copioſam  
mercedem retribuet. Vult dicere Aug. in præmio  
iuſtorum concurrere ſimul iuſtitiam cum miſeri-  
cordia. Adeſt iuſtitia, cũ noſtris operibus præ-  
miũ promiſſum præſtat Deus. Miſericordia, cũ  
vltra condignũ præmiet. Rei difficultas prolixũ  
me fecit; ideo ignoſcatur mihi, & vlterius non  
progrediamur.

## ART. SEXTVS.

*An Prædeſtinatio neceſſitatem impo-  
nat prædeſtinatis?*



QVONIAM ſæpe dictum eſt, ſolam  
Dei voluntatem per ſe cauſam eſſe  
ſufficientem, quare totalis prædeſti-  
nationis effectus tradatur alicui.

L Poſſet

Possset iā nō irrationabiliter quis obiicere; quōd, hac manente conclusione, ac illa vulgatissima Pauli, Deus vult omnes homines saluos fieri; omnes homines salutem acquirant; quod nihileminus loco suo confutabitur. Sequeretur etiam vi hominem saluari, ac eius liberratem arbitrii destrui; cum voluntati Diuinæ nemo valeat resistere; scūs enim quicquid Deus veller, agere non posset; quod absurdissimum est asserere. In ambiguo igitur ne quid remaneat, operæpretiū mihi visum est, hunc articulum adiicere, quē Theologorū nonnulli sub illis verbis proponunt, An prædestinatus necessariò saluetur? sub quibus & ipse quoque inferius tractabo; alio tamen habito respectu, atque hoc in loco. Hic enim quatenus talis necessitas actus Diuinæ voluntatis respicit, ibi vt ipsum prædestinatum intuetur: & quæ hic dicuntur, amplius ibi non apponentur. Hoc præcipuū conabor; vt ostendam intæsum, intæctumque remanere liberum hominis arb. vna cum prædestinationis efficacia. Cum autem prædestinatio, vt actus est prædestinantis, duo principaliter importet; præscientiam, & voluntatē efficacem ipsius Dei: priori in loco videbimus, An præscientia Dei necessitatem imponat rebus præcitis? Postea, An voluntas res volitas aliquo pacto necessitet? Denique Sole clarius ostendemus vna cum

præ-



prædestinatione, vel gratia, commodè libertatem arbitrii commorari.

Ad primum; Ignorandum non est, idem esse quærere, An Dei præscientia necessitatem imponat rebus præscitis? & An scientia Dei necessitatem imponat rebus futuris. Præscientia namque, futurorum est scientia; vt in primo art. Sensus ergo est, An res necessario eueniant, ob id, quòd Deus antea sciuerat illas futuras. Sciendum præterea; est, quòd de rebus, quas Deus producit ad extra, dupliciter loqui valemus; vel de illis, quæ immediatè producuntur ab ipso: vel de illis, quæ ab eodem per causas secundas.

His ita expositis, quantū ad hanc partem, duæ ponuntur Conclusiones. Prima est, Scientia Dei non imponit necessitatem rebus, quæ proximè, & immediatè producuntur ab ipso. Nam rerum, quas Deus producit ad extra, non solū eius scientia debet dici causa; cum voluntas etiā maxime concurrat; quodcumque autem Deus extra se ipsum vult, liberè vult; non enim necessario operatur ad extra, sed contingenter, secundum Theologos, & veritatem: ergo tales res non ideo necessario eueniunt, quia Deus illas euenturas præsciuit.

Secunda Concl. Rebus, quæ à Deo procedūt mediis causis secundis, scientia Dei necessitatem



non imponit. Omnis enim effectus à diuersis cau-  
sis procedens; quarum altera est contingens, defi-  
cereq; potens; & effectus contingens erit, atque  
deficere poterit: quare non necessario eueniet,  
vt omnes concedunt, Arist. etiam pluribus in lo-  
cis, præcipuè Phys. 2. At effectus, qui mediis  
secundis causis à Deo procedunt, ita sese ha-  
bent; igitur contingenter eueniunt. Non est  
igitur, vt dicamus scientiam Dei sub ratione,  
qua causa, necessitatem imponere rebus scitis.  
Difficultas est; quoniam Dei scientia duplici-  
ter potest attendi; vel vt causa, ac iam de ip-  
sa loquuti sumus: vel vt cognitio, & quaeri-  
tur modò, An rebus cognitis necessitatem im-  
ponat?

Pro cuius explanatione aduertendum est pri-  
mò, Contingentiam, & necessitatem duobus mo-  
dis accipi. Vno modo, vt differentiae sunt sub-  
stantiales, ac intrinsecè omne ens diuidentes.  
Omne enim ens vel contingens, vel necessa-  
rium est. Altero modo, vt sunt causarum dif-  
ferentiae in suos effectus causando. Sunt enim  
quaedam causae necessario determinatum, ac  
certum effectum causantes; ita, vt in actu posi-  
tae non queant illum non causare. Quaedam ve-  
rò contingenter sunt causantes; ita vt in causan-  
do ad vtramque partem valeant determinari, ita-  
que

que contingentes causæ nominantur. Ex his constat, effectum duobus modis posse dici contingentem; altero, quoad esse suum, quod est corruptibile, ac non esse potens. Altero, in ordine ad causam suam; quia contingenter est causatus. Primo modo; ut veterum Philosophorum omitteremus opiniones; omnia, præter Deum, sunt contingentia; idque, vel ab intrinseco, quia claudunt in se aliquod principium non essendi; ut generabilia, & corruptibilia omnia, quæ corrumpuntur ex materia priuatione affecta, quæ principium est non essendi. Vel sunt contingentia ab extrinseco; ut Cœlestia corpora, & ipsi Angeli. Hæc enim entia, quamuis nihil includant intrinsecè, quo aliquando desinere debeant; cum tamen à se non habeant esse, sed ab alio; ab extrinseco principium habent non essendi. Nisi enim à Deo conservarentur, esse minime possent. Singula igitur, præter Deum, sunt primo modo contingentia. Secundo verò modo multa sunt in rerum natura necessaria; multa quoque contingentia. Illa necessaria, quæ ab aliqua causa necessario producuntur; quomodo motus Cœli necessarius est. Cœlum namque non potest non moveri ab Intelligentia sua. Sed illa contingentia, quæ producuntur à causis contingenter agentibus; idest

ideſt à cauſis, quæ in agendo poſſunt ſeſe ad op-  
poſitum determinare, vel ex libertate ſua, vel pro-  
pter impedimentum aliquod; quia defectibiles  
ſunt; quo pacto me modò ſedere contingens eſt:  
priuſquam enim ſederem, potui non ſedere, ac  
modò non ſedere poſſum. Ex quibus inferitur,  
multa eſſe primo modo contingentia, quæ ſecun-  
do modo neceſſaria ſunt. Nam motus Coeli eſt  
contingens primo modo, qui ſecundo modo ne-  
ceſſarius eſt. Similiter, omnia contingentia ſe-  
cundo modo eſſe etiam contingentia primo mo-  
do. Nam ſi aliquid contingenter cauſatur ab ali-  
quo, ergo potuit non cauſari, ergo potuit non  
eſſe: quod eſt contingens primo modo. Inferitur  
tertiò, omne contingens primo modo eſſe etiam  
contingens ſecundo modo in ordinẽ ad cauſam  
primam. Nam, cum omne tale contingens à ſe  
non habeat eſſe; habebit illud à prima cauſa: quæ,  
vt fides cum veritate docet, nihil ad extra neceſ-  
ſariò producit, ſed omnia liberẽ. Scotus 1. ſent.  
diſt. 8. quæſt. 5. idem ratione probat hoc modo,  
Illud, quod ſummẽ neceſſarium eſt; non poteſt  
non eſſe propter non exiſtentiam cuiuſcumque  
alterius à ſe; Deus eſt huiuſmodi; ergo, & c. pã-  
tet, quia ſi haberet neceſſariã habitudinẽ ad cau-  
ſandũ aliquid, neceſſariò dependeret ad iſtud;  
& ad iſtud non eſſe, ſequeretur Deũ nõ eſſe, quod  
eſt

est impossibile; ergo non habet necessariam habitudinem ad aliquod causandū. Vltcrius, Aliquid contingenter est in entibus; ergo prima causa contingenter causat. Antecedens clarum est; consequentia probatur. Nam secunda causa non agit, nisi virtute primæ. Si ergo prima causat necessario, sequitur quod omnis causa secunda necessario agat, quod falsissimū est apud omnes. Vnde patet quod si aliquid est necessarium secundo modo, illud est necessarium in ordine ad causas secundas; non autem ad primam. Nec est vltimò ignorandum, quod tres sunt causæ, à quibus oritur contingentia. Efficiens, materia, & finis. Liberum arbitrium est causa efficiens contingentia in actionibus humanis. Materia in rebus naturalibus, quia ipsa est indifferens ad recipiendas varias formas; & ex defectu, vel eius superabundantia sunt monstra. Causa verò finalis est Vniuersi perfectio; non enim cognosceretur præstantia rerum necessariarum, & æternarum; nisi cognoscerentur etiam errores contingentium. Hinc apparet etiā sapientia, & providentia Dei erga creaturas; quod non parvam dicit vniuersi perfectionem, cum à tali rectore gubernetur. Hæc omnia ob negotii facilitatem, ac scientiæ plenitudinem adnotaui; solummodò enim questio est, cæteris omissis, An Dei cognitio necessitatem imponat causis,

causis, quæ contingenter agunt; ita, vt. illas ad effectus necessarios cogat producendos? Vbi est vltcrius aduertendum circa verbum illud, necessitatem; quoniam bifariam sumitur necessarium. Est enim absolute necessarium, quod non potest non euenire; est aliud ex suppositione, quod simpliciter potest non euenire: adiuncto tamen, & posito aliquo, non potest non euenire: qua ratione dicebat Arist. 1. de Interpret. cap. vlt. Omne, quod est, quando est, necesse est esse. Vnde Socratem currere liberum est; ac simpliciter contingens; si tamen constituamus illum currere, necessario currit. Nec vltcrius latere nos debet, eandem habere Deum rationem in causando res, ac in modo cognoscendi: nam sicuti ea ratione, qua causa est vniuersalis, nihil subterfugere potest eius potentiam; ita, quatenus cognoscens est: cum res omnes futuras, vti presentes intueatur, ac earum causas perfectissime intelligat vna cum circumstantiis. Hinc fit, vt in iudicando decipi non possit: quamuis res vniuersæ suis in genuinis inclinationibus relictæ sint, & contingenter eueniant; nec ob id, quod à Deo præcognitæ sint, necessario fient. Nam veluti nos rem præsentem liberam, & contingentem cognoscimus infallibili cognitione; Immo dicebat Boet. lib. 3. de consolatione philosophica prosa vlt. Oculis non  
fal-

fallitur si videat hominem currere, & videat Solem oriri, & tamen homo currit contingenter, & Sol oritur necessariò. Ita Diuinus intellectus res futuras, & nobis contingentes infallibiliter præuidit, & ab æterno intellexit; absque eo, quòd illis necessitatem aliquam imponat. Sic enim profectò scit res euenturas, sicuti præcisè euenient; cum quo tamen benè stat, vt scientia Dei non sit contingens, quamuis sciat res contingenter euenturas. Nam non omnis scientia est contingens, quæ scit aliquid contingenter fore. Scientia ergo Dei est necessaria; licet sit de cōtingenti; quia Dei scientia est ipsemet Deus.

Colligitur ex iam dictis indubitabilis Concl. quæ ex obiectorum solutione clarior, ac firmior euadet. Rebus à causa libera procedētibus Deus præscientia sua nullam imponit necessitatem. Nā si Dei præscientia necessitatem inferret huiusmodi rebus euenturis; tunc quicquid Deus præscit, necessariò eueniet: cū omnia autem peccata præsciat, omnia peccata necessariò euenient: sed hoc non potest esse, nisi quia sua præscientia necessitat singulos ad peccandum; ergo Deus necessitaret ad peccandum, cum sua præscientia sit ipsemet Deus: & tunc Deus esset maximus peccatorum; quia nullus esset peccator, nisi per eum in esse peccati constitutus, quæ maxima cum ab-

M

fur-

surditate dicuntur. Quare nec asserendum est, Diuinam præscientiam rebus futuris necessitatē imponere. Præterea, Cognitio Dei de re, nō necessitat illam ad fore; ergo nec præscientia. Patet consequentia, quia præscientia non est, nisi cognitio. Antecedens patet, quia tunc omnia, quæ Deus cognosceret, constitueret in esse; & sic omnia possibilia fierent: quia omnia nouit Deus possibilia: & deuenirēmus ad hoc, quòd Deus esset agens naturale. At manifestum est, solam cognitionem non posse necessitatem inferre rebus; nisi accedente voluntate, quæ de multis, quorum est præscientia, non accedit. Nuda enim cognitio, vel præcognitio rei, non infert ei necessitatē eueniendi.

In contrarium tamen, primum est argumētum. Omne scitum à Deo necessariò eueniet, nullum futurum contingens necessariò eueniet, per te; ergo nullum futurū contingens scitum est à Deo. Min. est clara, mai. prob. Nam si aliquod scitum à Deo potest non euenire; illud autem est possibile, per Arist. quo posito necessariò sequitur effectus: ponatur igitur non euenire; sequitur quòd Deus in intelligendo decipiatur: quod infandum profectò est. Respondetur primò, negando mai. Nam non omne scitum à Deo necessariò euenit; cum ita eueniat vnumquodque, vt Deus illud euen-



euentarum cognouit: at cum intellexerit quādā liberē, & contingenter euentura, & alia necessariō: non sequitur, quōd omnia scita à Deo necessariō fiant. Potest igitur retorqueri illa maior; vt oppositum potius probet. Nam si res euentura est necessariō, ac prāuisa est; prāuisa tamen est, quōd contingenter eueniet; ergo contingenter eueniet necessariō; id est, impossibile est aliter euenire, quā contingenter. Sed intelligendum est in sensu composito, non autem diuiso; id est non de se, sed supposita prāscientiā. Et ideo ad probationem, vbi dicitur; scitum à Deo potest non euenire; ponamus illud euenire, & c. Dico, quōd quauis possibile sit simpliciter non euenire: tamen stante suppositione prāscientiæ Diuinæ, illud non poterit non euenire. Secundō sic arguitur, Omnis conditionalis, cuius antecedens est necessarium, & consequens necessarium erit: sed hæc est vera conditionalis; Si Deus prāsciuit à fore: à, erit. Antecedens est necessarium; ergo & consequens; ergo prāscientia Dei imponit rebus necessitatem. Huic argumento plures sunt modi respondendi, quos omnes ego non referam, cum in superfluo non sit immorandum. Eam tantum responsionem tradam, quæ mihi probabilior videtur, & fortē ad mentem D. Thom. Dico igitur, quōd eodem modo attendenda est necessitas

consequentis huius conditionalis; quomodo cōsideratur necessitas antecedentis. Vnde quòd Deus præsciuerit Antichristum fore, non est necessariū absolutè; quia potuit Deus præscire Antichristum non fore. Est enim scientia Dei causa ipsarum rerum adiancta voluntate, quæ vult libere quæcumque vult; potuit ergo velle Antichristum non fore: quo constituto, Deus non præsciuisset Antichristum fore. Ac proinde consequens, ergo Antichristus erit, non erit simpliciter necessarium, immo simpliciter contingens; necessariū verò supposita diuina præscientia. Nec me fugit D. Thom. differentiam insinuare has inter duas propositiones, Deus sciuit, & Deus scit hoc fore; quantum ad necessitatem: nihilominus, cum magni non referat, de his differere omitto. Vnum non prætermittam ob clariorem huius negotii de terminationem; & habetur ex Magno Syriano, quòd non decet eo modo nos de rebus iudicium facere, quomodo ille sunt à Deo cognitæ. Non enim valet, Deus cognoscit necessariò omnes res, ergo omnes res necessariò sunt: quoniam valeret etiam, Deus cognoscit omnes immaterialiter, ergo omnes res sunt in materiales. Item cognitio Dei non variatur, ergo neque res. Sed constat has omnes illationes esse falsas, sic & illa falsa erit.

Iam

Iam visum est præscientiã Dei nullam imponere necessitatẽ rebus præscitis, neq; per consequens prædestinatis: videamus modo, An Dei voluntas aliquam imponat necessitatem rebus volitis, prædestinatisve? Quod est secundum discutiendum à nobis.

Est prima opinio, quã multi colligunt ex D. Paulo ad Rom. 11. Sine poenitentia enim sunt dona, & vocatio Dei. Iterum, Non repulit Deus plebem suam, quam præsciuit: idest, potest ne Deus reprobare Iudæos, quos semel in mente sua saluandos constituit? Eandem sententiam visus fuit habere Ambros. de voc. gent. Si ergo, inquit, nec possibile ista non fieri; quia nec mutabile cõsiliũ Dei, nec inefficax voluntas, nec falsa promissio. Omnes illi, de quibus hæc dicta sunt, sine cuiusquam exceptione saluabuntur.

Sed hæc deficit in multis, in duobus potissimè; in examinatione Diuinæ voluntatis secundum se; ac etiam quoad nos, quorum vtrumque declaratur. Et quoad primum notari debet, ex omnium Theologorum sententia, præcipuè D. Thom. 1. sent. dist. 39. quæst. 1. art. 1. & dist. 44. q. 1. art. 4. Et Scoti 1. sent. dist. 40. quòd voluntas Dei, si secundum se consideretur, numquàm ita determinata est ad aliquod volendum, vt actus ille in præteritum transeat: sed semper est in egrediendo.

Neque

Neque dicendum est, ita Deum illud voluisse, vt quasi non possit non voluisse; sicut nobis euenit, qui ita volumus aliquid, vt illud non voluisse amplius non valeamus. Immo sicut voluntas nostra priusquā aliquid actu velit, indeterminata est ad illud volendum, & non volendum; ita, inquit, diuina voluntas semper est indeterminata dum actu vult. Ita quod, dum vult aliquid, valet oppositum: & hoc est, quod dicunt, illum actum esse semper quasi in egrediendo. Tunc autem determinata dicitur voluntas Dei, cum res ipsa, quam velle dicitur, actu iam est, atq; determinata; sicut dicitur voluisse creare mundum; quia ipsum iam effectum videmus. Cuius tandem voluntatis hanc designant rationem, quia volitio Dei vnum habet æternitatis instans inuariabile, in quo vult quicquid vult. Quare si in illo instanti actus eius voluntatis in præteritum transiret, indicaret rationē necessarij, quomodo Deus semper voluisset, ac necessario quicquid voluit, & vult, quod absurdum profecto est. Hinc concludit Scotus, idem esse Deum prædestinare, prædestinasse, & prædestinaturum esse: ac vnum, velut aliud esse contingens; quia vnum est nunc æternitatis, mensurans illum actum: quod nunc, siue instans, non est præsens, nec præteritum, nec futurum; his tamen omnibus coexistens. Sic itaque putant sanè rationem reddi,

di, quare Diuina voluntas necessitatem rebus volitis non inducat; quomodoque cum voluntate de salute prædestinati stet eius contingentia, & arbitrii libertas. Inquunt enim, sic Deus Socratem prædestinauit, vt adhuc prædestinet. Quare, cū non transeat in præteritum ille actus, sed adhuc quasi in egrediendo permaneat; nullam illi necessitatem imponit. Errarunt igitur primò, qui superiorem opinionem sustinuerunt, quoniam detrimarunt Diuinam voluntatem ad rem futuram; & actus illius transire in præteritum. Errarunt ergo tales, principium petentes. Cum enim quaeritur, quare Socrates infallibiliter saluabitur, cum sit prædestinatus? Respondent, quoniam voluntas Dei est immutabilis. Supponunt, quòd voluntas Dei fuerit de ipso saluando; tamque reuocare non posse; quod nihilominus probandum est. Videndum est enim, an Deus sic eius voluerit salutem, quasi iste actus in præteritum transierit; cum certò pronuciari hoc nō possit, nisi postquam videmus illum de facto saluatum esse. Nos autem non loquimur de facto de ipso Deo, & de actionibus voluntatis eius, nisi secundum nostrū intelligendi modum; ac multoties literæ sacræ loquuntur, vt illud est; quos præsciuit, & prædestinauit, vocauit, &c. Errarunt secundò, quia non considerarunt, quòd quamuis diuina voluntas in

se sit

se sit. inuariabilis, ad hunc sensum; quòd cum ali  
quid semel voluit, in eo perpetuò manet: tamen  
in ordine ad nos mutationem admittit, prout va-  
riè affecti sumus, vt illud præcipuum est; Pœnitet  
me fecisse hominem. Et pœnitet me, quòd con-  
stituerim eum Regem super Israel. Similiter, &  
memor fuit testamenti sui, & pœnituit eum secun-  
dum multitudinem misericordiæ. Nunc ad rem  
nostram redeundo; quia non satis clarum est ex  
superius ad mentem Scolasticorum, quomodo vo-  
luntas Diuina, & consequenter prædestinatio nō  
imponat necessitatem prædestinatis; alia conabor  
adducere, ne quis dubius remaneat. Primò tamē  
videndū est, quid voluntas Dei sit, & quotuplex;  
vt inde, quod quærimus, aurire valeamus. Ansel-  
de voluntate Dei, ipsam sic diffinit in comuni,  
& ab effectu. Est quicquid sit, vt fieri inuenitur  
in creaturis. Multipliciter postea diuiditur. Vno  
modo sic, vel enim prædestinatos respicit, vel re-  
probatos; vt prædestinatos, sic ab eodem descri-  
bitur. Est quicquid in nobis misericorditer Deus  
operatur, nos ab errore reuocādo, vel piè iustitiæ  
confirmando. Vt autem reprobatos, Est pœna,  
& reprobatio quorundam Dei occulta distri-  
ctioe facta iustitiæ; de qua tamen alibi. Patet iam,  
voluntate, qua Deus prædestinatos respicit, piè,  
misericorditerquē cum illis agere; pietas autem,  
& mi-



& misericordia maximam supponūt charitatem, & dilectionem. Quomodo ergo simul stabunt dilectio, & violentia? Quos enim diligimus, charosq; habemus, nullam illis profectò vim inferimus. Et si quis diceret, fateor quòd illis, quos maximè diligimus, per se, & ex primaria intentione nullam inferimus violentiam; si illos tamen aspiciamus in perditionem profecturos; ne amicta mus, vi etiam aliqua afficimus, vt inter necessarios; praesertim inter parentes, ac filios contingere solet: qui natos suos, zelo deducti, à perdita vita vt reuocent, etiam verberibus plerumquè afficiunt. Haec obiectio construit potius, quàm destruat libertatem arbitrii. Ad quid enim opus essent minae, plagaequè; si filius ad alteram tantum partem determinatus naturaliter esset? Cum tamen ad bonum, simul & ad malum habeat libertatem; profiguae sunt illi minae, verberationesq;. Sic itaq; Deus inspiratione sua tangit cor hominis, & intellectū illuminat, vt à perditione se reuocet, & benè vtatur libertate arbitrii. Hinc per Isai. 1. Quiescite agere peruersè, discite benefacere. Et Psal. 36. Declina à malo, & fac bonum. Ephes. 5. Surge qui dormis, & illuminabit te Christus; & hoc nulli sanè denegat. Parat deinde media proportionata ad salutē, quae omnia dilectionis sunt munera, non autem coactionis. Si tamen aliquā-

N do



do flagella parat, & angustias; vel ad exercitium hoc facit, vt in sanctis euenit; quò magis in altera vita mereantur, & exemplum sumatur à Iob: vel vt mentem nostram excitet; ne gratis ab ipso elargitis abutamur; quæ singula admonitiones, & allectiones potius, quàm violentiæ sunt. Vt clarius hoc nobis appareat, prædestinationis effectus inspiciamus, quorum primus, ex Paulo ad Rom. 8. vocatio est, quæ per Concil. Tridët. Sess. 6. can. 6. & 4. nullam imponit necessitatem prædestinatis; potest enim illi, si vult, homo resistere; aliàs vbi vellet, peccare non posset: quod falsum est; nullam igitur vocatio, neque prædestinatio necessitatem imponit prædestinatis. Hic tamen non omitram, quòd licet prædestinatus possit resistere vocationi, siue inspirationi diuinæ; tamen mens diuina de eo saluando non potest impediri, tum quia Deus omnia suauiter trahit quò vult, nullā inferendo vim; sed alliciendo, & suauiter disponendo. Et hoc modo facit, vt corda hominū efficienter se determinent ad obediendū diuinæ inspirationi; tum etiam quia Deus ab æterno præsciuit, quòd prædestinatus aliquādo dissentiet vocationi, sed tamen reuertetur, & illam accipiet, atque saluabitur. Et vt clarius hæc intelligantur, adnotabo etiam non paruum esse discrimen inter mutari, violentari, & cogi. Illud cogitur, quod opera-

operatur contra suā naturalē affectionē; vt si graue sursum aſcēdat, & leue. deferatur. Illud violentatur, quod ab extrinſeco agente patitur, ipsumque paſſum actione illius agentis remittitur. Illud tandem mutari dicitur, quod ſubiectum eſt temporis ſucceſſioni diuerſarum operationum; vt cum ex nolente ſit volens, & e conuerſo. Dico modo, quod licet Deus inspiratione ſua ſancta ſuauiſſime immutet prædeſtinati voluntatem, & hoc ſua bonitate, ac miſeratione; numquam tamen cogit, ſeu vim aliquam illi infert. Eſt præterea gratia, prædeſtinationis maximus effectus: eam volens homo, & faciens quod in ſe eſt accipit, quod autem nolens accipiat, nec amens diceret, vt ait Anſel. in lib. de concor. Voluntariē poſtea recepta quantum faueat libero arb. habetur ex ſcriptura, quæ comparat eam aliquando baculo, quo vritur languidus in itinere. Genef. 23 In baculo meo tranſiui Iordanem iſtum. Aliquando armaturis, quibus defendimur. Ephel. 6. Induite vos armatura Dei Dionyſ. in lib. de Diuin. nomin. aſſimilat gratiā catenæ aureæ, qua poſmetipſos ad Deū trahimus. Aſſimilat poſtea funi nautico lapidi in liſtore alligato, cui nos inniſcentes toto corporis nixu ſimul cum naue ad liſtus trahimus. Valet etiam aſſimilari porrecto illi funiculo in puteū elapſo, quem ſi volens arripiat, liberari poteſt.

Quis est iam non concedens praedestinationem arb. lib. maxime opitulari? Immo ex Paulo Philip. 8. nedum tradit posse velle, ac facere, sed etiam velle, ipsumque bene operari, contra Pelag. Hinc idem Apost. Deus est, qui operatur velle, & operari pro bona voluntate. Idem in Conc. Milevit. fuit comprobatum. Potest igitur affirmari singula bona opera esse in nobis dona Dei per gratiam operantis, non in nobis otiosis, sed operantibus ex adiutorio ipsius facientis nos facere, ac operari libera, & spontanea voluntate nostra. Et ideo August. in lib. sent. Prosp. Nemo inuitus benefacit. Et quamuis nequeat homo sine aliqua gratia, in Deum de se credere, ac praedicato Evangelio (contra Vitalem Chartaginensem) illa tamen gratia liberum arb. ad credendum non cogit. Inde Christus ad Iudaeos Ioan. 6. Hoc est opus Dei, ut credatis in eum, quem misit ille. Vnde constat, credere opus esse Dei simul, atque nostrum, qui illud operamur. Per gratiam igitur loco, & tempore Deus vocat, pulsatur, & adiuuat incredulos, ut libera voluntate credant. Insuper, ubi ad aliquem effectum concurrunt causa remota, quamuis principalis: & proxima, tunc effectus a proxima denominatur. Praedestinationis autem proxima est lib. arb. contingens profecto; remota (et si principalis)

palis) propositum Diuinum, igitur praedestinatio contingens est.

Ad Pauli dictum in principio pro ratione dubitandi, & si multas patitur expositiones, vt in sequenti; tamen hic dicam, cum Ansel. de voluntate sensum illius esse, quod Deus neminem damnari cogit. Cum postea dicitur, Voluntati Diuinae nemo resistere valet. Dicitur duplicem esse voluntatem; absolutam, vel agentem, quae cum scientia conuertitur, & huic resisti nequit, vt Psalm. 113. Omnia, quaecumque voluit, fecit. Vel approbantem, & conditionatam, quae sub conditione vult. Vnde omnes homines vult saluos fieri; dummodo ipsi velint, & bene faciant. Si reluctari velint; vtique valent, vt dictum est. Iterum si quis per Ioan. opponeret, Qui ex Deo natus est, idest praedestinatus; peccatum non facit, immo peccare non potest, vt ipse subdit; ergo praedestinatio tollit lib. arb. Dicitur hunc esse sensum, Non potest esse, vt qui secundum aeternam Dei praedestinationem electus est, in mortali peccato moriatur; propter Dei immutabilitatem. Ita dixit, vt subiecti cum praedicatione ostenderet impossibilitatem. Similiter, vbi dicimus, dormiens ambulare non potest; cum fieri nequeat, dormiens vt ambulet. Insuper, praedest. & reprob. passiones sunt inseparabiles, praedestinatus igitur necessario saluabitur. Antecedens

tecedens non tenet, cum prædestinatio, vnde quis prædestinatus nuncupatur; vt actus est in mente Dei, vtque est executio actiua; est forma, non in prædestinato, sed in prædestinante; vt res scita à scientia in sciente dicitur. Est vtique in prædestinato executiue, passiueque; vt vocationem sonat, iustificationem, & glorificationem. Nullam ergo necessitatem imponit. Sed vltcrius, prædest. est æterna; conceditur: est immutabilis, & necessaria; omnia conceduntur: inde tamen nō sequitur, hominem coactè saluari; voluit enim Deus ab æterno prædestinatum contingenter saluari: vnde sumendam arbitror rationem, cur mutatio omnis, & possibilitas, quæ in prædestinatione est; se teneat ex parte prædestinati, non prædestinantis. Tandem est arg. ex Glos. sup. 9. ad Rom. Habetur ibi, quod aliqui sunt, quibus quasi coactis, vt Paulo, Deus infert gratiam suam. Pro cuius solutione dicendum est cum philos. 3. Ethic. c. 1. quædam esse simpliciter voluntaria, quædam inuoluntaria, quædam mixta, vt prolicere merces in mare, ne contingat naufragium. Est enim voluntarium hoc, quatenus nautæ, vt saluentur, vtrò merces proiciunt: est præterea inuoluntarium quodammodo, quatenus eis displicet proprias amittere res. Est tamen hæc actio mixta est, voluntaria potius, quàm inuoluntaria

taria est dicenda; cum de voluntario plus habeat, quàm de inuoluntario, vt ibidem. Quamuis igitur in Pau. conuersione coactioni quid simile fuerit, quia timore ductus credidit; nulla tamen fuit ibi coactio; cum caetera quis possit nolens: at fideliter credere, non nisi maxime volens. Quid enim est credere, nisi cum voluntate assentire? Firmiter ergo per haec, & alia, quae dici possent; tenendum est, praedestinationem nullam inferre vim praedestinati.

## ART. SEPTIMVS.

*An soli homines; & an omnes praedestinati sint.*



**A**CTENVS de Agente, ipsumque concernentibus; iam de materia; cum agens in actu, circa aliquod agat. Et primò, an soli homines. Postea, an omnes, aliquiue sint praedestinati. Ad 1. simpliciter dicit Mag. praedest. esse de hominibus saluandis. Cuius dictum simpliciter sumptum stare non potest, videtur enim à praedestinationis effectibus, vt à gratia, & gloria Angelos excludere. Bonau. pro Mag. distinguit praedest. altero modo pro boni praeparatione;



vti hominibus, Angelis, & Christo conuenit. Altero, vt etiam liberationem à malo includit, quatenus dicitur miserendi propositum, & sic hominibus solum. Altius D. Thom. vbi dicit cum Arist. 5. Physic. c. 48. & t. c. 4. & de anim. 2. t. c. 49. motum sumere speciem à termino ad quem. Nec refert, dicit ipse, qui dealbatur, an fuerit niger, vel rubeus. Quare nec refert, an prædestinatus, miser, felixve fuerit. Cum igitur Angeli quoque ultra naturæ suæ metam transmittantur per Dei gratiā, qua beatificantur; etsi numquam fuerunt miseri, vt ob delictum nos sumus: rectè prædestinati dicuntur. Subscribitur ei Scot. 1. s. d. 40. q. vnic. vbi prædestinationem dicit esse electionis ordinem intellectus creaturæ per Diuinam voluntatem. Et clarius Guiller. Vorril. 1. sent. d. 41. q. vnic. art. 1. quod de mente Scoti proficitur. His potest etiam satisfieri petentibus, an prædest. peccatum supponat? Si namque ad gratiam & gloriam cum ordinatione, dicit quoque liberationē à culpa; vtique supponit; quomodo Angel. Christi, ac nostra prædest. non vniuocantur. Si autem cum D. Thom. sumatur, minimè supponit: in quo nostra, Angel. & Christi prædest. satis conueniunt, in multis præterea differentes, vt videre est 3. sent. Solum de hominibus erit sermo, de quibus iam quæritur, an cuncti sint prædestinati? Pro quo ponitur



nitur concl. vbi numquam simpliciter dubitatum fuit. Non omnes homines prædestinati sunt, adeo vt ad Dei fruitionem pertingant. Scripturæ testimoniis fit clarius. Matth. 7. Quàm angusta porta, & arcta via est, quæ ducit ad vitam. & sup. Lata porta est, & spatiosa via, quæ ducit ad perditionem; & multi sunt, qui intrant per eam. Et 25. Ibunt iusti in vitam æternam, mali verò in ignem æternum. Idem sub enigmate explicauit Sapiens, vbi dixit, stultorum infinitus est numerus. Nec Gentiles ignorarunt. Pauci sunt, quos æquus amant Iuppiter, aut ardens perduxit ad ætera virtus. Exemplum est Israelitic. Populus, cum ex tot milibus hominum ab Aegypto migrantium duo solum promissionis terram ingredi meruerint Iosue, & Caleb. cæteris in deserto extinctis. Nec ratio deest; prædestinatio namque est æternæ vitæ, seu Regni cælorum promissio, non absolutè, cæterum quibusdam cum cōditionibus. Matth. 19. si vis ad vitam ingredi, serua mandata. Pauci deinde sunt conditionem explere volentes. Ideo Aug. creauit Deus hominem, & prædestinauit; vt si obediens esset, vita permaneret: si autem inobediens, sententiam subiret. Non est ergo mirum, si non omnes saluantur; cum conditiones præscriptas explere nolint: illam præcipuè, Qui perseuerauerit vsque in finem, hic saluus erit; quod

eo quis præstat, cum in Dei obsequio persistit.

Si opponatur, Deus vult omnes homines saluos fieri, omnes ergo saluantur, & ideo prædestinati, cum prædest. sit Dei propositum de homine saluando. Pro solutione notandæ sunt expositiones illius propositionis. Apost. Greg. vt ex Ansel. de volunt. sic exponit. Deus vult omnes homines saluos fieri, idest, nulli saluatur, nisi quos ipse vult saluari. Vel de omni genere hominum aliqui saluantur. Vel omnes alicuius certæ multitudinis, vt Beneuent. c. 7. §. 1. Aug. Enchir. 103. priori concordare videtur, motus similibus scripturæ locis. Ioan. 1. Deus illuminat omnem hominem venientem in hunc mundum: idest, quotquot illuminabuntur, per Christ. illuminabuntur. Bonau. dicit hanc Dei voluntatem sufficientem ad salutem non esse ob hominis factum, ponentis obicem in medio. Potest enim si vult, liberum habens arb. Colligit ab eius dictis præcipue Beneuent. vbi sup. duplicem esse Dei voluntatem, imperatiuam, & optatiuam. Dicit deinde voluntatem, qua vult Deus omnes homines saluos fieri, optatiuam esse, quæ necessitatem non imponit: sed sub hypothesi in vtilitatem hominis ipsum saluari cupit. Idem habetur ex Ambros. sup. 1. Tim. 2. Ansel. vbi sup. inter alias acceptiones voluntatis Diuinæ vult vno modo illam sumi iuxta quendam effectum  
mife-

miseri cordiae Dei. Quare dicit, Vult Deus omnes saluos fieri: id est, facit Sanctos velle, vt omnes salui fiant, ac orent pro illorum salute. Ob id in Ecclesia pro Schismaticis, Hæreticis, Iudæis, atque Gentilibus celebrantur orationes. Communis est postremo Theologorum dist. in voluntatē signi, & beneplaciti. Illa beneplaciti est efficax, & absoluta, & nullus est, qui ei resistere valeat: sed illa signi est, qua Deus id nobis indicat, quod ipse vult; & si secundum eam non omnia fiunt. Quædam per hoc soluuntur auctoritates in scripturis, quæ inuicē præliari videntur. Dixit enim Proph. Omnia, quæcumque voluit, fecit in cælo, & in terra. Legitur tamen Matth. 23. Quoties volui congregare vos, sicut gallina congregat pullos suos sub alas, & nolulistis. Diuidunt etiam voluntatem in antecedentem, & consequentem. Antecedens naturam, consequens personas respicit. Item antecedens, media ad beatitudinem conductia: consequens, media perducentia, & efficacissima, quibus adiutus homo dubio procul beatitudinem assequitur. Vltèrius velle antecedente voluntate non est simpliciter velle; sed vtique cōsequente. Ideo antecedente vult omnes homines saluari, cum omnes rationalis naturæ creauerit, ac beatitudinis capaces; singulis tribuens libertatem arb. legemque naturæ. Qua si bene

vrerentur, gratia Spir. Sanct. non deesset; quia  
facientibus quod in se est, Deus non deest. Cum  
non omnes tamen arb. libertate bene vtantur, le-  
gemque naturæ minimè seruent; ideo nō omnes  
salui sunt. At illi cuncti saluantur, quibus nedum  
liberum arb. ac legem naturæ largitus est Deus;  
verum fidem, gratiam, virtutes, & donum perseue-  
rantia cæteris cum mediis ad beatitudinem effica-  
cissimis. Quæ omnia in vniuersum cum Deus  
omnibus non cōcesserit, factum est, vt consequē-  
ti voluntate noluerit, nolitque omnes fieri saluos,  
sed antecedenti solummodò. Nec deducatur,  
ideo personarum acceptatorem esse, cum nulla  
sit hic personæ super personā iniusta prælatio ob  
causam indebitam; vti fieri solet cum boni dimit-  
tuntur, mali verò diuitiis, alioue fauore dignita-  
tem consequuntur. Nemini Deus quicquàm de-  
bet; omnes immo debitores ipsi sumus; nullam  
ergo causam indebitam potest in nos habere. Ita-  
que si vni dat, alteri non; personarum acceptator  
minimè est. Secundò, principaliter opponi pos-  
set, Christus pro omnibus mortuus est, vt patet:  
omnes igitur saluantur; secus, deceptorium esset  
assumptū. Dicitur, quòd si virtus passionis Chri-  
sti quantum ad sufficientiam spectetur, pro singu-  
lis passus est. At si secundum efficaciam, absque  
inconuenienti falsum est assumptum. Solū enim  
illis

illis efficaciter Christi passio prodest, qui per fidē,  
& charitatem illius membra sunt. Tertiò sic,  
Ezech. 18. Nolo mortem peccatoris, sed magis,  
vt conuertatur, & viuatur; vbi per mortem æterna  
intelligitur damnatio, ideo nemo damnatur. Di-  
citur sermonem ibi non esse de voluntate bene-  
placiti, aut prædestinationis, reprobationisve; cū  
omnes ita conuerterentur: at de alia voluntate  
non cogente, nec arb. libertati repugnante. Vel,  
dictum illud non est vniuersale; quare sic exponē-  
dum; Nolo mortem peccatoris; idest, aliquorū  
peccatorum. Sumitur vltima obiectio ex 6. Sap.  
Aequaliter Deo cura est de omnibus, omnes igi-  
tur saluantur. Clara est consequentia. Ideo respō-  
detur, auctoritatem illam non intelligi de bono-  
rum æqualitate, quæ respectu prædestinationis di-  
spensantur; sed de illa, quæ in personarum acce-  
ptione intercedit. Nam prope Deum nulla est  
personarum acceptatio; vt communiter cum ve-  
ritate substat. Ea enim iustitiæ distributiue  
ex Aug. opponitur, vt in proposito cōtingere ne-  
quit. Vel dicitur, ly, æqualiter, tenere se ex parte  
Dei; vt sensus sit, æquali sapientia, æquali bonita-  
te, ac æquali cura omnia Deum gubernare. Si-  
militer ad Aug. super Psal. 45. dicentem, omnibus  
Deum æqualiter consulere. Vel dicatur ipsum nō  
loqui de omnibus absolute; at omnibus de illis,  
qui

qui in Dei Ciuitate habitant.

Si quis vulgariter peteret, cur creet Deus, quos nouit non esse saluandos? Dicerem, incipientis esse causam quærere, vbi non adest; vt si quæreret, quare Deus est Deus, & cur homo animal est rationale. Ideo Aug. Diuinæ volunt. non inuenitur causa. Immo ad ipsam fit status in contingentiis. Potest nihilominus quibusdam ex coniecturis probabiliter dici, quatuor ob causas id fieri. Primò, vt eius ostendatur Iustitia. Nam si solos crearet saluandos, sola vigeret misericordia. Secundò, propter bonum vniuersale. Vt enim vniuersale saluetur, oportet interdum particulare perire, vt in Repub. patet. Tertiò, ratione ordinis successiui; quoniam ex malis aliquando boni oriuntur, vt de multis Sanct. clarum est, qui ex pessimis orti sunt parentibus. Quartò, in bonorum coronationem: vnde per prauos, & iniquos fuerunt Martyres coronati. Posset quintò dici, ob id fieri, ne putet homo virtute sua se sal-

uum fieri. Si certò enim sciret, non nisi saluandos nasci; iure sibi diceret competere salutem, ac nullo fortè Deo gratias ageret.



*An certus, prædefinitusue sit prædestinatorum  
numerus; ita ut nequeat augeri?*



ONSTRATVM fuit, nō omnes homines prædestinatos esse: consequenter videndum est, an prædefinitus eorum sit numerus, & an aliquo pacto valeat augeri? Ad primum, quidam fuerunt Theologi asserentes prædestinatorum numerum ita Diuino intellectui certum, & cognitum esse, ut intelligat Deus. ceterum, milleue saluos fore: qui tamen illi erunt, compertum ipsi non esse. Quorum aduersus falsam opinionem sic oppono. Deus cognitione distincta omnia cognoscit singularia, vniuersaque futura contingentia: hunc autem, vel illum: seu Petrum, aut Ioan. saluari, singulare quoddā est (quantumuis contingens) ergo distinctē illud cognoscit, ac intelligit Deus. Non ergo in genere solum, numerum saluandorum intelligit; verum qui illi erunt, quibus operibus, actionibus, fauoribus, & auxiliis beatitudinem assequentur. Ideo dicitur, prædestinatorum numerum ipsi Deo certum esse: id est, certō cognitū, ac definitum. Hoc dictū est, ab æterno Deum.

nume.



numerum illum intellexisse toti Vniuerso expedire, ac necessarium esse. Vbi notandū, agens quodlibet intendere finitam rem in actu; ideo domifactor, cum domum condere decreuerit, eam finitam esse statuit, ac certa quantitate comprehensam; tanta nempe longitudine, latitudine, & profunditate. Decreuit etiam mansionum numerū in domo certum, ac definitum; ita vt tot, & non plures sint mansiones. Nam cum hæ præcipuæ sint domus partes, ipsarum numerus prædefinitus esse debet. Illarum tamen, quæ præcipuæ non sunt, nusquam constituit numerum; sed eas utiq; sub certo quoque contineri supponit. Non secus omnipotens Deus, qui, vt in Nice. Concil. Symbolo præcipuè fatemur, factor est cœli, & terræ: visibilibus, & inuisibilibus, ac omnium deniq; aliorum à se; quamuis arenarum maris, & omnium aliarum rerum certam habeat cognitionem; secus tamen se habuit in numero partium vniuersi, quæ præcipuæ sunt. Nouit enim stellarum numerum, planetarum, orbium cœlestium, & elementorum: ideo certum, ac definitum esse constituit; sub quo Vniuersi perfectio contenta est. Singulas deinde inter creaturas præcipuæ mundi partes rationales sunt; inter quas electi, & prædestinati. Electorum ergo numerus notus est ipsi Deo ac prædefinitus. Tot enim expedit esse electos, nec plures,

res, nec pauciores. Maximum est huius arg. quod legitur Ezechiel. c. 16. Et mensus est Deus longitudinem ædificii ex vtraque parte centum cubitorum, & c. Quatuor colliguntur ad hoc conclusiones ex D. Thom. 1. q. 23. art. 7. Prima, prædestinatorum numerus non solum formaliter certus est, verum & materialiter quoad personas. Nedum enim Deus quot sunt saluandi nouit, sed qui illi etiam; quod nostræ consentit positioni. Subdit ibi Caiet. quòd si prædestinatorum numerus, etiã materialiter, certus Deo non esset; prædestinatio non esset infallibilis ordinatio in æternam beatitudinem: simulq; staret, Petrum esse prædestinatum, & non saluari. Secunda, numerus prædestinatorum, nedum ratione cognitionis, sed quadam etiam speciali ratione certus, idest electus, & prædestinatus est, prædefinitus, & per se intentus. Iisdem, quibus & mea superior, firmatur. Tertia, quamuis reprobatorum numerus certus sit ratione cognitionis: vel subiecti, vt Caiet. tamen certus non est ratione electionis, diffinitionisve: aut quatenus reprobati sunt. Cuius est ratio, quia reprobatum non sunt propter se, sed propter alios, quibus per Apost. omnia cooperantur in bonum. Quarta, solus Deus prædestinatorum numerum formaliter, materialiterq; nouit. Docet Eccle. ea in orat. Deus, cui soli notus est numerus electorum.

in superna felicitate locandus, & c. & idco verior censenda est opinio. Non defuerunt enim, qui de numero saluandorū determinatē loquuti sint; vnde posset etiam inferri, nobis quoque talem numerum aliquo modo innotescere. Greg. quod tot saluabuntur asseruit, quot angeli remanserunt. Alii, tot, quot angeli ceciderunt. Alii, quot angeli ceciderunt; & insuper, quot creati fuerunt. Quas opiniones non redarguo, cum Illustrium sint virorum.

Ad secundū principale ponitur. negatiua cōcl. ex superioribus deducta. Si certus enim, ac prædeterminatus est numerus prædestinatorum formaliter, & materialiter; remanet, vt augeri non possit. Est etiam Aug. de correp. & grat. 6. Certus est numerus electorū, inquit, vt non addatur eis quisquā. Et ratione patet; nam si electorum numerus augeri posset, ponatur hoc per vnitatē, à, Tunc sic: à, nunc est de numero electorum, & antea non; ergo incepit esse de numero prædestinatorū; quod fieri nequit, cum prædestinatio sit æterna gratiæ præparatio; vnde nemo est, qui prædestinatus esse incipere valeat. Vbi noto, idem non esse prædestinatorum numerum augeri, & reprobatorum saluari posse: cum hoc, in sensu diuiso, non repugnet, illud verò maximè. At in contrarium quæ valent asferri, diluantur.

Ante

Ante omnia est, quod legitur Deuteron. 1. Dominus Deus patrum vestrorum addat ad hunc numerum multa millia, & benedicat vobis. Colligitur ergo benedictorum numerum augeri posse: Dicitur, illud intelligendum esse de prædestinatis secundum præsentem Dei iustitiam, quorū in dies augetur numerus, atque minuitur: non autē de his, qui sunt ab æterno prædestinati, quorū certus est numerus, & à Deo prædefinitus. Etsi enim multis reprobis gratia datur, ob idquē temporalis iustificationis ad beneficium præparati dicuntur; quia tamen ad maximum beneficium non sunt ordinati, gratiam tandem non suscipient; vnde est, vt reprobis, propriē prædestinatus nunquā efficiatur. Est clarum in glos. ad illud, cuius vult miseretur, Rom. 9. Secundò, est propositio: Aug. vel illi falsò potius imposita; Si non es prædestinatus, fac vt prædestineris: vnde oriretur etiam, numerum prædest. augeri posse. Confutanda ergo, vel exponenda est. Nusquam penes eum id me legisse recordor; & à doctissimis olim accepi, ex vulgari potius opinione, quā ex Aug. fonte autum esse. At, esto quòd eius sit, exponendū sic puto. Primò, excessiue ibi verba fecisse ad excitandos hominum animos, cum in charitatis torpore extinctos vidisset. Similiter vbi dixit in lib. de fid. ad Petr. pueros sine baptismo decedentes

sensus etiam poena in inferno cruciari, in Pelagianos effectum baptismi, ac mundationem parui-facientes. Sic illum locum exponunt, præter Greg. de Arim. 2. sent. d. 31. q. 3. in quo ipsi non assentior, cum in Enchir. 93. & 1. lib. de baptis. parū. 76. dicat Aug. paruulorum poenam esse mitissimam; quod verificari nequit de infernali, quæ, quantumuis extenuata, grauissima est. Si conuincerer, eam esse Aug. sententiã, quam putat Greg. non reciperem; sed potius determinationem Innoc. 3. amplecterer, extr. de bap. & eius effec. c. maiores causas. Secundò, sic valet exponi Aug. vt non de totali effectu loquatur; sed de primis solum, vt sensus sit; Si prædestinatus non es. i. si gratia carēs; & in peccato iam dormis; rescipiscere, audi uocationem tuam, suscipe auxilium, quod porrigit tibi Deus; & eo medio dispone te libenter, & iustificaberis. Opponitur tertio, ex communi Theologorum sententia, prædestinationem precibus sanctorū maximè adiuuari; ergo potest prædestinatorum numerus augeri. Ob id Astrologorū nonnulli, aduertentes vltèrius immobilitatem diuini consilii, dixerunt vanas esse Sanctorum orationes, ac illis nullo pacto prædestinationē iuari. Contra quos est primò quicquid scripsit Arist. 1. de Interpret. c. vlt. 3. Ethic. vbi probat multa esse in nostra facultate. 2. Phys. vbi de casu, & fort.

&amp; in

& in fin. 6. metaph. Secundò est, quia inspicitur. Scriptura variis referta admonitionibus ad preces, quae superuacaneae nō sunt. Extat exemplū Genes. 25: Isaac enim rogauit pro Rebecca vxore, & Deus dedit ei conceptum. Legatur deinde Aug. dicens, Nullum, nisi orantem credimus salutem promereri. Dixitque Iacob Apost: Orate pro inuicem, vt saluemini. Et Christ. Matth. 26. Vigilate, & orate.

Non defuerunt grauius errantes, eam vim asserentes habere Sanctorum preces, vt Dei voluntatem flectere valeant, ac praedestinatum ex non praedestino efficere; Nec paruum est testimonium, quòd Ezechiae suas propter orationes 15. anni praeter vitae tempus constitutum fuerunt adiecti. In contrariū est, quod habetur Reg. 15. Porro triumphator Israel non parcat, nec poenitudine flectetur; neque enim homo est, qui poenitentiam faciat. Malach. 3. Ego Deus, & non mutor. Iac. 2. apud quem non est transmutatio. & Rom. 11. sine poenitentia sunt dona Dei.

Ad id, quod dicunt de Ezech. respondetur, illū oratione sua diuinam voluntatem non immutasse: verū, quod Deus in illo orante voluit ab aeterno, id fuit adimpletum; vt ipse scilicet oraret, pro quo tempus adderetur. Orandum est ergo, non ad immutandam Dei voluntatem, cum mutabilis  
non

non sit; sed nos ut potius, eius aeterna voluntate donante, in dies in melius mutemur. Et quæ sunt scripturæ, Sanctorumve auctoritates, ut superius allatæ; sic exponendæ sunt, quod fideles hortentur, ut orent; non ad voluntatem Dei immutandam, quia maxima esset infidelitas: sed ut effectus aliquis nobis salutaris secundum diuinam prædestinationem adimpleatur, quem, non nisi orantibus Deus donare decreuit. Ob firmiorem negotii solutionem sit prima concl. Impossibile est Sanct. precibus ex non prædestinato aliquem fieri prædestinatum. De oppositum; vel esset in vno, atq; eodem tempore; vel diuersis in temporibus. Si in eodem; aperta est contradictio: puta aliquem prædestinatum, dilectumque esse, & odio quoque habitum. Quæ impossibilis est respectu Dei, cui omnia sunt aperta: respectu autem nostri, supposita alicuius facti ignorantia, non implicat. Possum enim ego odisse interfectorem patris mei, & Petrum diligere, nesciens illum esse talem interfectorem. At si diuersis in temporibus, sequitur Deum mutabilem esse, quod fidei catholice repugnat.

Secunda concl. Impos. est totum prædest. effectum iuari precibus Sanct. quoniam: huiusmodi preces hominem quodammodo iuant ad beatitudinem consequendam; ergo sunt prædestinationis



tionis effectus; cum talia media inter prædeterminationis effectus omnia connumerentur. Quod si effectus, rationem causæ habere nequeunt; accedit, quod adiuuans, & consulens veræ causæ non dicuntur.

Tertia concl. Prædestinatio quoad aliquem effectum iuuari potest Sanct. ac nostris etiam precibus. Id enim, quo aliquid eo accedente suum sortitur effectum, eo ipso verè dicitur adiuuari; quod autem prædestinati gratiam, & gloriam assequantur; quodve ad Deum conuertantur Sanct. precibus sæpenumero fit, vt est Aug. in serm. D. Stephani. Nisi Stephanus orasset, Ecclesia, inquit, Paulum non habuisset. Sanct. ergo preces prædest. iuant ad aliquem consequendum effectum; puta conuersionis initium, vt in Paulo. Conf. prædest. pars est prouidentia, Deus prouidentia sua singula gubernat, & per secundas causas ministrat; ergo æterna quoque prædest. cuius beatitudo est vltimus effectus, hunc ordinem statuit, vt eam homines propriis meritis, vel aliorum precibus consequantur. Ostendit Petrus, satagite, inquit, fratres, vt per bona opera certā faciatis vestram vocationem, & electionem. Sicuti enim ab æterno Deus statuit conferre beatitudinē creaturæ; ita ea media prædestinauit, quibus ipsam consequutura foret. Et hoc sub sensu intelligenda est propo. quòd prædest.

praedest. iuuari valeat precibus Sancti. Et ex his aliisque iam dictis, soluit? arg. tactum art. 2. Non defuerunt asserentes; vt Orig. Faustus Gall. Episc. in lib. de arb. con. Ioan. Euci. Amade. in suis reuelat. Sebast. Castilio. suis in adnotat. & Ambrosi Cathar. quod omnes homines, quantum est. ex parte Diuinæ volunt. ad salutem sunt destinati; at quod non omnes acquirant, ex ipsorum fit negligentia. Asserunt etiam aliquos infallibiliter electos, at alios libertati suæ relictos esse. Quorum si staret opinio, dubium non esset, quod praedestinatorum numerus augeri posset. Sed quoniam in sequenti confutabitur; sicut prius tenendum est.

## A R T. NONVS.

### *An Praedestinatorum certa sit salus?*



AM. praedestinatorum numerum incrementum non suscipere; fuit elucudatum; quod idem sonat, ac si dictum fuisset, reprobatum in composito sensu saluari non posse. Discutiendum remanet, an decrementum patiatur; id est, an praedestinator, vt talis; & vt alii dicunt, in compositionis sensu valeat damnari. Ibidem vtrumque congerere

gerere libuit, ne entia non necessariò multiplicarem. Propositi autem art. sensus non est, an prædestinatus cognitam, & exploratam de sua salute certitudinem habeat; de qua infra: Sed, supposito, Petrum prædestinatum esse; an firma adeo, ac stabilis eius prædestinatio sit, vt nullo pacto valeat damnari? Et cum eo redit, an prædestinatus necessariò saluetur? Et si de propinqua huius certitudinis causa, vbi de præscientia, & voluntate Dei art. 6. egimus, dicta sunt multa; reliqua sunt absol- uenda, & primò Chatar. ac suorum examinanda opinio. Duo igitur asserebant, quæ necessariò se consequuntur: alterum; non omnes, qui saluantur, prædestinatos esse; solum eos per prædestina- tos intelligentes, qui ad salutem infallibiliter sunt vocati. Alterum; inter hæredes æternæ salutis gradus esse constitutos, ita vt præ cæteris aliqui eligantur. Primum sic suadent: Eccle. 31. Bea- tus diues, qui inuentus est sine macula, & qui post aurum non abiit, nec sperauit in pecunia, & the- sauris; qui potuit transgredi, & non est transgres- sus; & facere mala, & non fecit; ideo stabilita sunt bona illius in Domino. Beatificatur ergo ille, qui transgredi potuit, nec est transgressus: ergo non ita erat ad vitam ordinatus, vt illam esset omnino adepturus; sed poterat adipisci, atque nō adipisci; cum peccare, ac illam amittere posset. Secundò,

Q

Apo

Apocal. 3. dictum fuit Episc. Philadelphiae, tene quod habes, ut nemo accipiat coronam tuam. Hæc verba, dicunt ipsi, illi non conueniunt, cuius certa sit salus; nec illi, cuius desperata: vel, ut communiter, neque prædestinato; neque reprobato; ergo quoddam genus est medium inter eos, quod acquirere, amittereue possit beatitudinem. Quod prædestinato non conueniant, inde clarum est, quod prædest. coronam suam amittere nequit. Neque reprobato, cui ludibrio dictum esset, tene quod habes; cum nihil sanè habeat; sique aliquid haberet, tandem tenere non posset. Secus enim saluaretur qui non est prædestinatus. Tertiò Job 34. conteret multos, innumerabiles, & stare faciet alios pro eis: quod Greg. sic exponit, ut vitæ locum aliis cadentibus alijs fortiantur. Idem in Iudæis, atque Gentilibus demonstrat Paul. Rom. 11. ideo fractam, inquiens, oliuam, ut oleaster infereretur. Nec obscurum est, subrogatos non esse reprobos; aliter numquàm saluarentur: neque prædestinatos; cum non infallibiliter, sed occasionaliter saluentur; idest per cadentium ruinam, non necessariam ex parte saltem prædestinantis, qui neminem ad peccandum impellit. Quartò, Exod. 32. & Apoc. 3. qui peccauit, delebo eum de libro meo, vel vitæ: aliqui ergo sunt, qui deleri possunt: non reprobi, de quibus id frustra

stra diceretur, vbi nūquam in libro vitæ fuerint: neque prædestinati, infallibiliter ibi adscripti; quidam ergo medio se modo habentes, qui sub cōditione, & deleri, conscribique valent.

Alterum ita probant, Rom. 8. Diligentibus Deum omnia cooperantur in bonum. Quæ verba, inquit, omnibus, qui saluantur, non conueniunt. Multi namque Deum diligunt; negliger tamen; quibus ob id non omnia cooperantur in bonum. Illis ergo conueniunt, qui de salute sua dubitare nequeunt; quidam ergo gradus est inter ipsos. Habent secundo testimonium Amb. asserentis quosdam saluari, non autem magnificari; id est non habere præclaras in coelo mansiones: quidam igitur eorū est gradus, qui saluantur. Aliqui enim amici sunt vulgares, quidā amici, & fratres; plerique electi, nonnulli præelecti; vtque declarant, præ ceteris electi. Deducunt tertio Pauli auctoritatem 2. Tim:2. vbi, cum dixisset fundamentum Dei firmum esse; eo quod nouerit, qui sunt eius: per quæ primam innuit saluandorum classē, vt Apost. fundatores Eccle. secundā statim subdit, Discedat, inquit, ab iniquitate omnis, qui inuocat nomen Domini. In magna enim domo non solum sunt vasa aurea, & argentea; sed & lignea; & fictilia. Et quædam quidem in honorem, quædam in contumeliā. Si quis ergo san-

et si fuerit se ab istis, erit vas in honorem, & utile ad omne opus bonum. Ecce, inquit, aliorum incerta salus. Quartò dicunt, Eccle. ordini consentire, vt velut in magna domo, ita ibi multæ sint mansiones. Habent exemplum de natura, familiaris, & membrorum dispositione; in quibus non idem viget perfectionis gradus. Sicut ergo præcipuæ sunt in domo mansiones, & in celo, vt oculi, stellæ nonnullæ; ita aliqui, velut luminaria, sunt in Ecclesia. Vnde scriptura; qui vos tangit, tang. pupillam oculi mei. Alii gradû tenent inferiores; inter prædestinatos ergo ordo quidam est, & gradus. Afferunt quintò Ioan. Apoc. 7. vt, cum dixisset ex omni tribu Israel se 12. millia signatorû vidisse; ita vt 144000. numerum complerent, subiunxit, post hæc vidi turbam magnam, &c. Vnde colligunt, prædestinatos in priori loco situandos, eos postea, qui ex vulgo saluantur; vt quæ pænes officia, quæ in Eccl. quis gerit, sit gratiæ mensura. Vltimò arg. Si omnes, qui saluantur, certò saluarentur, cum illis parauerit Deus media, quibus indubiè ad salutem perueniant: quæro, quid de aliis dicendum? vel non vult eos saluari, quod minimè; esset enim contra Paul. Thim. 1. vel vult, media tamen non parat sufficientia: & neque hoc, quia dicere esset, Deû tum velle, tum nolle quòd saluentur. Vel præstat, sed non vult, vt illis vtan-

tur,



tū, quod maius absurdum est. Vel præstat, vultq;  
ut illis vtantur; at ipsorum nemo per talia inci-  
dit, ideoque non saluatur; quod sanè voluntariè  
dicitur. Quis enim hoc nouit? Vel vtuntur ali-  
qui, atque saluantur; sed hoc positionem destruit,  
quæ præter eos, quorum est certa salus, ad vitam  
æternam neminem admittit.

Quāquā opinio hæc tot ob rationes probabi-  
lis videtur; veritati tamen obuiat, vt oppositionū  
ex solutionibus præcipuè notum erit, ad reliqua  
priusquā deueniatur. Ad 1. neg. cōsequentia;  
cū de omnibus, qui saluati sunt, & saluantur æqua-  
liter verificetur, quòd cū peccare valuissent, ex  
libera ipsorum voluntate non peccarunt. Auxiliū  
namque diuinum arb. libertatem non perimit, vt  
visum est. Nec inferatur, quòd eorum potuerit  
aliquis damnari; quoniam Deo suffragante, finali-  
ter peccare nō potuit; inlæsa adhuc (quantum de  
se est) libertate arb. Ad 2. dicitur; hæc verba, te-  
ne quod habes, & c. conuenire prædestinatis, quo-  
rum certa est salus; ad libertatem arb. detegendā;  
tum quia corona bifariā dicitur alicuius, vel pro-  
pter præsentem bonorum operum iustitiam, vt  
amissibilis est; vel ob efficaciam prædestinationis;  
quæ perdi nequit. Posset instare aliquis, vt ipsi in-  
stant. Viatori, vt sic, corona nō debetur; ergo per  
peccatum illam amittere nequit; nisi, vt qui hæres



æterna vitæ erat, damnationis iam fiat. Iterum, esto quòd prædestinatus iuxta præsentem iustitiam, seu potius iniustitiam, peccans coronam amittat, nemo eius in locum substitui debet, cum sit illimet aliquando reddenda; vt in loco restituto, vnde iam ceciderat. Ad 1. vt melius respondeatur, quid viatoris nomine accipiatur, non est ignorandum. Est ergo viator, non habens præmium beatificum, de communi lege sibi possibile: estque in statu merendi, vel demerèdi, aut esse potest ex lege communi. Dicitur postea, viatori, quamuis non detur corona; deberi tamen, tempore dandam: immo & in spe datur, vt Aug. 10. confes. beatitudo re, & spe tenetur. & Psal. 118. beati immaculati in via. Et hæc non confunditur causa immo est, vt Paul. dicat, De reliquo repõta est mihi corona iustitiæ. Quatenus autem illam habet in spe, peccando amittere potest, quia si in peccato speraret, iam non spes, sed fiducia temeraria esset. Ad 2. non esse duplicem coronam, alteram prædestinationis, alteram præsentis iustitiæ merito, vt Chazar. voluit, verum vna, eademque corona est, iure adoptionis, ac bonorum operum prædestinato debita. A primo finaliter prædestinatus nõ ca dit; à secundo potest aliquando per peccatum, quod ipsimet reuiuiscienti restituitur. Et si reprobatus in talem coronam ius accipit quandoque;

doque; non primum simpliciter, sed secundum. Ad 3. breuiter dicitur, quosdam subrogari cadentibus aliis; non omnino, vt coronam aliquando accipiant; solum autem secundum praesentem iustitiam. Neque simpliciter coronam amittentes, de saluandorum numero vmquam fuerunt; nec in ipsorum loco subrogati, de numero omnino reprobatorum. Iudas ergo praedestinatus simpliciter non fuit, neque Matthias omnino reprobatus: ideo Ioan. si fuisset ex nobis, vtique permanisset; sed non erat ex nobis, quare à nobis exiuit. In triumphanti Eccl. cur alii cadentibus aliis substituantur; nec aliqui, nisi ex aliorum perditione saluetur; vtque ait Apost. nisi frangeretur oliuae ramus, nō infereretur oleaster; rationem sanè reddere, possibile non est. Vnum pro comperto habeo, neque eos, qui damnantur, vmquam praedestinos fuisse simpliciter, neque salutem adeptos, omnino reprobatos. Immo, ex quo cadentibus aliquibus certos alios Deus subrogat; certissimus colligitur praedestinatorum numerus. Si quis dicat, eos, qui in aliorum ruinam succedunt, inter eos numerari non posse, quorum est explorata salus; cum ex contingenti occasionem habeat: fateor hoc verum fore, si prope Deum contingens aliquod esset, quod cum non sit, etiam instantia ruit. Ad 4. respondetur, deleri aliquando de libro

bro vitae praedestinos quantum ad praesentem operum iustitiam, non autem simpliciter: vbi cū D. Thom. dicam 1. p. q. 24. quod liber vitae secundum rem, idem est cum praedest. licet ratione differat, quia praedest. aliquorum est ordinatio in vitam aeternam: liber autem vitae sola simplex Dei notitia, qua eos nouit, qui vitam aeternam consequuturi sunt. Proprie ergo liber vitae ad gloriam refertur; largè etiam ad gratiam. Si absolute ergo loquamur, solum praedestinati ad librum vitae pertinent: si largè autem, & secundum quid, omnes etiam iusti: ratio est, quoniam gratia quaedam participatio est diuinae gloriae. Proprie igitur loquendo, vt liber vitae notitiam dicit ordinatorum in aeternam vitam ex diuina praedest. nemo deleri valet. Si tamen improprie, vt notitiam dicit ordinatorum in vitam aeternam secundum praesentem iustitiam, non inconuenit aliquem ex eis deleri, ibique conscribi, vt dictum fuit.

Ad ea, quae pro altero cap. dixerunt, not. est, absque dubio gradus quosdam inter electos dari. Aliqui enim nobiliorem, quidam inferiorem in Eccl. locum tenent; nedum militante, sed etiam triumphante, vt inter coeli sydera contingit. Ideo dictum est, in domo patris mei, & c. Non est essentialis differentia, vt ipsi volunt, qua aliquorum certa, aliorum autem arbitraria sit salus; & in hoc om-

nes eorum tendunt rationes, quæ facillimè diluuntur. Cum ergo dicunt, illa verba, diligentibus Deum, & c. non omnibus, qui saluantur, conuenire, quòdve non valeant amici Dei, nec fratres Christi vocari; negatur assumptum. Omnes enim, qui saluantur, Christi coheredes meritò dicuntur; si autè coheredes, fratres etià dici debent; ac omnia illis cooperantur in bonum. Quia si aliqui sæpe negligentius agant, peccando aliquando; hæc negligentia in bonum illis cedit, cum inde cautiore fiant. Cum postea dicunt; quosdā prædestinatos esse, nondum inspectis eorum meritis; quosdam verò visis eorum bonis operibus. Vel; quod redit in idem secundum eorum considerationem, aliquos prædestinatos fuisse ante mundi constitutionem, & quosdam à constitutione mundi. Superstitiosè certè faciunt; cum de omnibus saluandis eandem sententiam proferat David, Misericordia, inquit, Domini ab æterno, & vsque in æternum super timentes. Et declarans hanc misericordiam dicit, Dominus in cælo parauit sedem suam. Si verum deinde esset, quòd non est aliquibus destinata salus, nisi inspectis eorum operibus; vel hoc intelligitur de visione operum in æternitate, vel in seipsis. Si in æternitate; cū æternitas totum ambiat tempus, illudquè transcendat; idem est asserere Deum prædestinasse à

R

con-

constitutione mundi, & ante constitutionē mundi. Si in seipsis, minus verè esse potest, quòd omnibus, qui saluantur, decreta sit salus à constitutione mundi, idest à principio, quando cōditus fuit: quandoquidem multi quotidie nascantur electi, nasciturique sint; neque adeò fuerunt à principio mundi, vt eorum opera in se Deus inspiceret. Ad dictum Paul. 2. Tim. 2. dicitur, nihil inde colligi, nisi in Eccl. militante ex inmundis fieri mundos, quod est concedendum. Similiter & per magnam domum, dicitur, intelligendam Eccl. militantem, vt expositiones Ambros. & Hierony. testantur, vbi aliqui permanent solidiores, velut fundamenta, de quibus dicitur, fundamentum Dei firmum erit. & Esai. 27. super muros tuos Hierusalem constitui custodes; tota die, & tota nocte perpetuò non tacebunt. Alii verò ex infidelibus ad fideles; aliqui etiam ex fidelibus ad infideles transeunt. Neque per vasa aurea prædestinati solum intelliguntur; sed omnes, qui nobiliorem locum in Eccl. tenent doctrina, fide, & exemplo: quales Apost. fuerunt, & hodie Prælati. Nec per lignea, fictiliave reprobati intelliguntur; sed ignobiliores, & qui ob infirmitatem fidei sæpe incidunt in peccatum. Vbi dicunt postea, ordinē Ecclesiastico cōuenire, vt in illa sint gradus: iam responsum est. Ad id autem Apocal. 7. dicendū est,

est, illic ostendi secretum illud, quod Christus manifestauit Petro, multos scilicet nedum ex Iudæis, verum ex Gentilibus esse saluandos; & primo loco Iudæorum salus describitur, cum ex illis de facto sit, quod Paul. Rom. 11. describit: Gentilis verò est tamquam oliuaster præcario iure in bonâ oliuam insitus. Declaratur hoc etiam, vt per sexaginta Reginas Salamonis Iudæi intelligantur, per concubinas Gentiles, qui maiori in numero sunt. Ad vltimam rationem breuiter dici potest, præter eos, qui certò saluantur, neminem velle Deum saluari. Ad Paul. dictum, Deus vult omnes homines saluos fieri, dicitur, vt supra cum Ansel. idest neminem perire. Et ex his breuiter dictis singulæ Chatar. aliorumque rationes solui possunt. Non est ergo, vt eorum sententiam veram existimemus, præsertim cum Aug. contradicat in lib. de correptione & gratia. cap. 12. & 13. vbi expresse dicit, Qui autem cadunt, & pereunt, in prædestinatorum numero non fuerunt; quasi dicat, qui saluantur, omnes certò saluantur: quia qui non saluantur, in eorum numero non fuerunt, qui saluari possunt. Contradicit etiam Ambros. lib. 2. de voc. gent. c. vlt. vbi nullam ponit differentiam inter prædestinatos, & saluandos: sed omnes, qui saluantur, infallibiliter saluari dicit. Quare contraria ponitur concl. Omnium, qui saluantur;



certa, indubitataque est salus ex Diuina prædeterminatione; vt nulla sit inter eos differentia quantū ad hoc, quòd aliqui certò, aliqui contingenter saluentur. Primò sic probatur, Deus ab æterno constituit, qui futuri essent sui hæredes, & membra filii sui; & ita certè, vt numerus ille neque minui, neque augeri valeat; quotquot ergo saluantur, indubiè saluantur. Sequela probatur, quia si aliquis esset incerta salus, numerus ille posset minui, & sic Dei propositum frustraretur. Antecedens prob. quia Deus intendens facere vnā Eccl. vnumque ædificium ex Christo, & hominibus; certam etiā, & definitam intendit huius ædificii mensuram, & partium numerum, quia omne agens aliquod finitum in actū intendit: & Deus præcepit arcam fieri sub certa, & determinata mensura, ergo constituit quot forent huius ædificii partes principales, vt saluādi sunt. Secundò certū est eos, qui saluātur, esse tāquā stellas firmamenti huius, quod est Eccl. At Deus certò sub numero stellas creauit, ergo & saluādos, mai. est Aug. sup. Psal. 123. vbi asserit Eccle. nomine cœli aliquādo vocari: & Isid. ait, quòd cœlū specialiter dicitur Ecclesia, quòd Sanct. exēplis, quasi syderū claritate fulget. Est etiā Amb. sup. Psal. Beati inmaculati in via. & Paul. 1. Cor. 15. & Matth. 5. Iterū sic prob. concl. Qui saluātur, omnes censentur in-

ter



ter oues Christi, Matth. 24. vbi sub nomine ouiu  
computantur quotquot à dextris sunt, qui omnes  
saluantur; sed Christus Ioan. 10. ait quòd ipse vo  
cat eas nominatiu, ergo singularu nomina, & nu  
merum apud se habet, ergo qui saluantur, certis  
simè saluantur. Tertiò probatur, si non om  
nes, qui saluantur, certò saluarentur, ergo in  
certus esset saluandorum numerus, ergo incer  
tus esset penes prouidentiam diuinam dies extre  
mi iudicii, quòd fatuum est asserere. Quarto,  
Omnes, qui saluantur, inter Christi oues com  
putandi sunt, vt probatum est, ergo omnes, qui  
saluantur, infallibiliter saluantur: prob. cõsequen  
tia, Ioan. 10. Oues meæ vocem meam audiunt, &  
non rapiet eas quisquàm de manu mea. Non est  
opus, vt in re tam clara plures adducam rationes,  
præsertim, cum neq; Patrum, neq; Scolast. aliquis  
dissentiat. Remanet solum, vt exercitii grãtia ob  
iecta aliqua dissoluantur. Obicitur 1. quòd Petr.  
fideles hortatur, satagite fratres, vt per bona o  
pera vestram certam faciatis vocatione, & electio  
nem vestram: nullius ergo de se certa est salus,  
etiam ex prædestinationis fine. Resp. quòd cum  
certitudine prædestinationis stat, vt salus indies  
magis certa euadat propter bona opera, quo  
niam per ipsa ad metam præscriptam propius sem  
per accedit. Dicit etiã potest ex mandatoru obser  
uantia

nantia prædestinationem reddi certam; non in se, sed prædestinato. Deus enim nemini reuelat iustis de causis electionem suam; præsertim vt cum timore operemur salutem nostram, qui timor per bona opera tandē excluditur. Obiicitur 2. Paul. Rom. 11. gentilem hortatur, vt stet fide, & timeat; quoniam Deus naturalibus oliuæ ramis nō pepercit, vbi fuit insertus oleaster; multo minus pareet oleastro, id est gentili ad fidem conuerso; ergo prædestinatorum salus sub timore est, & non cum securitate. Resp. inde solum colligi, ab æterno Deum nō solum destinasse quod Petrus saluetur; sed hoc totum simul, quod Petr. per fidem in Iesu Christ. ac bona opera salutem habeat. Ioan. 3. Neque enim vnigenitum suum dedit, vt omnis homo absolute non pereat; sed vt omnis, qui credit in eum, non pereat. Nec ob id colligitur, omnes, ad quos ibi loquitur Paul. eorum ex numero esse, quorum certam dicimus esse salutem, vel desperatam; nisi forte secundum præsentem iustitiā. Neque enim gentilium omnium, vel Iudæorum est certa salus, vel desperata. Tandem dici valet, ideo sub conditione vniuersam omnibus salutem polliceri Deum, vt in his etiā, qui certissime saluantur, arb. libertatē reperiri ostendat. Adducitur 3. quod habetur Apoc. 3. Tene quod habes, ne alius coronā tuam accipiat: & sermo est de corona, quæ

præ-

præparatur ex prædestinatione; ergo potest amitti, & prædestinatus damnari. Resp. 1. quòd Episc. ille, cui dicta fuerunt verba illa, fortè non erat de numero prædestinatorum: & dato quòd esset, dicitur cum Aug. illa verba dicta fuisse, vt prædestinatus in Sanct. timore Dei detineatur: vel cum D. Thom. 1. q. 23. art. 6. duplicem esse cõtionem, vel ratione prædestinationis, quæ nequit amitti: vel ratione proprii meriti, quæ valet amitti; de qua forte verba illa intelliguntur. Nec est nefas dicere, verba illa dicta fuisse ad ostendendam libertatem arb. Quarto, dicit Christ. multi venient ab oriente, & c. & filii regni eiciẽtur foras. Filii regni electi sunt; regnum autem cœlestis est patria, ergo electi regnum perdẽt, & damnari possunt. Resp. quòd per regni filios Iudæi intelliguntur, per Regnum autem Eccl. militans. Quare mirum non est, si ab eo propter incredulitatem multi fuerunt exclusi Iudæi, & loco ipsorum Gentiles subrogati. Quinto legitur, quòd Paul. castigabat corpus suum, ne reprobatus ex prædestinatione fieret; ergo. Resp. nõ ideo Paul. castigasse corpus, vt Dei voluntatem immutaret, ostenderetque, prædestinatum posse reprobatum fieri; sed arb. libertatem vt ostenderet omni conatu Diuinæ grat. sociandam esse, nec vllò pacto illi resistendũ. Posset vltimò vulgariter opponi, nonne Christ.

dixit

dixit 12. Apost. ego vos elegi : & illis 2. classis, nomina vestra scripta sunt in caelo, Luc. 10. qui tamen recesserunt; & ex illis 12. Iudas damnatus est? Ad hoc d. D. Ambr. Rom. 9. quod quaedam dicuntur in Deo secundum decretum suae praescientiae; quaedam verò secundum decretum iustitiae, quae exigit, ut pro bono opere quis remuneretur. Eos igitur, qui 2. classis erant, recesseruntque; in bonorum numero Christ. numquam habuit. Si autem dixit illis, nomina vestra scripta sunt in caelo; ex decreto iustitiae loquutus fuit; ut, quia erant ad ministerium electi, suis pro meritis praemiarentur. Quod autem Iudas ceciderit, mirum non est; cum Apostolatus inter gratias gratis datas connumeretur, ideo praedestinationem non infert. Quare dici potest, Iudam non fuisse de numero praedest. & ideo finaliter cecidisse. At cum dixit Christ. ego vos elegi; Resp. iuxta communem Theolog. distinctionem ex superiori desumptam; ibi loquutum fuisse secundum praesentem iustitiam, non secundum aeternam gloriam. His expeditis, videndum iam esset, quotus hic sit numerus, & an maior reprobatorum, quam praedestinatorum; quoniam autem inutilis sunt quaestiones, adeoque perplexae, ut solus Deus certam ipsarum determinationem sciatur, omitto, & ad aliud me confero.

*Qui finis, vel terminus existat Prædestinati?*



**O**CANT aliquando Theo. prædestinationem transmissionis nomine, vt visum est: cumque transmissio, vt mutatio, terminum ad quem potissimè respiciat: ideo qui terminus prædestinati sit, videndum est. Qui in propinquum, & remotum; vel mediatum, & immediatum secari habet. Immediatus est, quò prædestinatus Christi membrum efficiatur; mediatum, vt beatus euadat. De hoc nullus dubitat; & primus à Paulo demonstratur Rom. 8. & de eo art. 3. Adiciantur illis quæ clara habentur c. Engeltrudam 3. q. 4. & de cõse. d. 1. c. Eccl. Hoc medio fine remotum etiam fidelis acquirit; & hoc excluso, neque remotus obtinetur; cum extra Eccl. nemo saluetur. Eius ianua baptismus est c. cum itaque in fine, de cõf. dist. 4. & extra de bap. maiores; quia sine eo salus nequit haberi c. non potest. de cõf. dist. 4. licet absque aliis cū eo habeatur per Card. Alex. in c. præter. §. ad hoc, cõf. 2. d. 32. Est insuper scripturæ testim. Nisi quis renatus fuerit, &c. Ad sunt DD. & præcipue Concil. Trid. Sess. 7. can. 5. Lucet etiam can. Eccl. paradiso comparatur dist. 4. de cõf.

S

Sed

Sed de altero loquamur; ubi, præter ea, quæ art.  
 5. dicta fuerunt, spectandum est, his quoque nomi-  
 nibus beatitudinem appellari. Aliquando vitam  
 æternam Rom. 6. & Ioan. 17. Quandoque regnum  
 Dei, D. Aug. in Enchir. Nonnumquam regnum  
 coelorum, Matth. 5. Felicitatem ab Arist. 1. Ethic.  
 Sapientiam à Plat. in Eutide. & Gorg. quem vt in-  
 telligamus sciendum est, olim sapientiam pro eo-  
 dem habitam, pro quo philosophia: hinc 7. Græ-  
 ciæ sapientes, Pythagoras, ex Cic. 5. Tuscul. pri-  
 mus ob modestiam deposuit tale nomen. Aliquan-  
 do pro prudentia sumitur, Ethic. 2. virtus est in  
 medio consistens, prout sapiens determinabit. i.  
 prudens. Sumitur etiam pro causarum vniuersali  
 notitia, metaph. 1. Sapiens quodammodo omnia  
 nouit. i. in vniuersali. Sumitur etiã pro abstracta-  
 rum rerum sola cognitione: vt Plato eam mortis  
 contemplationem dixit, ex Amm. in præfat. sup.  
 Porph. Nec de morte sermo est, qua anima reali-  
 ter seiungitur à corpore; at de ea, qua à sensibilibus,  
 & caducis rebus iuxta superiorem portionem se li-  
 berat, & contemplationi tradit. Similiter Deut.  
 4. hæc est sapientia vestra, & intellectus coram po-  
 pulis: intellectus de imis, & sapientia de æternis.  
 Tandem sumitur pro habitu intellectus volunta-  
 tem quoque perficiente; vt sapientia, quasi sapi-  
 da vocatur à Plat. & 6. Eccl. sapientia enim doctri-



nã secundum nomen est eius, & non est multis.  
 Esai. 1. replebit eum spir. sapientiã. Beatitudi-  
 nem denique summum bonum aliqui vocarunt:  
 quã si sumatur obiectiue, est summum bonum sim-  
 pliciter; circa quod tam grauitè errarunt anti-  
 qui: vt Varro, Cice. Aug. & Landi. nouissime, re-  
 ferunt. Si formaliter, est summum bonum; non  
 simpliciter, sed in genere humanarum perfectio-  
 num. Hãc de nomenclatura; quid rei iam videa-  
 mus; notantes in primis, simpliciter eam sumi  
 posse: primò pro sola dispositione remota ad su-  
 premam, vt Ethic. 1. vbi pueri bonã indolis beati  
 dicuntur. Secundò, pro eleuata participatione su-  
 pernaturalis per cognitionem, & amorem; quã  
 actiuam continet, & contemplatiuam: de prima  
 1. Ethic. de secunda 10. tractatur. Vtraque natu-  
 ralis dicitur, fortè cum naturã viribus obtineatur;  
 vt antiqui Philoſ. naturali viã cognouerunt, & di-  
 lexerunt Deum, vt naturæ auctorem, & primum  
 princ. Tertia supernaturalis dicitur, & gratuita,  
 qua cognoscitur Deus, vt auctor beatitudinis; vt  
 trinus, & vnus: vt redemptor, & glorificator, &  
 de hac sermo erit. Quã postea diuiditur in for-  
 malem, vel denominatiuam, vel subiectiuam: & in  
 materiale, vel obiectiuam, siue finalem, cum om-  
 nium simpliciter sit finis. Formalis est finita; cum  
 sit creata, & in subiecto finito recipiatur. Obie-



ctiua est increata, & infinita; & ab ea formalis dependet: Formalis dicitur finis quo, & intrinsecus; quia formaliter replet: obiectiua finis in quo, & extrinsecus; quia finaliter replet, & effectiue. De hac loquitur Aug. 1. confel. c. 2. tom. 1. ad te nos fecisti Domine, & inquietum est cor nostrum, donec in te requiescat. De ratione eius est, quod omne bonum, siue, vt 1. Ethic. c. 8. sufficientiam omnis boni in se claudat principaliter, & essentialiter; & non conotanter solum, vt creata. Ideo Deus volens se Moyse ostendere, dixit Exod. 23. ostendam tibi omne bonum. Formalis beatitudo dupliciter considerari potest; vel vt id omne includit, quod hominis ad perfectionem spectat; & sic non est quid simplex, sed aggregatum ex omnibus perfectionibus, est Duran. 4. sent. d. 49. Holcot. q. 6. ad 5. Henr. quodl. 13. q. 12. Viguer. de fina. beatit. c. 14. ver. 2. & ipse Bossii 3. de consol. Ita considerata continet priuam visionem, deinde fruitionem, delectationem, permanentiam, securitatem; & tandem corporis dotes, quae quatuor sunt; impassibilitas, vt 1. Corint. 15. Mortale hoc induet immortalitatem, & corruptibile hoc incorruptionem. Agilitas, vt Sap. 3. Tamquam scintilla in arundine to discurrent. & Esai. 41. qui sperant in Domino mutabunt fortitudinem, assument pennas, vt aquila volabunt, & non deficient; & non laborabunt. Est tertia, claritas, vt Sap. 3. fulgebunt iusti sicut sol.

Quarta

Quarta est subtilitas, de qua Dam. lib. 4. c. viii. & fundatur super illud Ioan. 20. quod ianuis clausis intrauit Iesus. Si tamen cōsideretur beatitudo formalis pro eo, quod principale est; & essentialē in ea; est nuda, & clara intellectualis cognitio de diuina essentia; mediāte tamen lumine gloriæ. Si quæ sunt auctoritates repugnātes, vt Ioā. 14. Deum nemo vidit vñquam. & 1. Tim. 6. lucē inhabitat inaccessibilē, quā nullus hominū vidit; sed neq; videre potest: omnes intelligi habent de visione perfectæ cōprehensionis; quo modo essentia diuina ab intellectu solo Diuino videtur; cū ipse solus illi totaliter adæquetur nō obstat propterea, quin beati vidēat immediatē Diuinā essentiā cognitione clara, & nuda apprehensionis; vbi est principaliter, & essentialiter beatitudo, pro quo multa sunt scripti testimonia: Arist. præterea, & Platonis infinita dogmata ei fauere vidētur. Visio tamē hæc dupliciter fieri potest, vel per modū permanentis, vt in patria solummodo cōtingit: ad quod extat dictum Moysi Exod. 33. Non enim videbit me homo, & viuet: ibi autē non per medias species, cum visio per similitudines obiecti enigmatica sit: sed facie ad faciē contemplantur 1. Cor. 13. adeo, vt essentia ipsa erit id; mediante quo, & id, quod videtur. Potest etiam haberi visio de Deo per modum transeuntis, idest per aliquod tempus,

ut contingit Moyfi, & legitur Num. 12. & Paulo, de quo 2. Corint. 2. Sed hæc non est perfecta, sicut prior. Est alia beatitudo imperfecta per cognitionem enigmaticam, & per participationem prioris in spe: de qua legitur Psal. 118. Beati immaculati in via, & c. Necessarium est denique ad perfectam beatitudinem lumen gloriæ, ut per ipsum ita disponatur & confortetur intellectus noster, ut ad Diuinam essentiam immediate terminari possit, & illius capax euadere. Substinetur de fide, quoniam fuit determinatum in Concil. Vien. & habetur in Clementinis. Habetur etiam ex script. Psal. 35. Apud te est fons vitæ, & in lumine tuo videbimus lumen. Sed iam videndum est, an omnes æqualiter videant diuinam essentiam; & est sermo de æqualitate, quæ refertur ad visionis perfectionem. i. an visio, qua beati vident Diuinam essentiam, in omnibus sit æquæ perfecta: & dicitur quod non, quia quanto aliqua potentia melius disposita est ad aliquem actum eliciendum; tanto ille actus, cæteris paribus, est perfectior: sed intellectus vnus beati melius est dispositus ad hanc visionem, quam intellectus alterius; ergo. mai. habetur 2. de Anim. t. c. 14. & 26. min. est clara, cum non omnium beatorum sint æqualia merita; sic neq; lumen gloriæ. Colligitur ex 14. Ioan. In domo patris mei mansiones multæ sunt, & c. vbi secundum Aug. ostendit.

ostenditur disparitas præmii. Allegatur de poenit. dist. 4. Habetur præterea Corint. 1. 5. alia est claritas Solis, alia Lunæ, alia Stellarum. Stella enim differt à stellâ in claritate; sic & resurrectio mortuorum. Potest etiam haberi ex Mag. 2. sent. dist. 9. c. 4. & 4. d. 49. prope finem. Firmiter nihilominus tenendum est, omnes beatos sanctissima illa visione perfecte repletos esse, quia iuxta suam capacitatem; ac proinde nihil eis deesse; secus perfecte beati non essent, si quid illis addi posset: & ideo D. Aug. 1. confes. c. 2. tom. 1. inquit, beatus est, qui habet quicquid vult.

## ART. VNDECIMVS.

*Qui sunt effectus prædestinationis, & quæ  
sunt signa prædestinati?*



ARTIVS de causis; de effectibus iam aliqua dicam. Postmodum, ut quæst. cōpleatur, prædestinati signa enumerabo. Tres prædest. effectus recensent Paul. Rom. 8. & D.

Thom. 1. q. 23. art. 2. vocationem, iustificationem, & glorificationem. Aduert. est, in paruulis prædestinationem causare solummodo iustificationem, & glorificationem: non autem vocationem; cum

non

non audiant, neque intelligant. In adultis etiā vocationem. Vocatio, deinde, duplex est, interna, & externa. Interna est, qua Deus fidei lumen infundit. Externa, qua per Cōcionatores, aliosve, trahit ad fidem. Vltius sciendum est, vocationē, vel internam, vel externam duplicem esse, efficacem, vel non efficacem. Efficax est, vbi qui vocatur cum effectu credit; & hic est primus prædest. effectus. Non efficacis est, vbi vocatus vocationi resistit. Secundus effectus iustificatio dicitur, quæ sit per gratiam, & charitatem. Vnde qui hunc secundum non assequuntur, licet primum habeant, de numero prædest. non sunt. Matth. 20. multi sunt vocati, pauci verò electi. Tertius effectus est glorificatio, quam non omnes assequuntur, qui iā primum habent, & secundum: at illi solum, qui perseverant in iustitia vsque in finem. Matth. 10. qui perseverauerit vsque in finem, hic saluus erit. Est insuper Concil. Trid. Sess. 6. can. 17. & Rom. 8. Si dicas, ex Apost. quos Deus vocavit etiam iustificavit, ergo omnes vocati iustificantur; & sic de singulis secundum Apost. incedendo. Resp. Paulum loqui de prædestinatis, sic enim verissima est eius sententia. Omnes enim, quos Deus prædestinavit, vocavit, iustificavit, & glorificavit; licet præter eos multi etiam sint vocati, qui iustitiā numquam sunt assequuti; & alii iustificati, qui, cū

non

non perdurauerint in iustitia, salutem non susceperunt. Sed iam de signis; vbi prius dicam; neminem suæ prædestinationis certitudinem habere posse. Habetur primò ex scripto. Nescit homo finem suum. i. certò, an odio, vel amore dignus sit. Deinde est Concil. Trid. loco cit. c. 12. & can. 16. Si aliquando quis habuit; hoc fuit per reuelationem; vt euenit Danieli, & Isaiæ, & bono Latroni in cruce. Quod plerumque non sit rationabiles ob causas, præcipue ne pariat negligentiam. Non desunt tamen signa aliqua; quibus valet Christianus præcipue; coniecturam, & spem habere suæ salutis: & hæc sunt bona opera, à nonnullis prædestinationis causa in inferendo vocata; cum in consequentia dici valeat, hic facit finaliter bona opera, ergo censendus est prædestinatus. Numero autem sunt nouem. Primum, vt conscientiam non habeat peccati mortalis. Secundum; vt mori potius paratus sit, quam offendere Deum; eius præcepta violando. Tertium, non confidere propriis viribus. Prouer. qui confidit cordi suo stultus est. Quartum, non confidere in homine. Ierem. 17. maledictus homo, qui confidit in homine. Quintum, in diuitiis non confidere. Prouer. 12. qui confidit in diuitiis suis corruet. Sextum, non confidere in prudentia, & sapientia huius mundi. Esai. 19. perdam sapientiam sapientum;

T

&amp; pru-



& prudentiam prudentum reprobabo. Septimū,  
non confidere in honoribus, & fortitudine huius  
seculi. Amos 6. Vch qui opulenti estis in Syon, &  
confiditis in monte Samaria, optimates capita po-  
pulorum. Octavum, in solo Deo fiduciam habē-  
re. Hest. 13. Nonum, & in ipso sperare: Psal. 7.  
Domine Deus meus, in te speravi, saluū me fac, ex  
omnibus persequētibus me libera me. Et Psal. 33.  
gustate, & videte, quoniam suavis est Dominus:  
beatus vir, qui sperat in eo. His decimum adde,  
vt exercere opera misericordie, de quibus erit so-  
la mentio in extremo iudicio, & per ea præcipue  
donabitur corona. Omnia tamen vno eplogo  
complecti possunt imitatione Christi, iuxta  
illud Moy. aspice, & fac secundum  
quod tibi in monte, id est in Christo  
monstratum est.

Qui benedictionem

suam nunc, & semper  
mihi largiri dignetur.





# QVÆSTIO SECVNDÆ.

## ARTICVLVS PRIMVS.

*Quid Reprobatio sit? Et cur ipsa dicatur simpli-  
citer præscientia à Theologis, quomodo  
non dicitur prædestinatio?*



**D**E PRÆDESTINATIONE per totam superiore[m] questionem verba feci; eū autem Reprobatio, & Prædestinatio opposito modo se habeant, & opposita penes se posita magis eluce-  
scent, ut est apud omnes

vulgariter receptum; ideo de Reprobatione in præsentī questione agere intendo, diuidens per articulos, ut consueui, ob doctrinæ facilitatem. Nec diu hac in re morabor; cum ex illis, quæ de prædestinatione dicta fuerunt, pleraque colligi possint, quæ in Reprobationis notitiam facile ducunt. Opposito enim modo, ex vnius cognitione contrariū aliquo etiam modo dignoscitur & reliquum, ut per Arist. & Auer. 9. Metaph. t. c. 3.

& 2. de Animat. 120. Illa solum absoluiam, quae non parvam patiuntur difficultatem; & primo, Quid sit, & cur ipsa, & non praedestinatio simpliciter praescientia dicatur? Ad primum, Reprobatio in communi sic describitur, Est exclusio alicuius, tamquam indigni, ab aliqua dignitate, vel honore, vel ab aliqua alia operatione; ac si dignus non sit ea dignitate, & honore, vel non aptus pro tali tempore ad talem operationem; quod quidem iudicare, ad superiorem spectat. Specialiter, & proprie, ut Praedestinationi opponitur, sic describi valet, Est alicuius exclusio, tamquam indigni, à gloria Paradisi in perpetuum ob sua demerita; ut eorum omnium, qui fide, & gratia iustificante carent, & sine ipsis ab hac vita decedunt. Vel, ut dicit Sanct. Thom. cui ferè omnes reliqui assentiuntur, Est praescientia iniquitatis cum voluntate permittendi casum in culpam, & inferendi damnationem pro tali culpa. Legitur 1. p. q. 23. art. 3. & 1. sent. dist. 41. q. 4. art. 1. & de Verit. q. 6. art. 1. Et subdit, reprobationem addere supra praescientiam voluntatem permittendi aliquem peccare, & inferendi poenam aeternae damnationis; sicut praedestinatio includit voluntatem conferendi gratiam in praesenti, & gloriam in futuro. Quare secundum hanc doctrinam, reprobare idem est, ac Deum permittere aliquem, saltem finaliter pecca-

re & in peccato mori; subtrahendo gratiam, & relinquendo ipsum in puris naturalibus; cum voluntate puniendi, iuxta suorum peccatorum demerita. Quidam Thom. de Argent. 1. sent. dist. 40. q. 1. art. 1. sic de reprobatione loquitur, Est æterna præcognitio mali vsus liberi arbitrii, ratione cuius decreuit Deus aliquē hominem in præsentī vita gratia priuare, & in futura æterna pœna punire. Marfilus lib. 1. sent. q. 41. artic. 1. & Greg. de Arim. ibidem dist. 40. & 41. art. 1. sic definiunt, Est propositum Diuinum non dandi vitam æternam, vel est præscientia ad pœnam æternam. Magister, & Aug. idem, sed paucioribus, explicant. Aiunt enim Reprobationem esse præscientiā iniquitatis quorundam, & præparationem eorundē ad damnationem. Harum omniū descriptionū, quāuis singulæ sint bonæ, illa tamen D. Tho. optimam mihi videtur, cum diffiniti naturam, & causas magis explicet, vt per ea, quæ postea dicentur, li. quidò apparebit. *Ad secundum;* Primò notandum est, præscientiam Dei dupliciter accipi; vno modo improprie, pro omni eius præcognitione, quam habet de futuris contingētib; abstrahendo ab hac, vel ab illa præscientia; meritorum, & demeritorum; & sic præscientia etiam prædestinationem complectitur. Immo eodem sumitur modo prædestinatio

ab Aug. contra Pelagianos cap. 1. dicente, Prædestinatio est, præuidendo, præuidendo, & præordinando futurum aliquod. Et Enchir. 99. Deus aliquos iuste prædestinauit ad poenam, aliquos benignè ad gratiam. Isidorus lib. 2. de Summo bono cap. 6. Gemina, dicit, est prædestinatio, electorum ad requiem, & reproborum ad mortem. His assentitur Ansel. de Concor cap. 7. dicens, Non solam prædestinatio bonorum, sed etiam malorum dici potest. Alio modo sumitur præscientia strictè, pro sola cognitione damnationis reproborum, ut a prædestinatione seiungitur. Est etiam aduertendum, quod licet huiusmodi Scriptores pro eodè accipiant prædestinationem, & reprobationem, quatenus præscientia utramque complectitur, & clarius Aug. 22. de Ciuit. Dei cap. 25. si propriissime tamen sumatur, non desunt causæ, ob quas reprobatio dicatur absolute, & simpliciter præsentia, non autem prædestinatio. Prima est, quia commune nomen imperfectioribus, ac ignobilioribus aptatur, ut cum bruta animalis nomine absolute vocamus. Hinc Porphyrius in prædicabr cap. de differentia docet differentias alteratum facientes, id est dissimile, vel accidentaliter distinguentes, cum ignobiliores sunt simpliciter, & absolute differentias appellari: eas verò, quæ specificæ sunt, ac in substantiâ transeunt, licet perfectiores,

ac nobiliores sint; cū additamento, & non simpliciter differentias nuncupari. Ratio est, quia simplici nomine ipsarum perfectio explicari nequit. In re nostra; quamuis praedestinatio, ac reprobatio praescientia sint; tamen reprobatio potius, vti species ignobilior, generis nomen retinere debet, ac absolute praescientia nuncupari. D. Thom. 1. dist. 4. q. 4. art. 1. ad 2. huic doctrinae magnopere fauet. Quem vt intelligamus, obseruandū est praedestinationē, & reprobationē hoc habere commune; quod sicuti praedestinatio, nedum est praescientia, verū praescientia cū ordine, & voluntate; est enim praescientia, quae efficaci voluntate aliquos in gloriā ordinat; nō secus, reprobatio est, non solum praescientia, sed praescientia ordinans aliquos ad poenā aeternā supposita voluntate permittendi casum illorū. Differentia verò est, quoniam praedestinatio respectu praedestinati non tantum est praescientia, sed causa quoque. Deus namque nedum praescit homines iustos, ac aeterna vita dignos, caeterum eosdem & iustos, ac tali vita dignos reddere dignatur. Reprobatio autē, vt reprobatū aspicit, est vtique praescientia; vix tamen causae rationē habere videtur. Licet enim Deus homines iniustos, perditos, ac aeterna morte dignos opime praesciat, eos tamen nec malos, nec tali poena dignos reddit. Cum habeant ergo praesc-

praedestinati ex diuina praedestinatione non solum vt praesciantur, verum vt iusti, ac boni sint; hinc fit, vt cōmuni nomine explicari non possint; at peculiare quoddam sibi vendicent. Oppositū contingit in reprobatis; qui purum id ex diuina reprobatione habent, vt praecognoscantur; non autem vt mali sint. Hanc rationē, & optimā profecto, reddit Sanct. Thom. cuius in confirmatiōnem valet afferri doctrina Ambrosii super Epist. ad Rom. 9. Vnde colligitur aperte, Deum proposuisse de Iacob vt salute dignus esset; de Esau autem ipsum reprobare; non vt salute indignus redderetur, sed quia de se ita indignus fururus erat. Alia erit ratio, si contemplantur, id sibi cōmune nomen retinere, quod proprio caret. Proprium enim, quod quartū constituit praedicabile, dicitur de propria passione; atque de diffinitione; vt videre est Arist. 1. Topic. cap. 4. Diffinitio namque semper, soli, ac omni; idest singulis vniuocē eadē sub specie contentis cōpetere debet, & illorum dicitur propria; caeteris autē incōmunicabilis. Ex quo famosa illa sumpsit originē, quod diffinitio debet conuerti cum suo diffinito; attamen haec omnes verae sunt etiā conditiones propriae passionis. Vnde igitur ortū habuit, vt passio nomen proprii perpetuō sibi vendicaret; diffinitio verō minimē? Omissio, diffinitionem essentiam denotare,



denotare, at proprium essentiam comitantia; nulla præterea potest reddi ratio, nisi quia diffinitio proprium habens nomen cōmuni non indigebat. & ideo inseparabili passioni renunciavit huiusmodi nomenclaturam. Sic in proposito; non indigēs prædestinatio cōmuni nomino, vt præscientia diceretur, cum genuinum teneret; ad speciem sibi oppositam dimissit illud. Sed super est, vt non par uam de medio tollam dubietatem. Eset enim qui fortè diceret, cum prædestinatio dicatur aliquando liber vitæ, & crebra de eo fiat mentio in scripturis; cur non idem de reprobatione contingit; vt liber mortis dicatur, & alicubi de eo meminerit scriptura? Dicitur hanc esse diuersitatem, quòd boni habent in Deo quandam peculiarem rationem scientiæ, scilicet approbationis, quam improbi nullatenus habent; de quibus solum habet Deus specialem scientiam simplicis, quæ est notitiæ communem & bonis, & malis; quæ illi, & non hi. Sacris vigent in libris.



## ART. SECVNDVS.

*Ad quem spectet reprobare, & quomodo Deus  
ad reprobationem concurrat?*



**E** I V T prædestinatio, ita reprobatio suas habet causas; quamvis agentem non eodem modo, vt infra videbimus. De formali per diffinitionem allatam satis constat. De materiali, atque finali in præcedenti quæst. clara potest haberi cognitio. Reliquum est igitur, vt aliqua de agente perscrutemur; & ea primò, quæ hic proponuntur. Quare sit prima conclusio, Ad Deum spectat aliquos reprobare: prob. Ad Deum spectat iudicare aliquos indignos æterna vita propter ipsorum peccata: vel aliquos ab eadem æterna vita refellere; sicuti ad eundem pertinet æterna præmia bonis elargiri: ergo ad Deum spectat homines reprobare. Præterea, reprobatio est pars providentiæ, sicut prædestinatio: ad providentiæ spectat omnia in ipsorum finem ordinare, ac aliquos defectus tolerare ad bonum publicum; ergo ad Dei providentiæ pertinet, vt permittat aliquos cadere, & ab ultimo fine deviare; cum providentiæ Dei sit vniuersalis. At ne durum hoc videatur, optimè inspicendum est; quòd sicuti Deus naturas dedit

dedit rebus, & quantum est de se dirigit in bonū finem: tamen propter corruptionem aliquam in semine plantae, vel in semine animalium, vel in aliqua re naturali, fit deuiatio à fine, & monstra contingunt in natura; sic & hominibus libertatē arbitrii largitus, & quantum est de se, omnem hominem dirigit in bonum; tamen propter corruptionem aliquam in appetitu fit deuiatio à fine; & illud non consequimur bonum, ad quod nos dirigit Deus. Sicut ergo in naturalibus valeret Deus efficere, vt naturalia semper finem suum consequerentur, & quod nullū contingeret in natura monstrum; ita in gratuitis quoque valeret omnē immutare voluntatem ad bonum, vt nemo penitus à debito, & congruo fine deuiaret. Quia tamen maxime Deum decet sic res administrare, vt proprios ipsarum cursus illas agere sinat: nec secus, vbi liberum arbitrium homini dederit, ipsum decet nos ita in bonum dirigere, vt libere nostros progressus nos agere sinat.

Si quis contra opponeret, Reprobatio de se mala est, vt patet; ergo non potest à Deo intendi, cum optimus sit; ergo ad ipsum non spectat homines reprobare. Resp. dato, reprobationem absolute sumptam, idest non supposito peccato, pro ipsa punitione, bonam non esse, nec ita à Deo volitam, cum sic nūquam Deus aliquem reprobaret.

baret. Attamen si huius, vel illius reprobatio sumatur, vt ordinata est ad manifestandam iustitiam punitiuam; vtque ad primum effectum relata bona, condecens, Deoque maxime conueniens: censenda est; omni etiam alia causa seclusa, qui per se vult manifestare iustitiam suā: ad quod si quorundam sequatur perditio, & poena, non est principalis intenti, sed per accidens, vt est D. Thom. 1. 2. q. 19. art. 9. Hæc solutio patitur difficultatem; extat enim vulgaris propositio, quod volens finem, etiam quæ sunt ad finem maxime studet. Si ergo Deus per se vult punitiuam iustitiam ostendere; per se quoque vult peccatores, in quibus tale obstat iustitiam; cum poena iuste illata sine culpa esse nequeat. Dicitur primò ad illam mai. veram esse in his, quæ per se primò intenduntur; quorū hæc est natura, vt & finis, & singula media ad ipsum, ab eodem, qui finem intendit, intendantur. Non est autem vera in his, quæ per se nō primò intenduntur; quorū natura est, vt cum ipsa bona sint, occasionentur ab aliquo malo, quod non intenditur ab eo, qui finem intendit; de quorum numero est iustitia punitiua. Deinde dicitur Deum velle & finem, & ea, quæ sunt ad finem; non tamen conceditur peccatores ad talem iustitiam manifestandam simpliciter, & necessario concurrere. Non enim per se concurrunt peccatores ad huiusmodi mani-

manifestationem, sed occasionaliter solum. Quare dici potest quod velle finem in hoc casu non est proprie causa ipsi Deo volendi ea, quæ sunt ad finem. Nec est ignorandum, quod sicut Diuinus intellectus vnico actu intelligit principia, & conclusiones; item præmissas conclusionis esse causas: ita vnico, simplici que actu Diuina voluntas vult finem, & media ad talem finem. Cum autem dicitur, nisi essent peccatores, neque talis esset iustitia: tunc logicè dicitur, conditionale in esse non constituere: quare non ideo est punitiua iustitia, quia peccatores sunt. Et si iterum dicatur cum Bernardo, Tolle peccatum, & non erit Infernus. Communiter respondetur, de poenis ibi verba fieri, non autem de Inferno, cum iam fuerit ante omnes peccatores. Secundò sic, Reprobatio est horrenda ex Aug. in lib. de Confess. ergo turpis; ergo Deo non conuenit; cum nulla sit in eo turpitudine: Resp. quod licet reprobatio horrida videatur, ac turpis ipsis damnatis: tamen, vt actus voluntatis Diuinæ, pulcherrima est. Tertiò, Misericordia Dei generalis est, vt ex Apostolo colligitur Rom. 9. ergo ad omnes se extendit; ergo neminem reprobatur. Clara est ratio, resp. tamen, misericordiam dupliciter sumi posse, vel secundum sufficientiam, vel efficientiam. Secundum sufficientiam generalis est, ad singulos generum se extendens; quoniam Dei misericordia,

dia, quantum est de se, sufficiens est ad omnes saluandos, immo parata est ad omnes se extendere, vt melius infra. At secundum efficientiam generalis est, non absolute; sed quantum ad genera singulorum; idest quòd de quolibet hominum genere, vel ritu, aliqui salui fient. Nec obstat quòd quod Sap. 11. legitur, Diligis omnia, quæ sunt; & nihil odisti eorum, quæ fecisti. Non ideo enim sequitur, quòd Deus neminem reprobet; cum auctoritas illa sit intelligenda quantum ad esse naturale, non quantum ad beatitudinem. Nec minus obstat quòd, si diceretur iniuste Deum agere, si aliquos reprobareret, aliquos verò nò; supposito quòd omnes simus æquales; vel in natura, vel in originali peccato; hoc enim verum esset, vt dicit S. Thom. si essemus in his; quæ ex debito traduntur; at cum simus in gratuitis, cessat difficultas. Tam si quis peteret, Reprobatio est ne actus intellectus, an potius voluntatis? Dicerem, vtrumque per ipsam significari; diuersa tamen ratione. Cum enim aliquid esse verum iudicamus, illud pro tunc approbare dicimur; reprobare verò, si idem forte falsum existimaremus. Vtcrius, quando altero confutato alterum eligimus, illud idem approbare dicimur; cum verò refutamus, reprobare iudicamur. Habetur ergo, reprobationem sumi posse pro iudicio, quo Diuinus intellectus ab æterno iudicauit

dicauit quosdam homines indignos fore vita æterna, quomodo erit actus intellectus. Deinde etiam pro eo, quod est aliquos refutare, & sic erit actus voluntatis.

Sed iā maxima occurrit difficultas, Quomodo Deus ad reprobationem concurrat? Vbi notandū, cum D. Thom. 1. q. 23. art. 3. in solutione secundi, tria reperiri in homine reprobato; permissionem culpæ, culpam ipsam, & pœnæ inflictionem pro tali culpa. Deus primi causa est, atque tertiū; non autem secundi, scilicet culpæ, quæ a solo defectu liberi arb. est. In quo maxime differt reprobatio à prædestinatione; nam prædestinatio omnium causa est, quæ prædestinato contingunt, tum in hoc, tum in alio seculo; vt gratiæ, meritorum, & gloriæ. Minimè autem reprobatio: quamuis enim sit causa pœnæ, nullo pacto est causa culpæ.

His ita expositis ponitur Conclusio, Circa permissionē habet Diuina voluntas actum positiuū. Primò, quia Deus mala permittit; ergo vult illa permittere. Secundò, Deus est causa permissionis culpæ; ergo vult permissionem culpæ.

In contrarium est, quia hoc stante, sequitur Deū esse culpæ participem, cum consentire videatur; & consentiens eiusdem sit conditionis cum agente. Vnde vulgaris illa, Agentes, & consentientes pari pœna puniuntur. Resp. quòd, cum Deus infiniti

fit



sit vigoris intensiue, vt cum veritate Theologi tenent, (quicquid dicat Auer.) multa posset facere de potentia absoluta, quæ fieri tamen ordinariè non expedit; cum sic reliquerit causas secundas in ipsarum libertate, vt secundum naturæ cursum operentur. Homo autem liberū habet arbitriū, quo benè, vel malè valet operari. Benè inquam gratia Dei adistente: contra Pelagium; & Celestium Monachum; vt determinatū præcipuè fuit in Concil. Aphric. Carthagine celebrato, vbi fuerunt 218. Patres, & in Concil. Mileuit. sub Innoc. 1. Posset igitur Deus, absolute loquendo; ne ista mala fierent prohibere; non tamen decet, cū hoc esset hominē arb. libertatē priuare. Præcipuè hoc seruatum fuit in primo parente, quem iustè permittit Deus cadere, vt ageret secundum libertatē arbitrii sui. Immo, cum ipse omniū sit Dominus, & prouisor Vniuersi, eius est permittere aliquos defectus; nō quòd malum principaliter intendat; sed vt inde commune bonum apprime conseruetur. Quod nequaquam contingere valet prorsus alicuius Reip. particularis, qui non debet permittere, vt mala fiant; cum ex illis bonum aliquod elicere non valeat. Aduertendum deinde est, quòd permittere, est auxilium suum ab aliquo subtrahere, & sumitur duobus modis; propriè, & impropriè. Propriè idem est, quod consentire



tire alicui malo, concurrere vt; causa, & complacere sibi in illo; quando taliter permittens fit mali particeps: de Deo id numquam asserendum est. Impropiè autem permittere idem est, quod tolerare, vti non inconuenit Deum permittere mala. Vel sumitur vno modo pro omnimoda destitutione; ita quòd Deus quasi prolata sententia omne auxilium subtrahat alicui in perpetuum ob poenā præcedentis peccati: & hoc modo Deus non dicitur permittere; quia si tali modo permetteret, esset malorū causa; quod absit ab ore Christiānorū. Alio modo permittere, est aliquē sinere in sua libertate, cui semper Deus est paratus gratiā tradere, & tradit; dummodo ille faciat quod in se est, ordinatū ad talem gratiam, & vocationi non resistat; & sic Deus permittere dicitur; vnde non est fas colligere, quòd ipse sit causa peccatorū nostrorū. Si quis autem vim faceret in illa dictione, positiuè, & in contrariū poneret, Reprobare aliquē est illi non velle summū bonū, hoc non dicit actum positiuū, ergo. Iterū à Contrariis, Prædestinare est hominibus velle bonū, ergo reprobare est iisdem nolle tale bonū, vt puta vitam æternā. Vtriusque rationis negatur assumptū. Nam reprobare non est, vt multi existimant, Deum nolle concedere alicui beatam vitam negatiuè: sed est velle permittere, seu tollerare casum alicuius; ac eo

præmissio velle eundem à vita æternâ seiuungere. Sed iam magna verget difficultas; his enim positis consequi videtur, quòd homo sine gratia, & peccato decedens sit reprobatus; cum Deus nollet positivè dare huic vitam æternâ. Ideo dicunt aliqui Deû in hoc casu nullum actum habere positivum circa hunc hominem, nam, ut ipsi dicunt, neque vult, neque non vult dare vitâ æternam. Sed quia hi non remouent difficultatem, cû à parte rei gloriam Deus illi deneget; ideo aliter dicendû est; scilicet posito tali casu, hunc hominẽ, cui ita constituto valeret Deus gloriâ elargiri de potètia absoluta; sicut itidem de potentia absoluta eundem in puris naturalibus, neque in gratia, neq; in peccato nouiter creati, & extra massam: reprobatû non esse; ratio est, quoniâ reprobatio est nolle dare alicui vitâ æternam, non simpliciter, sed in penam propter peccatum præuisum. Quare optime dicit D. Thom. reprobationem necessariò supponere voluntatem permittendi casum alicuius.

**Secunda Conclusio**, Deus circa culpam nullû habet actum positivû. Prob. Malû culpæ non est à Deo, ergo non est volitû à Deo; sed, neque nolitum. Deus enim neq; vult mala culpæ fieri, quæ sunt, neque vult non fieri. Vtcrius si poneretur, Deum esse causam mali culpæ, manifestè sequeretur Deû non esse Deû; quod simpliciter impossi-

bile

bile est. Probatur cōsequentia, nā malum, ut malū est, non nisi à malo procedit; si ergo Deus esset causa mali, ipse quoque malus esset. Dicere autē Deū esse malum, implicat contradictionē; cum idem esset, ac si diceretur, Deus non est Deus: quod cum sit inopinabile, firmissima remanet conclusio.

Si quis audacter opponeret; Sicut velle Dei causa est, quod hic gratiam habeat, qua bene operetur, ita nolle Dei causa est, ne ille gratiā habeat, qua deficiente malè operatur: ergo causa est, ut ille malè faciat. Consequentia probatur, quia causa causæ, est causa causati; ut vulgariter usurpatū. Proportio autem inter præmissas tenet ex Arist. 1. post. Sicut affirmatio est causa affirmationis, ita negatio negationis. Ut optime huic satisfiat, dicendum est, Quod sicuti Deus non est causa totalis, cur hic homo gratiā habeat, sed maxime requiritur motus liberi arbitrii, & conatus: ita neq; totalis causa est, ut ille gratiam non habeat, sed cōcurrit etiam impedimentū, vel obex, quem ipse interponit, quod in se est minimè faciens. Cū autem ad aliquē effectū duæ concurrunt cause particulares, altera ipsarū deficiente non sequitur effectus. Vnde, cum ipse solus Deus, iuxta legem cōmunem, non possit infundere gratiam; sed homo etiā ad id concurrere debeat, se disponendo;

si postmodū ipse obicem ponens, gratiamquē re-  
nuens ob eiusdem carentiam incidat in peccatū;  
sibi, & non Deo adscribendū est. Ad illam Arist.  
regulā resp. intelligendā, esse de causa totali, ut  
hic non contingit. Idem ad illam, Quicquid est  
causa causæ est causa causati. Nam, ubi aliqua cau-  
sa est alterius totalis causa, est etiā causa effectus il-  
lius causæ, cuius ipsa causa est. Venetus 2. Phyl.  
t. c. 30. aliter glosat. Dicit enim non esse verā, nisi  
eodē in genere causæ. Quæ expositio optima mi-  
hi potius videtur ad aliud perimendū argumentū  
fieri consuetum in hac materia. Solent enim qui-  
dam dicere, Deus est causa liberi arb. Liberū arb.  
est causa culpæ, ergo Deus est causa culpæ. Conse-  
quutionē corroborant per illam maximam; quæ  
profecto in hoc casu non ligat. Non enim eodē  
modo, quo Deus est causa liberi arb. postea libe-  
rum arb. est causa culpæ. Deus enim est causa po-  
sitiva liberi arb. sed liberum arb. est causa defecti-  
ua, seu priuativa actus culpabilis. Sed cōtrā, Om-  
nis effectus est à Deo, quia etiā secundum philoso-  
phos causa secunda non agit, nisi prima cooperan-  
te, & secundum D. Hieroným. ne minimū quidem  
folium sine nutu Dei ad terram cadit: nam causa-  
litas diuina est omniū primā, & in omnibus con-  
currit per Aug. 3. de Trinit. cap. 4. & super Genes.  
4. cap. 14. Et Act. 17. legitur, In illo viuimus, mo-  
uemur,

uemur, & sumus. Ioan. 15. Sine me nihil potestis  
facere. Ergo & ad actum culpabilem. Vt hæc in-  
stantia penitus tollatur, ignorandū non est, quos-  
dam fuisse Theologos, vt referunt S. Thom. &  
Ricci. qui nescientes distinguere inter actiones hu-  
manas, & deformitatē, siue malitiam illis adnexā;  
dixerunt actiones peccatorum nullo pacto esse  
à Deo. Contra quos ita argumentor, Si actionis  
peccati voluntas humana duntaxat causa esset, &  
ad eam Deus non concurreret; sequeretur, quod  
voluntas humana esset primū principium illius  
operationis. At fieri non potest, creaturā esse pri-  
mū principium; cum hoc solius Dei sit; igitur nec  
possibile est, quod ipsi ponunt. Si dicerent volun-  
tatem humanā non esse primum principium, quam-  
uis ipsa sine villo adminiculo ipsius Dei operetur  
huiusmodi actiones; quia de ratione primi princi-  
pii non solum est esse agens primū, verum vt ab  
alio non dependeat. Cum autē voluntas huma-  
na habeat esse à Deo; nūquam erit primū princi-  
pium. Tunc in oppositū sic dicerem ex concessis:  
voluntas humana non habet esse à se, ergo volun-  
tas humana non operatur à se. Nam operatio con-  
sequitur virtutem, & virtus essentiā; ergo quod ab  
alio habet essentiā, ab alio quoque habet vim ope-  
randi. Et si ab alio habet vim operandi, ergo non  
est primū agens. Secundò, omnis actio, quatenus

actio

actio est, res est, & natura aliqua; sed omnis res, & natura à Deo est, ergo omnis actio, quantumvis peccati, à Deo est; cum fateamur in Symbolo nostræ fidei, Deum omnium rerum esse Creatorem. Melius igitur considerando, dicendum est, quod quando duæ causæ concurrunt ad productionem alicuius effectus, altera quarum sit perfecta, & altera imperfecta; quicquid perfectionis in effectu reperitur, tribuitur causæ perfectæ; quod verò imperfectionis erit, causæ imperfectæ. Sic ad actionem peccati duæ causæ concorunt; Deus, & creata voluntas. Si igitur aliquid perfectionis erit, Deo tribuetur; quicquid imperfectionis imputabitur voluntati; quæ erit causa illius deformitatis, & malitiæ. Vnde dicebat Aug. de natura boni cap. 20. omnia fieri Deo coadiuvante, præter ea, quæ destruiunt naturam, ut peccata sunt. Exemplum, Actus legitimi matrimonii, id est accessus ad propriam uxorem, in genere naturæ similis est actui, quo aliquis accedit ad non suam: sed actio matrimonii, in quantum naturalis, & virtutis vegetatiuæ etiam à Deo est, ergo & actus adulterii, quatenus actio est in genere naturæ, res est bona in eo genere, ac proinde à Deo. Deformitas autem, vel malitia, quæ complent rationem peccati, à Deo non sunt, sed ab ipsa voluntate deficiente. Nec conuincunt, si dicat alii, quosdam esse actus intrinsece malos,



ut ipsi nominant; sicut est mendacium, & similes; qui actus nulla potentia fieri potest, ut boni sint. Sunt enim mali ex se, non quatenus actus sunt, sed ea ratione, qua connexam habent malitiam, & coniunctam deformitatem. Et ut clarius hoc appareat, inter omnes malos actus odium Dei est pessimus; verum illius substantia simpliciter non est mala; nā substantia eius est, velle malū; possumus autē alicui licite malū velle, utpotē demoni. Verū cum adiunctū est huic actui, quod est velle malū ipsi Deo, quē odio habent damnati; tunc ex parte malitiæ, & deformitatis adiunctæ ab ipsa voluntate, malus actus euadit. Sed adhuc oritur difficultas; quoniam ex dictis habetur, Deū quodāmodo cooperari his, qui malē agunt; ergo ipse etiam malē agit, quia cooperans ad peccandū ipse quoque peccare dicitur; quod nihilominus de Deo non est asserendū. Resp. aliquē alteri cooperari ad peccandū, stat dupliciter; vel ad actionē tantum, ut Deus benedictus dicitur nobis cooperari; & sic non peccat; vel ad actionē, & deformitatem simul, quomodo peccare dicitur. Vtiq; igitur nō est asserendū, Deū esse simpliciter causam peccati; sed esse solū causam actionis peccati. At si fortius urgeas, Deus est causa actionis; ex concensu; sed actioni connexa est malitia, ergo Deus est causa malitiæ. Tunc nego consequentiam; quoniam  
nam



niam in simili non sequitur, A natura, tamquam à causa, oritur potentia videndi; sed potentia con- nexa est cæcitas, ergo à natura est cæcitas; cum cæcitatis causa non sit à natura, sed visus tantum: causa autē cæcitatis est defectus ipsius potentia. Ita causa actionis erit ipse Deus; malitiæ autem erit ipsa voluntas creata. Infallibiliter igitur con- cludendū est, omnem effectū, qui dicit ens, esse à Deo; at cum peccatū sit priuatio entis, per Dio- nyf. in lib. de Diui. nomin. sequitur quod à Deo minimē sit:

Extat tertiū argumentū contra principalem as- sertionem ex multis auctoritatibus scripturæ con- flatum. Obstinatio, & animi durities peccatū est: Sed Deus dicitur excæcare aliquos, & aliquos in- durare, Vnde Paul. Rom. 9. Cuius vult misere- tur, & quem vult indurat: dicitur etiā tradere nō- nullos in reprobū sensum, Rom. 1. ergo Deus ha- bet actum positiuū circa malū culpæ. Ex quibus scripturæ locis, & similibus occasionē sumpserunt errandi; & peruersē quidē, Martinus Bucer, & Cal- uinus, qui dixerunt Deū esse causam peccatorum nostrorū. Pro erroris igitur ipsorū, & argumenti confutatione, explicandæ sunt omnes propositio- nes adductæ; quarū triplex potest esse sensus. Pri- mō enim posset quis intelligere, ita Deū indura- re, & excæcare; vt sit causa efficiens cæcitatis, & duritiei,

duritiei, quas ipse imprimat cordibus hominum; quod asserere idē est, quod execrari. Hoc modo sumpsērunt nonnulli hæreticorum nostræ tempestatis, moti ab eo, quod Sacræ literæ tribuere videntur duritiem, & cæcitatem ipsi Deo, tamquā auctori. Ita enim habetur Exod. Ego enim induravi cor eius, scilicet Pharaonis, & seruorum illius. Iterum, indurauit Dominus cor Pharaonis, nec dimisit filios Israel. Secundus sensus est; non quod intelligamus, Deum immittere cordibus hominū cæcitatem, vel duritiem: sed aliquo pacto destituere hominem illis auxiliis, quibus si esset adiutus emolliret cor suum: & denegare eas inspirationes, quas si concederet, expelleret homo omnes tenebras à corde suo. Non quod intelligamus Deū priuare hominem existentem in peccato, omni auxilio, & fauore; ita vt voluntate absoluta statuerit nullum illi auxilium præbere: hoc enim à veritate alienum est, & scripturæ contrarium. Apocalyp. 3. Ecce sto ad ostium, & pulso, si quis audierit vocem meam, & aperuerit ianuam, intrabo ad illum, & coenabo cū illo, & ipse mecum Matth. 11. Venite ad me omnes, qui laboratis, & onerati estis, & ego reficiam vos: Ezech. 18. Quacumque hora peccator ingemuerit peccatum, iniquitatē eius amplius non recordabor. Ex quibus apparet, semper Deum adiuuare homines aliquibus auxiliis;

ut rescipiscere valeāt, & ad ipsum conuerti; quā-  
uis non omnibus tribuat efficacissima ad conuer-  
sionem. Hæc enim quibus vult impertitur, electis  
præsertim & prædestinatis. Tertius sensus est, ut  
dicamus, Deum indurare, & excæcare hōc modo;  
ut hominibus propter ipsorū præcedentia pecca-  
ta varias offerat occasiones, quibus ipsi, si legiti-  
mè vterentur, maximè adiuti possent ad Deum  
conuerti. Quod factum legimus Pharaoni, cui  
fuerunt adhibita tot miranda signa, quibus excita-  
tus potuit populum dimittere, ac ad Deum con-  
uerti. Quia tamén illis abusus fuit, seipsum maxi-  
mè indurauit; cuius indurationis non Deus, sed  
propria ipsius voluntas causa fuit. Plerumq; enim  
ita euenit; ut permittat Deus propter hominum  
peccata; ut illis occasionibus, quibus conuerti  
possunt, seipsum magis indurent. Vbi nō est omit-  
tendum, quandoque Deū propter hominū facino-  
ra permittere Prophetas falsa prædicere. Ezech.  
14. Iuxta iniquitatem interrogantis erit iniqui-  
tas Prophetæ, & ego ero spiritus mendax in ore  
Prophetarum. Non quòd Deus Prophetas indu-  
cat ad falsum pronuntiandum: sed permittit pro-  
pter aliorum peccata eos quandoque mentiri, &  
ex proprio spiritu loqui, & non Diuino. Facit  
ad hoc Aug. dictum, Deum scilicet inclinare ho-  
minum voluntates ad bonum sua misericordia; ad

malum verò propter ipsorum peccata. Aduertendum tamen est, quòd inclinare ad malū hoc in loco idem est, quod malum permittere, siue tolerare: quod & ipse Aug. ad Simplic. exposuit inquiring, Nihil aliud est Deū indurare, quàm gratiæ suæ auxiliū non impertire; non quòd hominem, quantumuis perditū, quouis fauore destituat, & quòd illi, si se disponat ad gratiā, non infundat; vt cautū est per Concil. Trid. Sess. toties citata, can. 17: sed quia superabundans, & efficacissimū auxillium illi non præstat. Idem de prædest. Sanct. 21, clarè ostendit obdurationem, & excæcationē Deo non esse tribuendā, vt ipsarū auctori; sed propriæ hominū voluntati. Vnde, quòd Pharaο obstinatus permanferit, & Nabuchodono sor fuerit conuersus; eo factū fuit, quòd alter flagella sentiens compunctus fuit; alter propriā sequutus voluntatem seipsum indies magis, indurauit. Idē ostendit Paul. Rom. 2. An ignoras, inquit, quòd benignitas Dei te ad poenitentiam adducit; tu autē secundū cor tuum thesaurizas tibi irā in die ultionis, & iudicii. Ex his patet interpretationibus, nihil contra nos habere propositū argumentum. Si breuiorē cupias responsionē, dicas in excæcatione, ac obduratione duo reperiri. Primū est, motus animi malo inhærentis: qua ex parte Deus obdurationis causa non dicitur, neq;

excæcationis; sicut neque causa est peccati. Aliud est, subtractio luminis Diuini, & Diuinæ gratiæ; & ex hac parte Deus dicitur alios indurare; & excæcare; nō positiuè, sed priuatiuè. Dicitur enim eos excæcare, quorū mentes non illuminat; & eos indurare, quorū corda non emollit. *non tollit.*

10 Tertia Concl. Circa malū pœnæ habet Diuina voluntas actū positiuū in reprobatione. Probi. Deus est causa omnis pœnæ, quā mali patiuntur; ergo positiua volūtatē vult illis hoc malū. Quod verissimū est, non solum de pœna sensus; verum etiam de pœna damni. Sicut enim Deus positiuè vult illos perpetuis esse in tormentis; ita positiuè vult eosdem perpetuè carere æterna Dei visione.

11 Sed obicitur. Si Deus habet actum positiuū circa malum pœnæ; cum saepe vnū peccatū sit in pœnā alterius, vt habetur ex Paul. Rom. primo. Propter quod, id est quia, sicut cognouerunt Deū ipsū non coluerunt; tradidit illos Deus in desiderio carnis eorū: ergo potest Deus habere actū; & voluntatem positiuā circa malū culpæ, quod est falsum, vt iam probatum est. Resp. vnum peccatum esse pœnam alterius non propriè, & per se; vt dicit D. Greg. super Ezech. & D. Thom. 1. 2. q. 87. art. 2. quia de ratione pœnæ est, vt inuoluntaria sit: de ratione verò peccati, vt voluntarium; & sic dixit Aug. malū culpæ illud est, quod volun-  
tariè

tariè agimus, sed malū poenæ, quod patimur. Vel, quod idem est; peccatū; quatenus dicit culpā, & voluntaria est, non potest esse poena alterius peccati: Si largè, & ex consequenti; vel, vt alii dicunt, per accidens loquamur, non est absurdum vnum esse in poenam alterius; quod variis modis contingit. Primò, quando aliquod inuoluntarium per se concomitatur, vel subsequitur actum peccati; vt cum Infamia insequitur peccatū. Secundò, quando peccatum connexam habet transmutationem corporis; vt, cum aliquis viso inimico, scandescit in vehementem iram; quod non fit absque graui poenā, & corporis alteratione. Tertiò, quando peccatū res est difficilis, atque laboriosa, inferens poenam peccanti; iuxta illud Sap. 5. Ambulabimus vias difficiles. Modò ad argumentum dicitur, quòd sicut Deus solummodò est auctor poenæ peccati per se, non tamen poenæ peccati per accidens; ita tantummodo potest habere actum positium circa malum poenæ per se, & non circa malum poenæ per accidens. Secundò sic arguitur, Deus omnia diligit Sap. 2. hominē præcipuè, ob quem proprio filio non pepercit: sed aliquem diligere, est illi bonum velle; ergo Deus nulli ex creaturis rationalibus vult posituè malum poenæ. Dicitur, Deum omnes homines diligere amore generali, & omnibus velle bonum vtile; scilicet,

esse;



esse; Sed non omnibus omne bonum utile; cum illis tantum, quos amore speciali prosequitur, ut sunt illius praecepta seruantes. Tertiò sic, Deus est summè misericors; immo maior est misericordia sua, quàm hominũ iniquitates, ut concinunt Scripturæ. Munus autem misericordiæ in Deo, est liberare nos à miseriis, ergo à pœnis Inferni, quæ omnium sunt grauissimæ. Resp. non esse munus misericordiæ Dei liberare omnes à singulis miseriis; sed ab illis solum, à quibus videtur consonũ rectissimo iudicio suo. Constat autem rectissimo iudicio, & sapientiæ Dei aliquos non debere totaliter à miseriis liberari. Semper tamen punit citra quàm dignum, ubi satis misericors apparet.

Ex visis, paucioribus potest satisfieri quæstioni. Deus in reprobatione habet actum positiuũ; non circa culpam, sed circa eius permissionem, & circa malum pœnæ. Vult enim Deus ab æterno permittere hunc cadere in peccatum. Deinde permissio peccato, & finali eius impenitentia, vult illi pœnam æternam, tum sensus, tum damni in adultis; damni solum in pueris absque baptismo decedentibus. Aduertendum tamen, quòd licet Deus positiuè velit reprobis permissionem culpæ, & inflictionem pœnæ: est tamen maxima differentia. Primum vult nullo habito respectu ad peccatũ; secundum non nisi præuiso peccato. Vnde nemini  
vult



vult poenam sensus, nisi præuiso peccato; sicuti neminem excludit à vita æterna, quæ omnium poena est grauissima, nisi præuiso peccato. Idem insinuare videtur Paul. Rom. 9. dicens Deū dilexisse Iacob, & odio habuisse Esau; odium namque actum positiuū denotar. Et colligitur ex Genes. 25. vbi hoc dictum fuit sub his verbis, Maior seruiet minori; id est maior erit reprobatus, & minor approbatus. Et hoc fuit dictum post eorū conceptionem in vtero, sed ante natiuitatem ex vtero, quo tempore pueri adinuicem luctabantur. Expressè habetur etiam Malach. 1. qui Propheta, quamuis fuerit longè post illos, inspiratus tamen à Domino prophetauit de illorum approbatione, & reprobatione.

## ART. TERTIVS.

*An detur ex parte nostra causa demeritoria reprobationis?*



Is o, ad quem spectet reprobare, & quomodo Deus ad nostram reprobationem concurrat: videndum est, an detur ex parte nostra causa demeritoria nostræ reprobationis? Et sensus est, an Deus pro libito quosdam reprobauerit; vel potius habi

ta demeritorū ratione ab æterno præuisorum?

Varia sunt opiniones. Prima absque distinctione tenet nullā habere causam à parte nostra. Contra quam argumentor, & primò, Reprobare est odio habere; at odio aliquem habere, est illi malum velle: Deus autē piissimus nemini vult malum sine causa; ergo reprobationis datur causa. Secundò, Deus illos reprobat, quibus non vult voluntate consequenti vitam æternam: sed voluntate consequenti, & efficaci neminem vult à se excludere, nisi supposita culpa: si ergo voluntatis consequentis datur in nobis aliqua causa, dabitur etiam causa reprobationis. Tertiò, Reprobatio est opus iustitiæ, ergo non potest esse iusta, nisi respectu culpæ. Quartò, Reprobare, est iudicare aliquem indignum aliquo honore, & dignū pœna, ergo supponit culpam. Sola enim culpa potest facere hominem indignum æterna vita. Vltimò, Videtur durum, & crudele; neque Diuinæ misericordiæ consonum, vt absque culpa aliquos reprobet.

Secunda opinio est, quæ nonnullis videtur Aug. in Epist. ad Sixt. 105. & lib. 1. ad Simplic. q. 2. & de Prædest. & grat. cap. 3. & de prædest. Sanct. 88 in Enchir. à cap. 94. ad 100. Quibus in locis duo videtur asserere. Primum, quòd peccatū originale causa est generalis, & cōmunis in omnibus reprobatis.

batis. Secundum, quòd actualia peccata nò sunt causa reprobationis. Primum sic declarat: Deus ab æterno vidit totam massam naturæ humanæ infectam propter peccatū primi hominis; deinde ex hac massa sic infecta, & præuisa Deus ab æterno, vt ostenderet diuitias misericordiæ suæ, quosdā elegit, alios verò in massæ infectione reliquit, ac reprobauit: non iniuste; cū hoc deberetur tali infectioni. Vnde quos liberauit, misericordia liberauit; & quos damnauit, iustitia damnauit. Probat secundum ex Epist. ad Rom. 9. vbi Paul. docet, Deū alterum elegisse, alterū verò reprobasse, nulla habita operum ratione. Vnde sumit hoc argumentum. Eadem est ratio Esau, & aliorum reprobatorum; sed Esau reprobatus est non propter præuisa demerita, ergo neque alii.

Hæc opinio re vera non est satis tuta, quia falsum videtur primò, peccatū originis esse causam reprobationis omnibus in reprobatis, cum multis reprobis Deus tale peccatum dimittat; in quibus per consequens, reprobationis causa dici non potest. Patet hoc expressè, cum ex baptizatis in lege noua, & ex circumcisis in lege veteri multi sint in Inferno, quibus iam originale peccatū dimissum fuit; totaliter autem dimissum non potest esse causa reprobationis; alioqui puniret Deus peccatum iam semel dimissum. Falsum præterea videtur,

Z

actua-

actualia peccata non esse reprobationis causam. Nam si originale peccatum præuisum causa est reprobationis, à fortiori peccata actualia præuisa. Ideo numquam mihi suadere potui, hanc germanam Augustini fuisse sententiam; præcipue, cum huic opposita, quæ infra habetur, cōmuniter Aug. imponatur; & clarius appareat ex suis dictis. Si quis autem pertinaciter asseueraret hanc veram esse Aug. opinionem, utpote, quod eam aliquando tenuerit, sicut ex locis iam citatis colligitur; tūc puto eam sic intelligendam. Quod ubi Aug. asserit, peccatum originis esse causam reprobationis omnibus in reprobatis, nullam faciens mentionē de actualibus: hoc ideo facit, non quod intendat excludere actualia; sed quia peccatū originale radix est omnium aliorum; ubi actualia ipsa implicitē complecti voluit. Si instaret dicens, Augustinū dictis in locis expresse reiicere peccata actualia, & velle solum originale peccatū esse causam reprobationis; tunc & ipse dicerem, Aug. loqui de primo effectu reprobationis; non simpliciter, sed supposito, & præuiso peccato originis: & loquor de facto; nam de facto Deus permittit aliquem cadere propter peccatū originale. Et quia sic gloriantem Augustinū oportet etiā soluere argumentū iam contra ipsam propositū; ideo dicitur, quod licet originale peccatū semel remissum in baptis-

mo,

mo, vel in circumcissione, non possit esse causa reprobationis in his, quibus est remissum: vera tamen potest esse occasio; quoniam, hoc etiā dimisso peccato, remanent in nobis reliquię, & effectus illius, vti sunt, ignorantia, pronitas ad malum, & rebellio inter carnem, & spiritum: propter quā sæpe cadimus, & ideo peccatum ipsum dici potest occasio talis casus.

Tertia opinio est Soti, Rom. 9. ac aliorū, qui sic distinguunt. In quibusdam solum peccatum originale causa est reprobationis, vt in paruulis: in quibusdam solum peccatū mortale actuale: & in quibusdā vtrumque, vt in infidelibus, qui iam adulti moriuntur. Purant hoc dictum esse ad mentem D. Aug. At dato, & non cōcesso, quod eorū opinio sit vera; falsissimum tamen est, quod sit Aug. cum secundum eius doctrinam, Esau non fuit reprobatus ob demerita, ergo neque alii. Deinde, Reprobatio includit voluntatem permittendi aliquem cadere; sed huius permissionis ex parte nostra non datur causa, ergo. Est aliud validissimum argumentum, Nemo potest cadere, nisi Deus permittat; secundū Aug. in Ench. 95. Nihil fit, nisi Omnipotens velit fieri, vel sinendo vt fiat, vel ipse faciendo: ergo prius Deus permittit hunc cadere, quā cadat: sed huius permissionis in nobis non datur causa præter Dei voluntatem,

ergo. Nec ibidē inficiatur Sotus neminē posse peccare, nisi Deus permittat: sed vult huius permissionis dari causam ex parte nostra, scilicet voluntatē nostram, quæ obicem ponit ipsi Deo. Reddit rationē, nam licet in impulsione ad bonū incipiat Deus priusquam liberū arb. quod sanē verū est; iuxta illud Ioan. 1. 5. Non vos me elegistis, sed ego elegi vos. In deferēdo tamen oppositū contingit. Prius enim desistit homo, quā Deus illū deserat. Confirmatur, prius permittit Deus hominē cadere, ergo homo, supposita permissione, non potest non cadere, ergo necessariò peccat. Huic sententiā videtur fauere Sanct. Thom. 1. 2. q. 1. 2. art. 3. ad 2. & 3. con. Gent. cap. 159. & 1. sent. dist. 40. q. 4. art. 2. vbi docet esse in nobis primam causam defectus gratiæ. Ideo enim deest nobis Deus, & gratiā subtrahit; quia nos prius resistimus nolentes illā accipere. Sed hoc apud me locum non habet; nam si prius homo resistat, quā Deus illum cadere permittat; ergo prius peccat, & sic Deo non permittente. Vtērius, poterat Deus impedire, vel efficere gratia sua ne iste resisteret, vt legitur apud Aug. in Ench. loco cit. cur igitur non impedit? Huius certē voluntatis, qua hūc impedire non vult, cū posset (est enim omnipotens) nulla datur causa ex parte nostra. Quare idē Sot. 4. sent. dist. 50. quæst. vnica art. 6. vbi iam à se



se multa dicta retractat, ad hunc locū perueniē-  
sit; opinionem hanc probabilem esse, oppositam  
nihilominus probabiliorem; scilicet reprobatio-  
nē ex parte permissionis nullā penitus habere  
causam in nobis. Clarissimē patet hoc in primo  
parente; cur enim permiserit Deus Adā labi ab  
initio, nulla sanē fuit causa prāter meram ipsius  
voluntatē. Sumatur tamen sanō modo; ne existi-  
metur voluisse Deus primū parentem peccare; cū  
peccatum propriē volente Deo non fiat; sed uti-  
que eo permittente. Condidit enim Deus pri-  
mum hominem liberum, quem permisit sua abu-  
ti libertate.

In huius articuli solūtionē omnia hęc per ordi-  
nem prāstabo. Notanda prāmittam. Conclusio-  
nes cum probationibus, obiectionibus, ac ipsarū  
solutionibus apponam. Tandem dubitationes  
nonnullas, vulgaresque obiectiones iniungam,  
& soluam.

Primò igitur notandū est, hīc sermonem non  
esse de causā reprobationis in vniuersali; huius  
enim superius fuit reddita ratio; sed de reprobā-  
tione in particulari, An Deus scilicet Iudā repro-  
bauerit, ex quo prāuiderit eū peccaturū, & in co-  
statu decessurum? Nec sermo est de causā ex par-  
te reprobationis, cū sic non habeat causam ex par-  
te nostra; sed totū in Dei voluntatē referatur secū  
dum



dum omnes; immo in hoc cōueniunt, vt alibi dictū est, Cuius vult miseretur, & quē vult indurat. Adde, quòd temporaneū, vt sunt demerita nostra, quæ sunt in tēpore; æterni, vt est reprobatio, quæ actiue, secundū rem idem est cū essentia Diuina: causa esse non potest. Iurgiū autem est in causa ex parte reprobati; quomodo etiā dupliciter loqui possumus; vel enim de æterna, vel de temporali, vt est obduratio: vtramq; scriptura sacra videtur referre ad diuinā voluntatem; sed re vera non parua est distantia, vt infra monstrabitur. Secundò aduertendū est ex D. Thoma. reprobationē non solum esse alicuius ordinationē in pœnā æternā; sed includere voluntatem permittendi aliquem cadere in culpā, & relinquendi illum in sua culpa vsque ad exitum vitæ; & tandē, supposita culpa, voluntatem inferendi pœnā pro tali culpa cōmissa. Et ex hoc manifestē colligitur, quatuor reperiri in progressu reprobationis. Primū, est permissio, qua iste permittitur cadere. Secundū, est casus ipsius in culpā. Tertiū, est permissio, qua permittit Deus illū in peccato mori. Quartū, & vltimū, est pœna, siue sensus, siue damni. Tertiò notandū, & optinē; quòd non omnia ista quatuor sunt reprobationis effectus: licet enim verificetur de tribus, de culpa numquam verificabitur, quæ non à Deo, sed à sola libertate arbitrii est, & ideo repro-

reprobationis effectus dici non potest.

Si igitur de primo effectū loquamur, hæc ponitur Concl. Reprobationis non datur causa ex parte nostra. Est D. Thom. secundū aliquos, quibus ego assentior, quamuis alii contrarium sentiant. Præter ipsum, est Caiet. in suo com. 1. p. q. 23. art. 4. & 5. Ioan. Driedonis, & ni fallor, ipsius Scoti 1. sent. dist. 41. quæst. vnica. Etsi enim secundū Scotum datur causa reprobationis, vt vltimū respicit effectum; insinuat nihilominus, voluntatem permittendi istū cadere nullam in nobis habere causam. Possunt etiam adduci pro ea omnes rationes iam allatæ; & præter illas hæc sit prior. Propositiones de futuro contingenti supponunt determinationem Diuinæ voluntatis volentis, vel permittentis aliquod fore; ergo illa propositio, Antichristus peccabit, vera esse non potest, nisi Deus permittere vellet illum peccare; ergo illi peccato supponitur permissio; ergo non potest dari causa illius permissionis ex parte nostra. Vtterius, Angeli peccauerunt Deo permittente, cuius permissionis nulla valet in illis tradi causa, ergo. Si autē habeatur sermo de vltimo effectū, scilicet de alicuius ordinatione in æternā pœnam, hæc statuitur Concl. Reprobationis datur in nobis causa: vel originale peccatū in pueris non baptizatis, vel actualia in adultis. Est Aug. locis citatis. D. Tho-

ma

ma Rom. 9. in fine 2. lect. & de Verit. q. 6. art. 2. Scoti loco cit. Est tandem adeò certa, vt ab omnibus ferè subſtineatur, præcipuè cum ex Scriptura ſit deprompta. Oſea 13. Perditio tua. Iſrael; ſcilicet ex te eſt, ob peccatū tuū: tantummodo in me auxilium tuum. In nouiſſimo die, vt legitur apud Matth. Chriſtus dicet reprobis, Ite in ignem æternum, & reddens rationē; Eſuriui, & non dediftis mihi manducare, &c. Quod ſi faciet in tempore, ergo, ab æterno decreuit illos ob eadem peccata damnare; cum prope Deum nil temporaneū propriè dici valeat, vt alibi conſtat. Legatur, Rom. 6. Stipendia enim peccati mors, gratia autem Dei vita æterna in Chriſto Ieſu Domino noſtro. Aug. in Epift. ad Sixt. iam citata duo dicit; Primū, quod Deus propter peccatū damnat vniuerſam maſſam perditorum. Secundum, quod Deus non obdurat impertiendo malitiam, ſed quia miſericordiā non impertitur. Accedit hæc potiffima ratio, Reprobatio, vt vltimū respicit effectum, eſt opus iuſtitie. Dico vt vltimū respicit effectū; nam vt primum intuetur, ſolum negatio miſericordiæ vocatur. Ergo nō poteſt eſſe iuſta, niſi culpa ſuppoſita.

Contra primā concl. eſt hoc. Deus quos reprobat, odit; neminē odit, niſi ratione peccati; ergo. Similiter, odiſſe eſt alicui malū velle, ſed Deus maximum malum nemini poteſt velle, niſi culpa ſuppoſita,

posita, ergo. Dicitur primò, reprobationē, vt voluntas est permittendi aliquem cadere; non esse odiū, sed vt est voluntas puniendi aliquem, culpa supposita. Odisse namque nedum est permittere velle, vt aliquis cadat, sed illi quoque malū velle. Si autem cū Apost. dicatur Deum nullo habito operum respectu odisse Esau; respōdetur duplex esse odium, positiuū, & negatiuum. Positiuum est velle alicui malū, & semper supponit culpā. Negatiuum verò est non iuuare aliquē: id est permittere illum cadere. Et hoc non supponit culpam, cum non sit actus iustitiæ, sed negationis misericordiæ, quæ sub debito non cadit. Sed aduertendum est, quòd licet peccata de se sint causa sufficiens reprobationis; de facto tamen Deus neminem reprobat, nisi eius accedente voluntate permittendi, quos reprobat, in peccato emori. Primum clarum est, quia de condigno ob quodlibet mortale peccatū homo meretur pœnas æternas: Secundū ex eo patet, quia conspicitur Deus aliquando vocare maximos peccatores, & minus peccatores reprobare. Si quis dicat, quæ nā est causa adæquata? Resp. peccata præuisa vna cū voluntate permittendi homines decedere in illis. Vnde, permissionis; qua Deus permittit hominē cadere, etsi non datur causa ex parte nostrā: tamen permissionis, qua Deus relinquit hominē in culpa,

AA

datur

datur vtiq; causa, scilicet præcedens peccatum. Iuste enim Deus ob præcedentia peccata sæpe aliquem permittit alia accumulare, & in illis perire sine poenitentia.

Contra secundā conclusionē multæ sunt auctoritates, & rationes. In primis est Paul. Rom. 9. Non ex operibus, sed ex vocante dictū est, quia maior seruiet minori. Sicut scriptū est, Iacob dilexi, Esau autem odio habui. Et eodem cap. quæstionem excitat, Quid ergo dicemus? Numquid iniquitas est apud Deū? Si ergo esset reprobatio propter demerita præuisa, numquā tam difficilis quæstio mota esset, vt Aug. ait Ench. 98. Clarius patet ex Pauli solutione, qui ad opera numquā configit, sed ad meram Dei voluntatem. Quare dicit; Absit, nam Moyse dictū est. Miserebor cuius misertus sum, &c. Igitur non est volentis, neque currentis, sed Dei misipientis. Ergo cuius vult misertur, & quem vult indurat; non igitur mala opera intueatur in reprobatione. Aug. lib. 1. ad Simpl. q. 2. eandem dicit esse rationem prædestinationis, & reprobationis: sed homines nō distinguuntur propter merita præuisa; aliter, dicit ipse, si Esau propter demerita esset reprobatus, Iacob etiam propter bona opera dilectus esset à Deo. Vltcrius, Ex paruulis ante vsum rationis decedentibus quidam, vt baptizati saluantur: alii verò, vt nō bapti-

zati

zati damnantur. At qui reprobantur, non propter mala opera præuisa reprobantur; cum nulla futura essent: ergo neque adulti ob idem damnantur. Adest tandem experientia; cum misericors, & sapientissimus Deus ad se aliquādo vocet maximos peccatores, & mediocriter iustos reprobet: quod vtiq; non esset, si propria demerita respiceret. Sola igitur Diuina voluntas in reprobatione attenditur. Valida sunt rationes, validiora testimonia; si optime tamen inspiciant, ad solū maximē probant, non habere reprobationem aliquam causam ex parte primi effectus, quod & nos libentissimē admittimus. Et si quis magis vrgeat sistens in dictis Aug. hoc modo, Oppositorum eadē est disciplina, seu dispositio; vt est vulgariter receptū, & deducitur ex pluribus locis Arist. & Auer. 1. cœl. t. com. 44. & 2. t. com. 18. 1. de gen. t. com. 65. & 12. metaph. cap. 9. Est etiam Accur. Legū Imper. magni Glosatoris ad Rub. DD. de acqui. & amitt. poss. Immo omnes legum interpretes inde deducunt. At prædestinatio, & reprobatio sunt opposita, ergo vtriusque eadem erit dispositio; ergo si prædestinatio non est propter merita, ita nec reprobatio erit propter demerita; sed ex mera voluntate Dei. Ad hanc rationem primō dicitur nō esse simile de prædestinatione, & reprobatione; cū quilibet effectus prædestinationis sit à Deo, nō



sic reprobationis. Et ideo dicitur secundū iuristas,  
 ad illā maximā, quōd valet ubi in contrariis eadē  
 est ratio. Glos. in clem. cum ad repulsionē de ap-  
 pella. & omnes scribentes in d. rubr. de acqui. scu  
 retinenda pos. Deinde, vt de farina nostrā panē  
 conficiamus, dicitur eam propositionē habere ve-  
 ritatem in verē oppositis, vti sunt contraria; quā  
 sub eodē genere posita, maximē distant secundum  
 Arist. Sed sic non opponantur praedestinatio, &  
 reprobatio. Sed esto, quōd verē opponantur, &  
 quōd eadē sit ratio; tūc dicitur quōd reprobatio  
 est sumenda solū pro permissione, quā permittit  
 Deus hominē cadere: quomodo sola volūtas Dei  
 causa dici debet, vt probatū est. Patet iam, supposi-  
 to peccato, iuste Deū aliquos reprobare; & si ali-  
 quos eligit misericordia eligit. *Præter expedita*  
*insurgunt alie difficultates; ex*  
*quarū explanationibus plurimum luminis haecel-*  
*det huius materiae. Nonnulli autem de dilectis n. anullo*  
 Primā sic propono; Quomodo reprobatus ius-  
 te dicitur puniri aeterna poena, si peccatū, propter  
 quod punitur, supposita ipsius reprobatione, vita-  
 re non potest? Resp. quōd licet ab aeterno multos  
 Deus reprobauerit, tamē per reprobationē, neque  
 ab aeterno, neq; in tēpore abstulit ab eis liberū ar-  
 bitriū. Nam, quantū ad hoc, reprobatio æqualis est  
 cōditionis cū praedestinatione. Quare legitur Ge-  
 nes.



nes. cap. 4. Nonne si benè egeris, recipies. Si autem  
malò, statim in foribus peccatū tuū aderit: sed sub  
te erit appetitus eius, & tu dominaberis illius. Vi  
dendi sunt pro hoc Ricc. Armaca. lib. 5. de qua  
stionibus Armenorū, & Aug. cap. 14. de Van. Re  
lig. Validū est argumentū, quod æqualiter præde  
stinatis, & reprobatis proposita sunt præcepta sub  
pœna obseruanda, ergo omnes habent liberū arbi  
triū. Aliàs frustra fuisset imponere alicui, quod ser  
uare non posset; sicuti impiū quoque, eū pro pec  
cato punire, quod vitare non posset. Vnde infer  
tur etiā, Deum nulli etiā reprobato, denegare au  
xilium supernaturale, sufficiens, quo volens à pec  
cato resurgere possit, & omnia in posterū cauere:  
ac omnia adimplere præcepta; & inde vitā æternā  
consequi. Mōstratur exemplo; Deus enim eun  
ctis imponit præceptū de credendo fidei superna  
lib, & de diligendo Deum super omnia: quæ vanæ  
essent, si auxiliū ad illa non traderet, eū per se ho  
motalia præstare non queat; impossibilia enim  
præciperet. Vnde Proph. Benedictionē dabit le  
gislator; idest. Christus non solū docet legem, sed  
pluit etiā benedictionē, & rosē gratiæ suæ. Propse  
rea, quando dicunt doctores, Deum aliquē ex car  
carō, non positiuē, sed priuatiuē, seu negatiuē; id  
est gratiam subtrahendo: non intelligunt ipsi, Deū  
omne gratiā, & omne auxiliū subtrahere; sed solū  
auxilium

auxiliū superabundās. Hinc Scolaſtici dicūt prae-  
 ſcitum dupliciter conſiderari vno modo absolute  
 pro eo, quod poteſt; id eſt in ſenſu diuiſo; & ſic om-  
 nia valet peccata vitare, gratiā cōſequi, & vltimō  
 ſaluari. Nam, cum nemini deſit auxiliū ſufficiens  
 ſupernaturales; nullus eſt, qui absolute non queat  
 reſcipiſcere, & poſtremo ſaluari. Si tamen cōſide-  
 retur praeſcitus in ſenſu cōpoſito; id eſt, vt praeſci-  
 tus eſt ſic ſuppoſita reprobatione, ac infallibili  
 Dei ordinatione, ſeu cognitione; cuncta peccata  
 non vitabit. Nam infallibiliter damnabitur, ergo  
 numquā vitabit omnia peccata. Alio modo poſſu-  
 mus dicere, quod ſocus eſt de reprobo, & ſocus de  
 reprobato. Nā reprobis; licet aliquando cadat a  
 gratia, ex quo dicitur reprobis, tamen finaliter nō  
 peccabit. At reprobatus, qui aeternā reſpectu prae-  
 ſcientiā, finaliter nō ſtabit, nec damnationē ſibi iu-  
 ſtē debitam euadet: nō ex eo, quod nō poſſit dam-  
 nationē euadere; ſed propter ſua demerita praeſci-  
 ta; nō ideo enim inique operatur, quia praeſcitus  
 eſt; ſed econuerſo. Clārū eſt igitur, quod ſi homo  
 finaliter non ſtet, & ſi non reſurgat, nō eſt Deo tri-  
 buendū, qui non deſicit in neceſſariis; ſed ſibi ipſi,  
 qui nō vtitur Dei adminiculis: immo eſt cauſa ſuae  
 obdurationis. Primō enim cadit homo nemine  
 cogente; ſed ſola libertate arbitrii ſui deuiare a bo-  
 no, quod poſſet amplecti, ſi veller. Et quāuis Deo  
 per-

permittente cadat; non tamen Deus prius ordine  
durationis permittit liberū arbitriū cadere, quā  
ipsū cadat. Potest deinde à peccato resurgere  
Deo suffragante, qui semper vocat ad conuersio-  
nē, & per cōsequēs parat media proportionata ad  
ipsam conuersionē. Ideo dixit Aug. lib. 8. 3. q. q. 68.  
Omnes sunt ad cōcīnā magnā vocati. Vnde, quod  
veniant in ipsorū est libertas; & si non veniūt, ip-  
sorum est culpa. Si tandem obduratur, sibi etiā im-  
puteretur quia malitia, quam exercet, causa est suae  
obdurationis. Et cum dicit Paul. Rom. 9. Deus  
quem vult indurat; id est permittit aliquem indu-  
rari propter suā peccata. Et si in postremo vitæ  
Deus non præbet auxiliū superabundans taliter  
indurato, nulla vititur iniustitia. Nā si aliquis post  
baptismum mortaliter peccans moreretur, vt gratia,  
quam semel acceptam deseruit, semper indigeret;  
quāto magis, si saepe admonitus redire contem-  
pserit? Iuste igitur damnatur; si Deo suffragante  
bonum agere nō vult, & nemine cogente, nisi suā  
malitia, & iniqua voluntate, in malo persistit. Et si  
opponatur, quod Deus Pharaonē excitauit vt in-  
duraretur, vt habetur Paul. Rom. 9. & Exod. cod.  
per quā indurationē exercebat virtutē suā in illo;  
vtq; annuntiaretur nomen Dei in vniuersa terrā:  
pater modò, quod sicut quem vult eligit, ita quem  
vult indurat. Vt penitus tollatur hæc difficultas,

præmisso eo, quod sæpe dictū est, Deū indurare non impertiēdo malitiā, sed non infundendo gratiā: quod iusto iudicio fit. Dicitur postea, quod duplex est litera; altera habet, excitaui te: altera verò, reseruauī te, vt Glos. tangit. Erat autē Pharaō in malitiā sopitus, & excitatus fuit per signa diuina: ille autē, cū deberet fieri melior, propriā. sectatus voluntatē, factus est peior, & induratū est cor eius; quod ex iusto iudicio Dei factū fuit. Nā, vt habetur Apoc. 22, qui in sordibus est, sordescat adhuc: iusto. n. iudicio fit, vt qui nō vult à malitia discedere, ex hoc in aliud peccatū trahatur, & durior, ac deterior fiat. Alia litera habet, reseruauī te, Nā Pharaō, qui sua malitia erat morte dignus, seruatus fuit in vita per aliquod tēpus, vt ostēderet Deus signa sua in eo. Ex qua reseruatiōe, et signorū ostensione debebat fieri melior, & debebat poenitentiam agere; ipse, nō poenitēdo, incidit in aliud peccatū; & factus est peior, & durior: quia peccatū, quod per poenitentiam non diluitur, mox pondere suo in aliud trahit. Et sic sumus in primis, quod si homo obduretur, & denique in peccato moriatur, sibi ipsi imputandum est, & non aliis.

Secunda Dubitatio. Cur Deus ex duobus æqualibus in meritis, vel demeritis, potius hunc, quā illum reprobāt?

Respondetur, simile esse quærere hoc, & quære

re,

re, eut in pariete ex similibus lapidibus cōstructo  
aliqui sint superius, alii verò inferius? Vnde ratio  
huius in vniuersali erit, vt cōpleatur ædificiū: non  
enim posset cōpleri paries, nisi lapides aliqui essēt  
inferiores, & alii superiores. Si aut in particulari  
quærat, cur illi potius sint superiores? per se lo-  
quendo, alia ratio reddi nō potest, nisi volūtas ar-  
tificis. In proposito; si quærat in vniuersali, qua-  
re aliqui saluantur, & aliqui reprobantur? De hoc  
multoties fuit reddita ratio superius. Si aut quæ-  
stio sit in particulari, quare hi potius saluantur,  
quàm illi? Vel, quare præuidit Deus se illis gratiā  
daturū, his verò minimē? Per se causam nō assigna-  
binus, nisi suā voluntatē: vt dicamus, ideo sic esse,  
quia cuius vult miseretur, & quē vult indurat. Cu-  
ius volūtatis rationē quærere nō debemus. Vnde  
Ansel. cur Deus homo, lib. 1. cap. 8. ait sufficere no-  
bis debere ad rationē volūtatis Dei, cū aliquid fa-  
cit, licet nō videamus cur velit; quia sic ipse vult:  
voluntas namq; Dei numquā est irrationabilis.  
Paul. ad hūc locū deueniēs Rom. 11. Exclamauit,  
vt supra patet, O altitudo diuitiarum, &c. Aug. ex-  
ponēs illud Ioan. Nemo potest venire ad me, &c.  
ait. Quare hunc trahat, illū verò nō, noli iudica-  
re, &c. & ad Sixt. inquit, scrūtetur qui potest tā ma-  
gnū profundū iudiciorū Dei; verūtamen caueat  
præcipitiū. Idē, inde verbis Apost. serm. 7. Quare

hūc liberet, & nō illū; nolo, vt à me quæras: homo sū, profundū nimis aduerto: nō penetro, sed expauesco: nō scrutor, inscrutabilia. n. sunt iudicia eius.

Tertia dub. Cū Deus, per Aug. in Ench. cap. 98. possit cōuertere ad bonū malas hominū voluntates, quas voluerit, qñ voluerit, & vbi voluerit: cur igitur nō imutat malorū volūtates, vt oēs saluētur?

Respōdetur, vt alibi, quòd a bsolutè loquēdo, vti què posset omnē voluntatē in bonū immutare, ita vt nullus deuiaret à fine: quia tamē ipsum, decet sic res administrare, vt sinat eas proprios cursus agere: ideo, ex quo dedit liberum arb. homini, decet Deū nos in bonū dirigere, ac facit; vt liberè tñ nō stros cursus agere nos sinat. Sed dicas iā tu, qui hoc quæris. Si Deus dedit tibi liberū arb. ac illud dirigit ad bonū: immo media quoq; parat; si tu igitur illa media nō suscipis, immo vocantē sequi nō vis, cū possis, & ad hoc maximè requiritur, consensus tuæ volūtatis, tu aut renuis, & aufugis: cui est imputanda perditio tua? nō Deo, cū præstiterit sua misericordia omnia requisita ex parte sua. Remanet igitur, quòd tibi soli, qui hostes, & proditores potius, te vanitatibus, obscenisq; rebus allicientes sectari voluisti, quàm patrem, & creatorem tuū, qui est vita, lux, & veritas.

Quarta dubitatio. Quomodo euitari potest, ne dicatur Deus acceptator personarum, aliquos eligendo,



gendo, & aliquos reprobando?

Alibi dictū est, cōtingere nō posse hac in re personarū acceptationē: dicitur adhuc quod personā accipere, est in persona quod minimē considerandum est, cōsiderare. Vt Ecclesiastica beneficia distribuere debēs si cōsideret in personis, quibus distributio fieri debet; nō morū bonitatē, vel sciētiae praestantiā: sed alia potius nō attendenda in tali casu, vt carnis propinquitatē, vel personae fauorē. Quō aut hoc nomē initium habuerit, hinc patet, quod in personā possunt esse cōditiones negotio, de quo agitur, pertinētes, Et impertinētes. Pertinētes sunt negotii cōditiones, impertinentes aut nō negotii, sed personae: vt agitur in iudicio de cōferenda hæreditate: conditio pertinens est, vt sit filius defuncti: at impertinens, quod sit amicus Iudicis. Iudex ergo debet cōsiderare cōditionē pertinentē, & nō impertinentē. Vnde si cōfert hæreditatē, nō filio defuncti, sed familiari suo, erit acceptator personae, & nō iustus. Ex his patet, quod si proponantur aliqua ex mera gratia largita; cū ibi nulla sit cōditio impertinens; potest. n. aliquis ea distribuere, vt vult, & circa ea cōsiderare quicquid vult: nō erit ibi acceptatio. Sic Deus ex mera liberalitate sua tribuit nobis bona: ideo potest ea vt vult, & quibus vult cōcedere, & nō erit personarū acceptator. Dicit quis, Esto, quod in gratuitis cō-



ferendis non sit iniquus, erit tñ iniquus in fligenda  
pœnā inæqualiter his, qui æqualiter se habent. Ve-  
ra esset fortè ista obiectio, si nos nasceremur ex gē-  
te nō infecta: aticū nascamur omnes ex massa lu-  
tuosa, & ex apostatica radice ideo, si nemo inde li-  
beraretur, non posset, nisi falsò, iniustum propte-  
rea Deum appellare. Est Aug. Ench. 199. *(dili.)*

Quinta dub. Dicit quis, ego sum præscitus, ergo  
infallibiliter dānabor; cur ergo faciā bona opera?

Aliàs dictum est, reprobationē, vt dicit Diuinā  
præscientiā, nullo pacto necessitare: Tu autē, sup-  
posita præscientia, ex eo quia, cū Deo sint omnia  
præsentia, etiā futura; præuidit te peccaturū per  
libertatē tui arbitrii, & in peccato permanfurum,  
ibiq; moriturū, quia admonitus numquā redire vo-  
luisti: ideo, quia Deus cognoscit res, vt præcisè fu-  
turae sunt, infallibiliter dānaberis propter tua de-  
merita, quæ licet causa directā, & principalis æter-  
næ reprobationis, vt dicit ordinationē ad pœnā,  
quæ est vltimus effectus, dici nō possint: sunt nihī-  
lominus causa, sine qua nō respectu propositi Di-  
uini; cū numquā sic aliquos reprobarēt, nisi eos ma-  
los fore præsciret, ac in peccato morituros. Suppo-  
nis deinde vt clarū, quod maximè obscurū est; &  
ideo semper bonis operibus innitendū est, vt in-  
dies solidiores efficiamur in spe salutis æternæ. Li-  
cet. n. ab æterno præuiderit Deus me debere salua-  
ri;

et simul etiā præuidit, multa bona facturum, propter quæ saluabor; & si ipsa etiā inter prædestinationis effectus numerantur: similiter præuidit me hodie comedurū, smule; mihi cibū indagaturū, & ad mēsum iturū. Nōne ridiculū esset, si dicerē, nolo cibū quærere, nolo discūbere, quia sine hoc, infallibiliter comedā; quia præuidit me Deus comedurū? cū nemo igitur de sua reprobatione certus sit, studeat benè regere. Si dicas, sū certus de reprobatione. Rñdeo hoc fieri nō posse, nisi per reuelationē, & extra legē. Habemus. n. in lege præceptū de spe, quod ad impleri nō posset ab eo, qui haberet reuelationē de sua dānatione. Aliquibus tamē fuit reuelata, vt Iudæis, quibus dixit Christus, & in peccato vestro moriemini. Iudæ, de quo dixit, vē homini illi, per quē filius hominis tradetur, &c. Et Petro de facto reuelauit negationē suā, quæ erat peccatū mortale. De potētia igitur absoluta potest alicui Deus reuelare suā finalē dānationē, quæ etiā stat cum libertate arbitrii, sicut & reuelatio de prædestinatione; cum non sit maior ratio de vno, quàm de alio. Docet etiā Ansel. in de casu diaboli 2. 1. & 2. quod dū aliquis est in via, etiā per reuelationē, certò scire non pōtest, an ipse sit dānandus; quia sēper debet dubitare, & rationabiliter, an sit vera reuelatio, vel somniū: an reuelatio absolutē, vel sub cōditione expressa: an à Deo sit vel potius illa.

illuſione Diaboli. Quibus etiã ſuppoſitis, conari debet, vt bene agat; quoniã ſi non proderit ſibi ad gloriã cõſequendam; proderit vt leuius afficiatur in Inferno: cuius ignis nõ afficit, niſi iuxta menturã præfixã à voluntate Dei, quæ etiã vult punire citra quã dignũ, vt eſt Aug. i lib. de cõcor. Euãg. Quãtò igitur quis pauciora peccata fecerit, tantò minus i inferno punietur. Eſt Greg. lib. 4. Dialog. & Chryſ. ſuper Matt. Omel. 33. Proſunt etiã bonorũ operũ exercitium, & conatus in bono vſu gratiæ, quã receperit aliquis; ad obtinendum donum perſeuerantiæ; de quo dubiũ nõ eſt, vt ſentit præcipuè Ruardus Tapper i explicationibus articulorũ fid. art. 5. & adfert parabolam Lucæ. 8. & Matt. 13.

Sextò dicet quis, Poteſt nẽ, abſolutè loquẽdo, concedi, reprobationem habere cauſam ex parte noſtra? Superius. n. ſemper habito reſpectu ad aliquẽ particularẽ effectũ, fuit determinata quæſtio.

Breuitè dico, Si ſumatur reprobatio pro voluntate tantũ puniẽdi aliquos pro culpis, & abſolutè, pro eo, quod eſt reprobatio: cõceditur, habere cauſam demeritoriã in nobis. Nã ordinatio ad poenã neceſſariò ſupponit culpã, vt dictũ eſt, aliter eſſet cõtra iuſtitia. Ex eo patet, quia per ſeipſum homo demereri poteſt. Si verò ſumatur reprobatio pro permiſſione, quæ reprobationi præintelligitur; tunc nõ datur in nobis aliqua cauſa. Si dicas, ergo permiſſio

missio non est reprobationis effectus. Resp. quòd est effectus largè, siue incohatiuè; prout est effectus voluntatis, quæ supponitur reprobationi: nō tñ est effectus reprobationis, si consideretur id, quod per se est reprobatio. Et hanc doctrinā, nedū verā existimo, sed etiā valdè opportunā ad mētem D. Thom. declarandā, & ad remouendā cōtradictionē, quā insolubilem inter Scotum, & ipsum nonnulli ponunt, præcipuè Paduanus de Crassis Barlettan. in Enchir. Scolast. Cōtradiçt in 3. et ipse non soluit. Clariùs tñ ipso sole apparet, Scotum sumere reprobationē absolute pro eo, quod est reprobatio: dicit n. quòd Iudas cadit in tertio signo, & in quarto reprobatur.

Vltimò quæritur de ordine, qui in mēte Diuina circa prædestinationē, & reprobationē seruatur.

Ad quod resp. vt de hoc loqui possumus, & secundum nostrū intelligēdi modū, quòd primò Deus ab æterno præuidit omnes homines, & Angelos secundū esse naturale. Deinde quosdā elegit, illisq; secundū intentionē, prius voluit finē, quàm media ad finē: quāuis secundū executionē oppositū potius. Alios autē repulit, hoc ordine. Primò præuidit illorū casum propter aliqua maiora bona, nō negando illis auxiliū sufficiens, quo possent conuerti; sed superabundans, quo de facto cōuerterentur. Deinde præuidit peccatum, & permisit

Deus,

Deus, vt notam faceret mundo iustitiam, & potentiam suam, illos mori in peccato. Et vltimò, præuisa eorum finali impœnitentia, exclusit illos à gloria & ordinauit in poenā æternā. Sed aduertendū est, quòd licet in illo priori Deus non voluerit reprobis gloriam negatiuè: tamen ante peccatū non habuit actum positium, quo illos excludere vellet de facto à gloria: licet de potētia absoluta posset nullo præsupposito peccato, vt cōtingere posset in homine sine gratia, & sine peccato decedēte.

Et hæc omni cum humilitate, & tremore scripsi in laudem misericordiæ, & iustitiæ Dei, cui semper honos, & laus erit in corde, & in ore meo. Singula autem à me dicta Sanct. Rom. Eccl. censuræ

corrigenda, & immutanda, si videbuntur, humiliter, submitto.

## F I N I S.

Errata ita corrigantur.



- |           |          |   |
|-----------|----------|---|
| Pag. 15.  | uer. 14. | habetur 2. sent. corrige 1.             |
| Pag. 31.  | uer. 16. | hab. titulum, cor. titulum.             |
| Pag. 43.  | uer. 13. | bab. nouantem, cor. uocantem.           |
| Pag. 46.  | uer. 6.  | post cap adde numerum 4.                |
| Pag. 47.  | uer. 23. | bab. modicari, cor. moderari.           |
| Pag. 81.  | uer. 6.  | bab. Porph cor Proph.                   |
| Pag. 96.  | uer. 16. | bab. ex superius, cor. ex superioribus. |
| Pag. 187. | uer. 10. | bab. inspiciant, cor. inspiciantur.     |















5-5-1

